

# ԱՅՅՆՈ ՕՂՈՒԹՅՈՒՆ

1. 30/4

8

Ի. Երևան  
Ի. Երևան

ՅՅՈՒՆԻՍԿՈՒՆ  
1940

# ჩვენნი თაობა

12 796

საქართველოს საბჭოთა მწერლების  
კავშირის ყოფულთვიური ორგანო

8



სახელმწიფო გამომცემლობა  
ბუილისი  
1940 წელი. აგვისტო.

## ზინაარსი

გვ.

### მხატვრული ლიტერატურა

|   |    |
|---|----|
| მიხეილ ოქროპირიძე — ვაჟას ცრემლები . . . . .                  | 5  |
| ალეკო შენგელია — ცაზე ჰკიდია ერთი ღრუ-<br>ბელი . . . . .      | 6  |
| კოტე ხიმშიაშვილი — ჯონქა ხორნაული (ვა-<br>გრძელება) . . . . . | 8  |
| ივანე შაიშველაშვილი — ქარიშხალი ტფილის-<br>ში . . . . .       | 19 |
| ალექსანდრე ქუთათელი — მკვდრის მზე . . . . .                   | 28 |
| იოსებ ნონეშვილი — უსახელო ყვავილი . . . . .                   | 39 |

### პრიტიკა

|  |    |
|--|----|
| შალვა გოზალიშვილი — ვაჟა-ფშაველას „სად<br>არის პოეზია“ და „რამერუმე“ . . . . . | 40 |
| იაკობ ბალახაშვილი — გრიბოედოვი საქართვე-<br>ლოში და ნინო ქავჭავაძე... . . . .  | 50 |

---

სარედაქციო კოლეგია: ასტვაცატუროვი ერეშია, გენაშვილი დი-  
მიტრი (პასუხისმგებელი რედაქტორი), გრიშაშვილი იოსებ, კლდიაშვი-  
ლი სერგო, ძინაძე ლეო, შენგელია დემან, ჩიქოვანი სიმონ.  
პასუხისმგებელი მდივანი: ნიკოლოზ აბიაშვილი

---

წარმოებას გადაეცა 8/VIII-40 წ. ხელმოწერილია დასაბეჭდათ 26/IX-40 წ. ქალ. ზომა. 72×108.  
ჟურნ. ზომა 7×11½. ფორმ. რაოდ. 4. შეკვეთის № 1467. შპ 1392. ტირ. 2000.

---

სახელგამის ბეჭდვითი სიტყვის კომბინატი, უორენის ქ. № 5.



3555-3553035

მინილ ოპროკირიძე

## ვაჟას სკამლაბი

შვლები ჯოგი ეფარება ტირიფს,  
ხე ცახცახებს ნამისაგან სველი.  
ვაჟამ თითი გამოსწია ყირიმს,  
მისმა ტყვიამ შეახტუნა შველი.

შავ ღრუბლებით დაიფარა ზეცა,  
ცრემლი მოსწყდა შეშინებულ მთაველს,  
შველი გახტა, მაგრამ ჩაიკეცა  
და თვალეზი მიაშტერა ფშაველს.

თითქოს ამბობს, მეც სიცოცხლე მინდა,  
დამიხსენი სიკვდილის პირს მყოფი.  
ვაჟამ შუბლზე ოფლი მოიწმინდა  
და ძირს ხევში გადასტყორცნა თოფი.

ფშაველივით აქვითინდა ხევი,  
უნდა შვლის გულს ამოაძროს ტყვია.  
ვაჟამ ნახა ღრუბლის მონახევი  
და ჭრილობა ბამბით შეუხვია.

მაგრამ შველი უკვე ხუჭავს თვალებს.  
ფშაველის დარდი აფრეოლებდა კლდესა,  
თითქოს სცივა, ვაჟას აკანკალებს,  
თვალებს—ცრემლი, გულს ამოხდა კენესა.

შვლები ჯოგი ეფარება ტირიფს,  
ხე ცახცახებს ნამისაგან სველი,  
ვაჟა სწყევლის უპატრონო ყირიმს  
და მძივებად ეკიდება ცრემლი.

## საზე კვილია ერთი ღრუბელი

ცრემლებს ხატავენ თვალთა უბენი,  
ასე ჩამქრალნი და ჩაბინდულნი..  
ცაზე ჰკიდია ერთი ღრუბელი,  
დარცხენილივით თავჩაქინდრული.

წყალი!.. არ არის არსად საშველი.  
და მოლოდინსაც ვერ შეეღვევი,  
ერთი მთა დარჩა გადასასვლელი,  
მთაზე ნისლი და გაღმა მშველელი.

ხელით მოსინჯა მკერდი დაკრილი,  
გულის ჯიბეში ნახა სურათი,  
თვალში ჩაუდგა თეთრი აჩრდილი,  
მისი შავთვალა და ხევსურეთი.

ხან ცის ლაქვარდი ზღვას შეადარა,  
წყურვილი ჰკლავს და აყრუოლებს ტანში,  
ხანაც ბავშვია თითქო პატარა  
და დედის ძუძუს შეჰხარის ბავშვი.

ხან მწუხარე და დაღლილი სახით,  
საყვარელ სურათს მიაყურადებს,  
ათრთოლებული მიჰყევბა ძახილს  
და ბრძოლისაკენ უხმობს სურათი.

ჰოი, მარჯვენა სრომ შერჩენოდა,  
რალამ უშველოს სურვილს გათელილს,  
ფინეთს მოსულა საქართველოდან,  
ბრძოლის. წყურვილით ლამენათევი.

სამშობლოსათვის!.. ისმის გუგუნნი,  
გადაიქროლეს ლეგა ღრუბლებმა..  
სურათი იგი კვლავ ჩაჰლულუნებს  
და ხევსურეთზე ესაუბრება.

თუ კვდება, მოკვდეს სასახლოდა,  
როგორც გმირი და როგორც ქართველი,  
რა შორს მოსულა საქართველოდან,  
და რა ახლოა მისი ნათელი.

ცრემლებს ხატავენ თვალთა უბენო  
ასე ჩამქრალნი და ჩაბინდულნი...  
ცაზე ჰკიდია ერთი ღრუბელი,  
დამნაშავე და თავჩაქინდრული.

... კვლავ მწუხარე და დაღლილი სახით  
საყვარელ სურათს მიაყურადებს,  
ათრთოლებული მიჰყვება ძახილს  
და ბრძოლისაკენ უხმობს სურათი.

### წამოდი ჩემთან

წამოდი, ჩემთან არ არის ცუდი,  
ლექსები გითხრა, — რას დაგადარო!..  
დაგიწნა თეთრი ზამბახის ქუდი,  
ჩემო დიდგულა, პატარა ქალო.  
შორს აგიშენო თეთრი კარავი,  
სიყვარულივით ჩუმი, მღუმარი,  
არ შეგვაშფოთებს მეტი არავინ, —  
ისევ ჩვენ ვიყოთ ჩვენი სტუმარი.  
ო, შენ არასდროს არ მოგწყინდება,  
ჩემთან სიზმრებში ჩაგეძინება,  
და ცისკარივით ამობრწყინდება,  
ძილში რომ ჩუმად ჩაგეცინება.  
ხან უზრუნველი, მინდორთა შორის  
თეთრ ყვავილებში დამემალები,  
მინდორს ანთებს ვარსკვლავი ორი  
და შემაყრუოლებს შენი თვალები...  
წამოდი, ჩემთან არ არის ცუდი,  
ლექსები გითხრა, — რას დაგადარო!..  
დაგხურო თეთრი ზამბახის ქუდი,  
ჩემო დიდგულა, პატარა ქალო.

### ბახსენება

რა ცოდნიათ ამ პატარა ნამის ღილებს,  
თვალს ნაბავენ, თითქო შენი თვალებია...  
ერთხელ მაინც, ჩუმად მაინც გამიღიმე,  
რა უღმერთო გაჯავრება გყვარებია!

# ჯონა სონაული

რომანი

III

ენძელის ავბაროზი.

ტყეს უკვე დასტყობოდა გაზაფხულის პირველი დღეები, — ფიჭვის წიწვებს ფერი გამუქებოდათ და მწვანედ ბზინავდნენ დაფლეთილ ღრუბლებიდან გამოსულ მზეზე. ღრუბლები მოძრაობდნენ, მათი ჩრდილი ორიოდე წუთით დააბნელებდა ხოლმე ხეებს; მაშინ უეცრად ისევ აცივდებოდა, მოიღუშებოდა ტყე; ახალგამდნარი თოვლის სველი ლაქები ისევ იწყებდნენ ჟონვას და ნაღრევად მოგეჩვენებოდა ტყის გამოცოცხლება; მაგრამ ღრუბლის ჩრდილი გადაივლიდა, იატაკზე დაფენილ ნადირის ტყავივით ტოტებგაშლილი და კისერწაგრძელებული გაჰყვებოდა ხის მწვერვალებსა და გამხმარი ხავსით დაფარულ ბილიკებს. ისევ თვალის მომჭრელად დაიწყებდნენ სინათლეზე ბზინვას გამხიარულებული წიწვები, ტოტებში მიმალული მესკიაც ჭრინვას მოჰყვებოდა.

ძაღვები შფოთავდნენ, ყურაცქვეტილი იცქირებოდნენ ტყის სიღრმისკენ, საიდანაც მათი გამახვილებული ყნოსვა ათასგვარ სურნელებას იჭერდა. ისინი მოუთმენლად გადახედავდნენ ხოლმე მონადირეებს, რომლებიც გაუგებარ სიმშვიდეს იჩენდნენ და თოვტის შალითებს აუჩქარებლად იხსნიდნენ მხრიდან. უცნაური ქცევა აქვთ ადამიანებს, როგორ შეიძლება მშვიდად იყო, როცა ნიავს ტყიდან ფრინველის მათრობელა სუნი მოაქვს; თავს ცოტა დაბლა თუ დახრი — ეკლიანი ზღარბი ჰყარს, აქვე სადღაც, სულ ახლო, ბუჩქების გასწვრივ; გვერდით ხის სოკო გაუსრესია ვილაცის ფეხს, ცოტა იქით კიდევ ისეთი ძალა აქვს ჰაერის ნაკადს, რომ სისხლი აგემღვრევა და კუნთები უნებურად თრთოლვას დაიწყებენ. ადამიანებს აინუნშიც არ მოლით ყოველივე ეს, ზოგჯერ კი დიდ ალიაქოთს ასტეხენ, თუ მეზობლის კატა დაიფრინე კიბეებზე.

— ეჰ, ძია ალფეზ, — სთქვა ჯონქამ, — გაზაფხულზე საღამომობითა სჯობს ტყის ქათმებზე ნადირობა, სატიხტიხზე უნდა წამოვსულიყავით...

— ვისა სცალია, ბიჭო, საღამომობით, მაგათი აშიკობის თვალთვალი კი არა, მე თითონ უცოლოდ დავრჩენილვარ ამ ხნის კაცი. ახლაც არა უშავს, მზე ახალამოსულია, — ჯერ გადაფრენა არ გაუთავებიათ.

\*) გაგრძელება. „ჩენი თაობა“ № 7.



მონადირეები ორ ჯგუფად გაიყვნენ; გიორგიმ ახალგაზრდა, ჟღალა ძაღლი წაიყვანა და გზისპირა ბუჩქნარს გაჰყვა. ალფეზმა უფრო ხნიერი აირჩია, — ახალგაზრდა ჩქარი იყო და ტყის ქათმისთვის ნაკლებად გამოდგებოდა. წაბლისფერ, გრძელბეწვიან სეტერს შუბლზე პატარა, თეთრი ლაქა ჰქონდა და ოთხივე თათებზე თეთრი „თათმანები“ ეცვა. განსაკუთრებულ გრაციულობას აძლევდნენ მის მოძრაობას ეს ბუნებრივი თათმანები. ისე პიწკად ადგამდა ფეხს გამხმარი წიწვითა და ხავსით მოფენილ მიწაზე, თითქო თათმანების დასვრას ერიდებოდა.

ტყე შერეული იყო; მუდამ მწვანე, ფიჭვების გვერდით ფოთლოვანი ხეების ახალგაშლილი მქრალი კვირტები ვერ ფარავდნენ მათ სიშიშველეს. გაძარცულ მუხებსა და წიფლებს შორის გუნდგუნდად გარეულიყვნენ ფიჭვების მწვანე ქოლოვები და ბაზარში გამოსულ კოპწია ქალებივით ერიდებოდნენ ჯერ კიდევ შეუღმოსავე, გაღარიბებულ ხეებს.

ბილიკს ცალმხარეს ასკილის, მაცვლისა და შქერის განიერი ბუჩქნარი მისდევდა სეტერს საყელო შესხნეს და გახარებული ძაღლი ხმაურით შევარდა ბუჩქებში, ფიჩხის ლაწუნითა და ხმამალალი ფრუტუნით დატრიალდა და როცა ერთი წამით ისევ ბილიკზე გამოვიდა — მთლად დასველებულიყო ნაშით.

გაზაფხულის წყნარი და თბილი დილა იდგა. მსუბუქი ნიავი ოდნავ არხევდა ხის კენწეროებს, წყლით გაჟღენთილი მცენარეებისა და ნოტიო მიწის სუნს ავრცელებდა.

ჯონქა და ალფეზი აუჩქარებელი ნაბიჯით მიჰყვებოდნენ ნახირისაგან გაკვალულ საცალფეხო ბილიკს. ხის ტოტები ზოგჯერ გზას გადაულობავდნენ, თითქო მკლავგაშლილი არ ეშვებოდნენ ტყის მყუდროება დაერღვიათ; ტოტი მოიღუნებოდა, გაატარებდა კაცს, ისევ გაიმართებოდა და ტაშს შემოჰყარავდა სასოწარკვეთილი.

ძაღლი სულ უფროდაუფრო ვრცელ წრეებს აკეთებდა მონადირეების ირველივ. მისი ნიშა თავი ვარს ევლებოდა ყოველივეს, უეცრად შესდგებოდა, ყურაცქვეტილი რალაცას დააჩერდებოდა, მუდამ ნოტიო, წაბლა ცხვირს ააცმაცუნებდა, თათმანიან წინა ფეხს ასწევდა ზევით, სწრაფად შეტრიალდებოდა და ისევ გაიშლივინებდა შქერის ბუჩქებში...

ალფეზი თანდათან ნადირობის ექსტაზში შევიდა, წელანაც გამხიარულებული იყო ფუნდუკში საუბრისა და კონიაკის შემდეგ, ახლა სახე წამოუწითლდა, ორლულა თოფის კონდახი ილიასთან ეჭირა მომზადებული და სტვენითა და შეძახილებით აქეზებდა ისედაც გაშმაგებულ ძაღლს. ჯონქა უკან მიჰყვებოდა ალფეზს, უნებურად მასაც სხვაგვარად დაუწყო გულმა ცემა და სეტერის მოძრაობას თვალს აღარ აშორებდა. ერთგან მაცვლის ტოტმა ჩასჭიდა ეკლები შარვალში და ერთხელ კიდევ მოაგონა, რომ სანადიროდ არ იყო გამოწყობილი. ჯონქამ ჩაგუსავით წინდებში ჩაიტანა შარვალი, პალტოც ყველა ფოლაქებზე შეიბნია, თორემ კალთები ასკილზე შერჩებოდა ან კვრინჩხზე.

ხევისპირა ხშირ ბუჩქნართან ძაღლი უეცრად შედგა და გარინდდა. ჯონქამ სუნთქვა შეიკრა. ძაღლს მოხრილი წინა თათი მალლა აეღო და თვალგაშწვანებული მიშტერებოდა ბუჩქებში გაყურებულ, უხილავ ფრინველს. წამით თითქო გაქვევდა, მაგრამ ეძინეოდა, რომ ყოველი კუნთი დასძახვოდა, ყოველი ნერვი უკრთოდა. ზამბარასავით დაჭიმული, კისერგაწვდილი, ყურაცქვე-

ტილი იდგა და წაბლისფერ ტუჩიდან კუდის რბკამდე ელექტრონაპერწყლად უვლიდა და აცახცახებდა უცნაური ძალა. ვაოგნებულს უთუოდ მძაფრი ნახტომის გაკეთება სურდა, მაგრამ რაღაც სურნელებამ დაათრო მისი სხეული, ქანდაკად აქცია და ადგილიდან ვედარ იძროდა. ყნოსვად ქცეული ამოად მისჩერებოდა ჩახლართულ ბუჩქნარს, მისი თვალები ახლა ვერაფერს ხედავდნენ, სიმთვრალის ლიბრი ჰქონდათ გადაკრული, კუნთები შეპბოქვოდნენ, როგორც ხაშხაშით გაბრუნებულს, სხეული კი გაათასკეცებით ჰგრძობდა და ფეთქავდა, ხარბად იჭერდა ბუჩქებიდან მოდენილ სურნელებას, იტანჯებოდა და სტკბებოდა უძრაობით.

მოულოდნელად, ხმაურით ამოფრინდა დიდი ფრინველი ბუჩქნარიდან და ტანმალალი ხეების გასწვრივ წავიდა მაღლა, ფრთების ფართხუნით.

იქეა თოფმა. ტყის ქათამი ხის მწვერვალს არ ასცილებოდა, გადმობრუნდა ჰაერში და ისევ ბუჩქებში ჩავარდა.

— ეძებე! — დაიძახა ალფეზმა. ძაღლი შევარდა ბუჩქებში, ალფეზმა თოფიდან აბოლებული მასრა ამოაგდო და თითონაც ბუჩქებს მიაშურა. იგი ძაღლს აღარ აცლიდა მოკლული ფრინველი ებოვა, ბარდებში ჩაიჩოქა და აღელვებული მოუთმენლად, ხელის ფათურით ეძებდა ნანადირევს. ნესტოები დაენაკვთა, ჭროდა თვალები თავეს დადარაჯებულ კატასავით დაურბოდნენ გაფაციცებით, ხელები დაიკაწრა ეკლებზე, ქუდი თავიდან გადაუვარდა. წამდაუწუმ უსტვენდა ძაღლს, აქეზებდა, უჯავრდებოდა და იფურთხებოდა.

სეტერმა როგორც იქნა იპოვა ტყის ქათამი და პირით მოურბენინა პატრონს. ფრინველი ჯერ კიდევ ფეთქავდა, ოდნავ არხევდა ფრთას. ძაღლი მსხვერპლს თვალანთებული დაჰყურებდა, უთუოდ ძლიერ უნდოდა მაგრად მოეჭირა კბილები და ყინი მოეკლა, მაგრამ პატრონის ხმამ ჩაუჭრო სურვილი და დააშოშმინა. ალფეზი ბავშვივით იყო გახარებული, დაიჩოქილა ძაღლს ხელი მოჰხვია, შუბლზე აკოცა თეთრ ნიშანში. სეტერმა პასუხად მთელი ტანით შეიბერტყა სველი ბეწვი და პატრონს ნამი სახეში შეაყარა.

ტყის ქათამს ძლიერ ვიწრო, რუხი შუბლი ჰქონდა და მაღალი, შავ და ჯანგისფერ ზოლებიანი კეფა; შორიშორს დასმული, სათვალეების მსგავსი თვალეები და გრძელი, ტანთან შედარებით მეტად გრძელი, წვრილი ნისკარტი გულუბრყვილო გამომეტყველებას აძლევდნენ. ალფეზი ხელში ატრიალებდა ნანადირევს, ბუმბულზე სულს უბერავდა, საფანტის მონახვედრს ეძებდა.

— დახე რა ძაღლია?.. — ქოშინით ეუბნებოდა ჯონქას, ჯერ კიდევ ბარდებში ჩაიჩოქოლი, — დახე რა ნაბული გააკეთა?.. ეს გრძელცხვირა ძლიერ ფრთხილია, ნაბულს ვერ უძლებს, თორემ, — ალფეზმა ალერსით წაისვა ტუჩზე ფრინველის ნისკარტი, — თორემ იცი რა ძაღლია? ერთ საათს ისე დადგება, — თვალსაც არ დაახამხამებს, მხატვარი უნდა მოიყვანო და დაახატინო...

სეტერი ამაყად აქნევდა კუდს, თითქო გრძობდა, რომ მასზე იყო ლაპარაკი; ისევ ბუჩქებისაკენ გაიწია, — უკვე აღარ აინტერესებდა მკვდარი ფრინველი. ალფეზმა აბგაზე დაიკიდა ქათამი, ახალი ვაზნა ჩასდო თოფში, მუხლებზე ხელი მოისვა და ძაღლს უკან გაჰყვა. რიგით ახლა ჯონქას უნდა ესროლნა, მაგრამ ხორნალმა იცოდა, რომ ასეთ დროს მონადირისთვის თოფის განათხოვრება ცოლის განათხოვრებას უდრიდა; ამიტომ აღარაფერი უთქვამს.

რამდენიმე ნაბიჯის შემდეგ, ბილიკის ცოტა მოშორებით, მაღალი ფიჭვი-ბის ქვეშ, სადაც მუდმივი ჩრდილის გამო ბალახიც არ ამოდის, ჯონქამ მოთეთრო ლაქა შენიშნა და იქით გაემართა.

ხეებით შემოფარგლულ, გამხმარი წიწვით მოფენილი მიწის მცირე ნაკვეთზე პაწია ნაპრალები გაჩენილიყვნენ და იქიდან ენძელებს ამოეზიდათ ფერ-მკრთალი გვირგვინები.

ენძელა თოვლის ვალხვობასთან ერთად გაჩნდება ხოლმე, ყველა ბალახზე ადრე. ამ საოცარ მცენარეებს თეთრი და წვრილი, უფოთლოთ ღეროები ისე ამოეყოთ ნესტიან მიწიდან, თითქოს შიშველი, გაფთვრებული ქალწულები გამოცვენილიყვნენ გარეთ მიწისძვრით შეშინებულნი. ზოგ მათგანს აქამდე ისევ მიწის ზედაპირზე ჰქონდა გვირგვინი და ზევიდან ეყარა დაფშენილი გორიხი. სხვა მცენარე მწვანე ღეროს გაიზრდის, ფოთლებს გამოისხამს და კუკურის გაშლას მხოლოდ შემდეგ იწყებს; ენძელა კი პირდაპირ გვირგვინით ამოდის, მიწას ამოარღვევს და ჯერ კიდევ თოვლიან მიდამოში მოულოდნელად გამოჩნდება ხოლმე დღენაკლული ბავშვივით.

ჯონქა ხეს მიეყრდნო და ისე შესცქეროდა გაზაფხულის ამ პირველ ყვავილებს.

რატომ გაუხდიათ თავიდანვე ყვავილები სიყვარულის აუცილებელ დამატებად. სასაფლაოზეც ხომ მიაქვთ ყვავილები, ზემის დროსაც მტერიან ქუჩებში და კარდახშულ ოთახებში ათასობით აქკნობენ ცოცხალ თაიგულებს. მაგრამ ნამდვილი, ფაქიზი და ღრმა გრძნობა ყვავილებისადმი მხოლოდ შეყვარებულებსა აქვთ. იქნებ იმიტომ, რომ ყვავილი ყველაზე უფრო მეტი გულწრფელობით, დაუფარავად გამოხატავს თავისი არსებობის ერთადერთ მიზანსა და სწრაფვას, — სილამაზითა და სურნელებით მიიზიდოს და განაყოფიერდეს. თუმცა შეყვარებულები ამას ქვეშეცნობით თუ სცნობენ, თორემ ისე ყვავილი დიდ მესაიდუმლედ მიაჩნიათ და ჩურჩულით გაანდობენ ხოლმე ოცნებას.

მაგრამ ეს ენძელები ვერც სურნელებით გააბრუებენ ვისმეს, ვერც ფერებით გააოცებენ. ჯონქა დაიხარა და ერთი, მაღლა წასული ენძელა მოწყვიტა. სისხლნაკლულივით დერმკრთალი, იგი ამქვეყნიურ სიყვარულისთვის არ უნდა ყოფილიყო განკუთვნილი.

ჯონქას მოაგონდა, რომ ენძელას ნივრისმავარი თესლი აქვს; ბავშვობისას მთაში ბევრჯერ ამოუთხრია და სიამოვნებით უგემნია, არც თუ ისე გემრიელი, მაგრამ მაინც პირფელი, ყველაზე ადრეული მცენარე, — საქმელად გამოსადეგი სხვა ბალახ-ბულახი და მხალი ხომ ერთი-ორი თვით გვიან გაჩნდებიან ხოლმე.

ხორნაულს გაეღიმა. ალბათ ყოველ ადამიანს აქვს განსაზღვრული დრო, როცა ყველაფერს სხვა თვალთ დაუწყებს ცქერას. რა შეუფერებელი იქნებოდა ახლა ამ შუშის მსგავს ყვავილების ფესვიანად ამოთხრა და შეჭმა.

ჯონქამ ფრთხილად შეუბერა ენძელის გვირგვინს და მიწა ჩამოაშორა. მან გადასწყვიტა გულის ჯიბეში ჩაედო ყვავილი, თანაც გაიფიქრა, რომ მანანა თეთრ იასამანს უფრო გავდა უთუოდ, ვიდრე სიფრიფანა, მიმქრალ ენძელებს.

თოფმა დაიჭექა. მოისმა სტვენა და ძახილი. ფიჭვიდან ქერქექუნა ჩამოცვივდა ხმაურზე და წამით დენთის მძიმე სუნიც დადგა.

ჯონქამ უკმაყოფილოდ გაიხედა ბილიკისკენ; გასროლა შეურაცხოფასავით მოესმა, თითქოს საჩუმათო საქმეში ყოფილიყოს გართული და უხეში შედახილით გამოფეხიზლებინოთ. ერთი წუთით სასაცილოდაც მოეჩვენა თავი, ყვაველით ხელში რომ იდგა ხის ძირას. მაგრამ მაშინვე ამ მოულოდნელმა გასროლამ და დენტის უსიამოვნო სუნმა საწინააღმდეგო, ჯიუტური გრძნობა გამოიწვიეს. დიად, უყვარს და ენძელებს დასდგომია თავს უიმედოდ შეყვარებული. გაიცინეთ, გაიცინეთ.

უწინაც ბევრჯერ მოუწყვეტია მთაში ველური ყვავილი და ხარბად დაუყნოსავს, გემოც უსინჯავს ტკბილი, ცვრიანი ბუტკოსი, სათითაოდ დაუფურცლავს გვირგვინი, ხელით დაუსრესია. მაგრამ ის სულ სხვა რამ იყო. იქ განცდები მღვრიე იყვნენ. მსწრაფლცვალებადი, დაუდგრომელი მთის ნაკადივით, იქ არ უფიქრდებოდა საკუთარ ქცევას, ან ვერ ასწრებდა, რომ დაფიქრებულიყო, ჩანჩქერის ფსკერს ვერ დაინახავ გოჩგოჩანაში, ვერ შენიშნავ განცდილის ნალექად დარჩენილ შთაბეჭდილებას. მხოლოდ განუწყვეტელ მდინარების შედაპირზე აქოჩირილი ზვირთები თუ მიგახვედრებენ, რომ ცხოვრების ნაკადმა მოგონებაში უძრავი ლოდი ჩამოიტანა. ბარში ჩამოსვლის შემდეგ კი ცხოვრება თანდათან უფრო ღრმს და მდორე კალაპოტით წავიდა, დაიწმინდა, გამჭვირვალე გახდა და მის ფსკერზე დარჩენილ ნალექიდან შლამიც გამოიჩრხოდა და მცირეოდენი ოქროს ქვიშაც. იგი შეუმჩნეველად მიეჩვია საკუთარ, ყოველდღიური განცდების დაკვირვებას. ახლა ყვავილის მოწყვეტა და მკერდზე მიბნევა მოკლებული იყო იმ ბალღურ უმუშალობას, ივრის ხეობაში რომ ჰქონდა. წიგნებში წანაკითხმა ბევრ რამეს ფერი უცვალა, უცნაურიც გახადა. ახლა დგას ფშაველი ბიჭი ყვავილით ხელში, ოხრავს ყურებამდე შეყვარებული და აღარ იცის — შერცხვეს ამ ამბისა თუ იამაყოს.

თოფის ხმით შერყეულ ფიჭვიდან დროდადრო ისევ ცვივოდა ქერქეჭანა მსუბუქი შრიალით. ჯონქამ მიუგდო მათ ყური და აქ, მაღალი ფიჭვების ქვეშ, ახალგაზდნარ თოვლისაგან ჯერ ისევ სველ, შავი მიწიდან ამოსულ ენძელებთან, ხეების ტანზე დაცურებულ ქერქეჭანის ოდნავ გასაგონ შრიალში უეცრად შეიგნო, რომ რაც უნდა ძლიერი იყოს სირცხვილის გრძნობა, რომელიც წამდაუწყუმ გადაუდგება ხოლმე წინ, რამდენჯერაც უნდა ჩავარდეს სასაცილო მდგომარეობაში, მაინც წარუშლელია, მაინც ხელშეუხებია ის ხატება, — შეუმჩნეველად, თავისთავთან ბრძოლითა და ტკივილით დაუფლებული მის არსებას, შეიგნო, რომ ახლა ველარაფერი ათქმევიანებდა უარს მანანას სიყვარულზე.

ჯონქამ გაშალა მკლავები და ფიჭვის ტანს შემოაჭდო. ჩუმი შრიალით ცვივოდა ზევიდან ქერქეჭანა, ეფინებოდა მიწაშემოცლილ, დაკლაკნილ ფესვებს. ჯონქამ მხრებსა და თმაზე იგრძნო დაცვენილი ქერქეჭანის ფრთხილი შეხება, თითქო ფიჭვმაც აღლვებულ ბიჭს თანაგრძნობით გადაუსვა თავზე ხელი. ჯონქა კიდევ უფრო მჭიდროდ მიეყრდნო ხეს, მის უხეშ და გრილ კანს მიეკრო სახით და თვალდახუჭულს მცენარის გულისძგერა ჩამოესმა. მწვანე სისხლი სჩქეფდა ხის ტანში, ფესვები ხარბად სწოვდნენ მის წვესს, მზეზე ქოლგად გაშლილი ტოტებიც იზმოვებოდნენ, გაზაფხულს შეჭხაროდნენ...

მანანო, მანანო, ნეტავ ჯონქაც მეცხვარედ დარჩენილიყო მამა-პაპასავით. ნეტავ შენც ფშაველი სარქლის ქალი ყოფილიყავ. მაშინ ისე უბრალო და ნა-

თელი იქნებოდა ყველაფერი. მაშინ გინდ მამაშენს ეუკადრისა ცოტა ცხერის პატრონი სასიძო, ან გვარი არ მოსწონებოდა დასამოყვებლად, გინდ შენ თითონაც სხვა წაწალი გყოლიდა აჩენილი, — მინც მოგიტაცებდა ახალგაზრდა მეცხვარე, ნაბადში გახეულოს გატარებდა, ქისტეთს გადაგიყვანდა საჯიხვე ბილიკით, სადმე დაგმალავდა, სადმე თავს შეაფარებდა ფიც-ვერცხლნაჭამ ძმაკაცებთან. სულ დამბალნაჭოსა და უცეცხლო თაფლს გაქმევდა, ლალის შიბს გიყიდდა, ცოცხალ შვლის ნუკრს მოგიყვანდა, დათვის ბელებს...

ახლა? ჯონქას თავისთავზე გაელიმა და ამოიოხრა: ნეტავი მანანას, თუ დამბალნაჭო და დათვის ბელი შეჰპირდა.

რა უნდა ჰქნას ახლა ხორნატულმა? გამბედობითა და თავხედობით ვერას გახდება. სიტყვაც ვერ უთქვამს ქალისთვის, თავსაც იტყუებს, უმაღავს, რომ გავიყვებით უყვარს, თუმც მისი ფიქრის ყველა ძაფი მანანათი მთაფრდება.

არა, ახლა ყველაფერი გადაჭრილია. აქ, ამ ფიქვების ქვეშ, ქერქეჭანის ჩუმ შრიალში გადასწყვიტა ჯონქამ, რომ მანანას სიყვარულზე უარს ველარ იტყვის. ქაჯეთის ციხე სიმბოლოა უთუოდ. ჯონქამაც უნდა აიღოს მიუფალი ციხე-სიმაგრე, სულ ერთია რა იგულისხმება, — თუ გინდ ინტელექტი იყოს.

ჯონქამ მხარზე შერჩენილი ქერქეჭანა აიღო და ხეზე დახაზა რიციკლები. დახაზა და იმწამსვე წაშალა, რადგან დარწმუნებული იყო, რომ ხეზე კედელზე თუ სხვაგან სახელის წარწერა ისეთივე ჩვეულებრივი უესტია წერაკაიხვის მცოდნისათვის, როგორც ძაღლისთვის თანამოძმის მიერ დატოვებულ კვალზე უკანა ფეხის აწევით აღნიშვნა საკუთარი არსებობისა. მაგრამ ჯონქას უნდოდა რამე ჰქონოდა ამ დღის სახსოვრად. მას ისევ ხელში ეჭირა ნოწყვეტილი ენძელა, ყვავილის ღერო ორად მოჰკეცა და პიჯაკის გარეთა გულჯიბეში დამალა. იყოს აქ ჩუმად, ავი თვალისაგან მოფარებული. დრო მოვა და სინათლეს დაინახავს. მანამ კი ისე უფროთხის ჯონქა ამ საიდუმლოს გამჟღავნებას, როგორც თავიულოთ ხელში გავლას ქუჩაზე, თუმც ყვავილები უწინაც უყვარდა და ახლა კი აღმოჩნდა, რომ კიდევ უფრო მეტად შეჰყვარებია. იყოს ავგარო-ზივით, ავი სულისაგან, ხიფათისაგან დასაცავად.

ისევ, ზედიზედ დაიჭექა თოფმა. ჯონქა მოსცილდა ფიქვს და ალფეზისკენ გაემართა.

ალფეზი ხევაღამა გასულიყო. მას ორი ტყის ქათამი კიდევ ჩამოეგდო და გახარებულმა თავმოძმონედ უჩვენა ჯონქას სანადირო აბგის თასმებზე ჩამოხრჩობილებივით დაკიდული გრძელნისკარტა. ტანმკვრივი ქათმები.

— ის მეოთხე არ გეგონოს, რომ დავაცილე, ამ დიდ ქათამს ვესროლე, აი, — დახე, ეტყობა კიდევ, — სულ ზუმბული გავაყრევინე, მაგრამ შორს იყო, მარჯვენამ ვერ დაიჭირა და მარტენა ლულაც მივაყოლე უკან... — ალფეზმა თითქო დასამოწმებლად ძაღლს გადახედა და იმხაც მაშინვე გაუქნია კუდი ცრუმოწმესავით, თან ეტყობოდა გვარიანად დალილიყო ბუჩქებში სირბილით: მარჯნისფერი, ხორკლიანი ენა გამოეგდო და თვალდაკუსული ქაქანებდა.

— ახლა მე ვესვრი, ძია ალფეზ, აღარ დადგა ჩემი რიგი? — უთხრა ჯონქამ.

— კარგი, ესროლე. ოღონდ გზისკენ გავყვით, თორემ დაგვიგვიანდება, — ათი საათისთვის ქალაქს უნდა ჩავიდეთ...

ძალს ისევ მიასწავლეს ბუჩქებისკენ, მაგრამ იგი ნაკლები ხალისით შე-  
ულდა ძებნას.

— სეტერს იხვებე სანადიროდ სხვა ჯიშის ძალი ვერ აჯობებს, — სთქვა  
ალფეზმა, — ტყეში კი ადრე იღლება საწყალი, გრძელი ბეწვი უშლის. ერთი  
შეხედე რამდენი ბირკა და ეკალი მიჰკვრია, ერთ თვეს ვეღარ მოაშორებს  
კაცი...

ძალმა ერთხანს კიდევ იტრიალა ბუჩქებში, შემდეგ ბილიკზე გამოვიდა  
და თავდახრილი, ქაქანით აედევნა მონადირეებს. ჯონქამ ჩახმახები დაუშვა.

— აქეთ ხომ წელან გამოვიარეთ, ძია ალფეზ, ტყის ქათამი კი არა ჭინჭ-  
რაქაც დაფრთხებოდა.

— ჰო, ეტყობა აღარაფერი უნდა იყოს, თორემ ეგ ძალი არც ასე მალე  
იტყოდა უარს მუშაობაზე...

ჯონქას უცნაურად ეჩვენა ალფეზის ასეთი სასხვათაშორისო ტონი და  
ხანმოკლე განადირება, მაგრამ თავისთავსაც შენიშნა, რომ ნადირობის უნმა  
ადვილად გადაუარა. უწინ ყოველგვარი ფიქრი ავიწყდებოდა ნადირობის  
დროს, ბუჩქის უკან ჩასაფრებულს შეეძლო ისე გაეტარებია რამდენიმე საათი  
სულგანაბული, რომ ერთი დაწყებული აზრიც არ მოსვლოდა თავში, ერთი  
სევედიანი ან სამხიარულო რამ არ მოჰგონებოდა. ახლა კი სულ სხვა ამბით  
იყო გართული და როცა თოფი ხელში აიღო, ჩვეული ინტერესი აღარ უგრძე-  
ნია. მსუბუქი ენძელა რკინის ავგაროზივით უმძიმდა მკერდთან, საშუალებას  
არ აძლევდა დაეფიქრებია ის, რის სახსოვრადაც დამალა გულჯიბეში.

მზე უკვე საკმაოდ მაღლა წავიდა. სასიამოვნო სითბო ზურგში უღიტი-  
ნებდა მონადირეებს; ნაბიჯს სიზანტე ერეოდა, ქუთუთოები ზედმეტ სიმძი-  
მეს გრძნობდნენ, ნახევრად იხურებოდნენ ფოთლებზე დაფრქვეული ნამის  
ციმციმისაგან. ჯონქას ფიჭვთან ღვომის შემდეგ კევისა და ფისის სუნი აჰყვა  
თან, ხის წებომ ხელები დაუტკბილა, პალტო მთლად დაფარული ჰქონდა  
ქერქეჰანის მტვრით. მაინც ღრმად, კმაყოფილებით ისუნთქავდა წიწვნარის  
საკმეველს და მკერდზე წამის-წამ გრძნობდა ავგაროზის შეხებას. მანანაზე  
ფიქრმა მას ალფეზის გადაკრული სიტყვებიც მოაგონა. რაღაც კავშირი  
ჰქონდა ენძელის ავგაროზს ამ დილით თეთრ დუქანში ატეხილ წუხილთან.

— ერთი მითხარი ძია ალფეზ, რისთვის აითვალწუნე ასე ძალიან ჩემი  
პროფესია?..

ალფეზმა უკან მოუხედა, ისე, რომ სტვენა არ შეუწყვეტია, შემდეგ შექ-  
რის ფოთოლი მოსწყვიტა, მუჭზე დაიდო და მოსწოვა.

— მე მასწავლებლობა არ დამიწუნებია, პირიქით: — ალფეზმა მეორე ხე-  
ლისგული დაჰკრა ფოთოლს და ტკაცანი გაადენინა, — ჯერ ერთი, ყოველი ადა-  
მიანი თავის, — როგორც თქვენ ეძახით — მოწოდებას უნდა გაჰყვეს. მეორეც  
ისა, რომ მე თუ იქითხავ, — ისევ ბავშვებთან მუშაობა სჯობს, დაუწერე ხუ-  
თიანი და ინტრიგას მაინც აღარ დაგიწყებს. დიდებს კი სიბერემდე ბავშვის  
ჰკუა გამოჰყვებათ და თან ვეღარაფრით მოინადირებ მათ გულს — დაგახრჩო-  
ბენ ინტრიგით. მაგრამ, იცი რა ვითხრა, ჩემო ჯონქა, ჯერ ახალგაზრდა ხარ და  
მერე შენ თითონვე მიხვდები, — ეგ თქვენი მოწოდება ნებისყოფის საქმეა და  
შეტი არაფერი. ხვალ შეიძლება ისე დაინტრესდე ბურთის თამაშით, რომ თა-  
ვი დაირწმუნო ჩემი მოწოდებაც ეს არისო და ამოდენა კაცმა ხალხის წინ ბურ-

თის დენასა და კოტრიალში გაატარო შენი ღღე და წუთისოფელი, სანამ ვინმე ოხერი ფეხს მოგტეხავდეს.

— მაშ, როგორ მოვიქცე, ძია ალფეზ, რაც მაინტერესებდა იმას ვსწავლობდი, მე კარიერით არ ვყოფილვარ გატაცებული...

— კარიერით? — ალფეზმა ზმადებლა გაიცინა, — შენ იქნებ არც ხორცსა სჭამ. ათ მცნებას ხომ არ მისდევ?.. მაშ ციხისელის ქალსაც არ შეირთავ, კიდევ რომ წამოგყვეს.

ხორნაულის საბედნიეროდ საცალფეხო ბილიკით მიდიოდნენ და ალფეზს ზურგსუკან არ შეეძლო მისთვის სახეზე შეეხედნა. ჯონქამ გაიფიქრა, რომ მართლაც დაცინვის ღირსი იყო, — ძლიერ უნდოდა გულახდილი ლაპარაკი და თითქო გაზებირებული, სხვისი ფრაზები კი გამოსდიოდა.

— არა, ყინჩო, სიტყვაზე რომ ვთქვათ, — შეუბრალებლად განაგრძნო ალფეზმა, — მანანა ციხისელი ფშავში წამოგყვება? ჩემმა მზემ და შენმა მზემ — არ წამოგყვება! მართალს არ ვამბობ?..

ჯონქამ რაღაც ჩაიბუტბუტა და ინატრა, რომ ერთი ამ უზარმაზარ ფიქვთავანი, ხომალდის ანძად რომ გამოდგებოდა, ზედ დასცემიყო და ქვესკნელში ჩაეტანა.

— მართალს ვამბობ, — დაუკრა თავისთავს კვერი ალფეზმა, — მთიდან თუ ბედის საძებრად ჩამოსულხარ, ბარემ ეძებე, ზელოცარიელი რადლა ბრუნდები...

— მე განა ფულის საშოვნელად მოვდიოდი, ან ქალისა, სწავლა მწყუროდა...

— ფულიო? ფულს თვალი დაუდგეს, ვინ გაძალებს, ეგ ხომ ზელის ჭუჭყია, როგორც თქვენ ამბობთ. ქალს კიდევ მთაშიც ადვილად იშოვნე. მაინც ეს ცოდნა რისთვის გინდა? სწავლის წყურვილი გქონდა და ხომ მოიკალ, ცნობისმოყვარეობა ზოგს სამარის კარამდეც კი შერჩება, მაგრამ მისი დაკმაყოფილება სასწავლებლის გარეთ უკეთესად შეიძლება. უმაღლესი განათლება ხომ მიიღე, ახლა რას აპირებ?

— არ ვიცი...

— არ იცი და შენისთანა კაცს მანანა ვერ გაჰყვება.

— მანანას რას ჩააცვიდი, ძია ალფეზ, მე არაფერი...

— გეზუმრები, ბიჭო, არ გეწყინოს. მანანას სახელი თუ გინდა ფორტუნის ნაცვლად ვიხმაროთ. არ ვარგა ცხოვრებისადმი ეგრედ უნდილად მინდობა. დარჩენილხარ ისტორიის მასწავლებლად და ეგ არის.

— ჩემი მოწოდება...

— ოჰ, ისევე მოწოდება! მართალია, არსებობენ ქვეყნად გენიალური ადამიანები, რომელთა რიცხვს მე და შენ უთუოდ არ უნდა ვეკუთვნოდეთ. თუმცა შენს ასაკში ყველა აშკარად თუ არ აცხადებს, ჩუმად, გულში მაინც მიიჩნია თავი გენიოსად. იმ იშვიათ ადამიანებს მართლაც და აქვთ მოწოდება, გარდაუვალი, როგორც სტიქიური მოვლენა. გენიალური ხელოვანი ან მეცნიერი თავისი ნიჭის მონაა და მას ვერსად გაექცევა, გაბითურდება, თუ სხვა საქმეს მოჰკიდა ხელი. მე თუ მკითხავ, მათი ბედი სულაც არა მშურს. დღეს მზარეული ვიქნები, ზვალ მოფერი და არავითარი ტრაგედია. ის კი თავს უბედურ არსებად გრძნობს, თუ საღებავით არ შეითხუბნა და რაც მთავარია — თუ მთელი ქვეყანა თაყვანს არა სცემს მის გენიას...

შორიდან თოფის ხმა მოისმა. ალფეზი ცოტა ხანს გაჩუმდა და ყუბი მიუგო.

— ეს გიორგი უნდა იყოს, — სთქვა მან, — ენ იცის ტყის ქათამი ვერსად ნახა და ჯაფარებს დასდევს აქამდე. ჰო, იმას ვამბობდი, — გენიოსობა სხვა ამბავია, ჩვენ კი ჩვეულებრივ მოკვდავთ, სულ სხვა გზა უნდა ავირჩიოთ. ამბობენ, რომ ადამიანს ერთი უცნაური თვისება აქვს და ეს ბავშვობაშივე ეტყობა, რა გინდ კარგი გაზრდილი ბავშვი იყოს, — ზევითა სართულიდან თუ გადაახედე, უსათუოდ გადააფურთხებს ქვევით მყოფ ტოლებს. ეს კი არც ისე სასიამოვნოა, ფშაველო, არა? ვილაც ოხერი ზევითა გადააფურთხებდეს. დაბლიდან ჩვეულებრივ, კენჭის სროლით პასუხობენ ხოლმე. და აი, მთელი ცხოვრება ეს არის — ქვევითა ბრახით ქვის სროლა და ზევითა ზიზლით ფურთხება.

ალფეზმა ბილიკზე გადმოშვერილი ფიქვის ტოტი მოხარა, ჯონქა და ძალა წინ გაუშვა და როცა ტოტი ლაწანით გაიმართა ისევე, დასკვნა:

— ნე პირადად ზევით ყოფნას ვარჩევ, რადგან ქვევითა ნასროლი ქვა იშვიათად თუ მოხვდება მიზანში და გინდაც მოხვდეს — მაინც უკან ბრუნდება.

ვიწრო გზაჯვარედინზე ალფეზმა ისევე გაუსწრო ჯონქას, წინ წავიდა და განაგრძო:

— ნეტავ მეც შენსავით ახალგაზრდა ვიყო და თავიდან ვიწყებდე. ცხოვრება ძუნწი მასპინძელივით ერთ ჭიქას დაგაღვივინებს, მადას აგიშლის, და მერე მშრალზე გამოგისტუმრებს, მიტომაც თავიდანვე მარანში უნდა მიუხდეს, ქვევრის თავზე მოიკეცო. თუ მარანიც არ უდგას და ქვევრში კაცა უჩხვის — მიაფურთხე. კაცს გული მუდამ შემოგტორის, როგორც ბავშვობაში დედას შესტორი, აჩემებულ სათამაშოს ითხოვს, ყინის მოკვლა სწადია. რაც უფრო გააღაღებ — მეტს მოინდომებს. ჰოდა ყველა სათამაშოს ხელი ვერ შესწვდება, თუ მალალი არა ხარ. მალლა სულ მალლა, აი რა უნდა იყოს ახალგაზრდა კაცის დევიზი.

— ჰო, მალლა, ძია ალფეზ, მაგრამ როგორ?..

— როგორ? უმოკლესი გზით.

სადაც ფუტურო ხეზე კოდალა სცემდა ნისკარტს და ღრმა რეზონანსი ტყეში ყრუდ ისმოდა შორეული დოლის ხმასავით.

კარგახანს ორთავენი სდუმდნენ. ფეხქვეშ ტყაცანით იმტვრეოდა ხმელი ფიჩხი. ისევე ალფეზი ალაპარაკდა.

— ახალგაზრდობაში მხოლოდ მაშინ შეიგნებ რა უნდა ყოფილიყო შენი ბუნდინერება, როცა ფრთები შეგეკვეცება და სამუდამოდ მიუღწეველი გახდება ის, რაც თურმე მთელი გულით და სულით გასურდა, მაგრამ ნაკლებად მოქმედებდი და მეტს ოცნებობდი. ამიტომ თავიდანვე საჭიროა თავგამეტებით იბრძოლო, კბილით მოეჭიღო. ან უნდა ვასცილდე ყველას და საკუთარ ნიჟარაში ჩაიკეტო კიბო-განდევილივით, ან, რაკი ჯოგში დარჩენა გასურს, ელქაჯი გახდი, წინამავალი: თორემ თუ რჩეული არა ხარ, გულის წადილს ვერ შეისრულებ, და ეგ კიდევ არაფერი, რაც მთავარია — შური დაგახრჩობს. შური.

ალფეზმა სახეზე ხელი ჩამოისვა და სწრაფად მოიცილა ტოტებში გაბმული ობობას ქსელი. ეს მოძრაობა ზედმეტად ნაჩქარევი იყო, მისთვის ჩვეულ მო-



ზომილობას მოკლებული, თითქო აბეზარ ფიქრსაც იცილებდა, ქსელივით შემოხვეულს.

— კაცს თუ ძალა შეგწევს, კიბეზე ჩამოჯდომა რად უნდა იკადრო — განაგრძო მან, — მაღლა ადი და შემდეგ იქიდან კიდევ რომ გადმოგავდონ, ნუ ინაღვლებ, ჭკვიან თხუნელას მაინც გიუი არწივი სჯობს, — განა ყველა არაკი ბრძენის ნათქვამია.

ხეებში მოულოდნელად გამოჩნდა გზატკეცილზე გაჩერებული ავტომანქანა. მინები და შავი, გასარკული ზედაპირი მზეზე თვალის მომჭრელად ულაპლაპებდნენ.

— მაღლა, სულ მაღლა, — სთქვა ალფეზმა და გაიცინა, — მაღლა, ვიდრე ცა თავზე არ ჩამოგენგრევა. მე შენ ისე გელაპარაკები, როგორც უმცროს ძმას, შენს ამხანაგებს კი, ხომ იცი, როგორც ოფიციალური პირი, სულ სხვა რასმეს ვეტყვდი.

— შესმის... — ჯონქას მოაგონდა, რომ ალფეზმა უთხრა თეთრ დუქიანში: შეთან რალაც საჭმე მაქვსო.

— რა საჭმე გქონდა, ძია ალფეზ, ამ დღლით რომ მეუბნებოდი?

— გაიგებ. ჯერ კარგად იფიქრე, იქნებ ისევე ასპირანტობა არჩიო ან მასწავლებლობა, თუ არა და მერე ჩემთან მოდი, ვილაპარაკოთ და ვნახოთ. საერთოდ, თუ რამე დაგჭირდეს, მოუირიდებლად უნდა მოხვიდე, ლუკას ბიჭი არა ხარ?

ჩხიკვების წყვილმა ჩვილით გადაუარათ თავზე. ძალიან თვალი გაადევნა ბილიკზე წამით გადარბენილ ჩრდილებს.

— მიდი, ჯონქა, ესროლე, თორემ დამაყვედრებ — სანადიროდ წამიყვანა და თოფი არ მასროლინაო.

ჯონქამ თოფი ხელში შეათამაშა.

— ჰო, ჩხიკვს მაინც მოვიინადირებ, რაკი ქათამი არა სჩანს...

ჩხიკვები მაღალ, ხშირტოტებიან ფიჭვზე დასხდნენ და გაუჩინარდნენ. ჯონქა ფიჭვის გასწვრივ მდგარ მეორე ხისკენ გაემართა, რათა ეშმაკ ფრინველებს გუმანი არ აეღოთ და არ დამფრთხალიყვნენ. ძალიან უკან გამოუდგა ყურაცქვეტილი.

ჯონქა აუჩქარებელი ნაბიჯით მივიდა დანიშნულ ხესთან, შემდეგ მეზობელ ხის ძირისაკენ გადაიადგილა და მაღალ ფიჭვს გახედა, ჩხიკვებმა, ეტყობა, საფრთხე იგრძნეს და სულგანაბულები ისხდნენ. ჯონქა კიდევ უფრო მიუახლოვდა ფიჭვს, ირგვლივაც შემოუარა ერთი ორჯერ, მაგრამ ხშირ ტოტებში შეუძლებელი იყო დამალული ფრინველების გარჩევა. ხორნაულმა კარგად იცოდა ჩხიკვის ოინები, თითონაც ერთ ადგილას გაჩერდა და აღარი იძროდა. ცოტახნის შემდეგ ხის კენწეროდან ფრთხილი მოისმა, მერე ჩხიკვის ჭრელი ფრთები და აქოჩრილი თავიც გამოჩნდა. ფრინველი შეხტა ზევითა ტოტზე, ფრთები შეარხია და მოემზადა გასაფრენად.

იჭქა თოფმა. ჩხიკვი ფრთა გაშლილი, თავდაყირა წამოვიდა ძირს. ძალი გაქანდა ხისკენ. ტოტებში მიმალული მეუღლე ჩხიკვი კი ხმამაღალი ხვილით აფრინდა და თვალს მოეფარა.

ჯონქამ მოკლულ ფრინველს ფრთა გამოაძრო, მსხვილ ნისკარტში გაუყარა, ყულფი განასკვა თითის გამოსადებად და ალფეზს დაეწია.

გიორგი უკვე მანქანასთან მისული დაუხვდათ. მას მხოლოდ ორი ტყის ქათამი მოეკლა, მაგრამ მაინც კმაყოფილი იყო. ალფეზმა ჩხიკვი გამოართვა ჯონქას, ნისკარტი გაუღო და თასმა ენის წვერი მოჰჭახა. ჩხიკვს პირი საცხე ჰქონდა ფიჭვის თესლით.

— ასე აგროვებს ყველაფერს ეს ტიალი, რაც კი მოხვდება — რკო, ასკილი, პანტა, ერთხელ სპილენძის ლილიც უნახე პირში. ადრე გაზაფხულიდან შუაზამთრამდე ეზიდება, ინახავს და მერე ავიწყდება სად შეინახა. ციყვი და თავგი შეექცევიან ხოლმე ამის ნაამაგარს, — ალფეზმა ჩხიკვს თითებით დაუვარცხნა დირიჟორის თმასავით ყალყზე ამდგარი შავი ქოჩორი, — საოცარია, რად მისცა ბუნებამ ასეთი დაგროვების, შრომის ნიჭი, თუ თითონვე ვეღარ მიავნებს თავის საწყობს და ვერ გამოიყენებს?..

— რას იზამ, — გიორგიმ მანქანის კარი გააღო, ალფეზს მოუბრუნდა და სათვალეები ეშმაკურად აუციმციმდნენ, — ბევრი ჰკარგავს ეგრე უკვალოდ თავის ნაშრომსა და ნამოღვაწარს...

— მაშ! — ალფეზმა უსულო ჩხიკვი ფრთით მოიქნია და მანქანაში ჩააგდო, — და ზოგი კიდევ უშრომლად მკას აპირებს, როცა არაფერი დაუთესია.

გიორგის სათვალეები ჩაუქრნენ. იგი ჩუმად ჩაჯდა მანქანაში. ალფეზი უთუოდ ნასიამოვნები დარჩა თავისი პასუხით და ღიმილის დასაფარავად ძაღლებს დაუწყო ალერსი.

როცა მანქანა დაიძრა, ჯონქამ ხელით მოსინჯა გულჯიბესთან ენძელიკ ავგაროზი. ქვევიდან მორგვივით რაღაც მოხვდა თითებში, ამოიღო და დახედა — დაჭმუჭენილი ყელსახვევი იყო. სხორნაულმა მუხლებზე დაიღო ყელსახვევი, დასჭიმა, როგორც შეეძლო, გაასწორა ხელის გულით, ოთხად დაჰკეცა, ისევ უბეში შეინახა და მხოლოდ შემდეგ შენიშნა, რომ წინა სკამზე მჯდარი ალფეზი ყურადღებით ადევნებდა თვალს.

(გაგრძელება იქნება)

ივანე ზაიხველაშვილი

## ქარიშხალი ვეილისში

1

მდინარე ბორგავს სულწმინდით, ლოდებს ედება წელს ვერ ისწორებს— დაბებრებული და დაბურული ღრენით მიარღვევს ტიალ ვიწრობებს. შეტორტმანდება ყფით, შხაპუნით. ქვიშა და თიხა წამოდუღდება, ამოვარდება გველამაპივით და ისევ ქვესკნელს ჩაებურდება. აღიდებულა, დიდი ავღრებით და ნიაფღვრებით მთვრალი მოღელავს, დასაბამიდან სცემს ვაფრთებით მეტეხის ძირს და ჯერ არ მოღლილას. ასე ურყევი კვლავაც საკვირველ რწმენით ლეწავს და არწევს მთადაბარს, დიდის სიღინჯით ლოკავს საძირკვლებს; რათა ერთბაშად დასცეს თავდაღმა!... ამოფუგუნდა, მიშველეთ, სწვდება, მინებს მოადგა მღვრიე თვალებით, ერთი იფეთქოს—შემოვარდება, რომელ კუნჭულში დავემალებით! ჩხრიალებს, ჩადის, ისევ მოდგება, მაინც მოგაგნებს, ალბათ სჭირდება, ან შემოანგრეწს ან და მოკვდება, ისე მოიწევს დაბეჯითებით. ნუთუ უწყალოდ წალეკავს წყალი? — ქანაობს ავი და დამღუპავი, გიბღვერის როგორც ბედისმწერალი, ტრიალებს როგორც სულთამხუთავი... ასე, ამგვარად რად აჯავრულა რად ჰქუხს ამგვარი ვაბოროტებით?

მტკვარი აობრებს ქოხებს ჩაგრულთა— მტკვარი მიამტკვრევს ბინებს ობლების. ვინ შიაშტერდეს ვეშაპს თვალბში, ვინ მიაბრუნოს კარზე მომდგარი? წყალი მოშხუის ჭუჭრუტანებში ნემსის ყუნწშიაც გასულა მტკვარი! ქვემოდან ჟონავს, მაღლიდან წვეთავს, კედლებს ჩამოსდის წუნბე და ღვარი... მამა იქნება კარს რომ აწვევა! ვაი მე, როგორ გავუღოთ კარი!... ...ტალღა დამცხრალა! ჰკიოდა დედა, — მისი მრისხანე ხმაური ჰქრება— ან რად აღელდა, ან რად მიწელდა მტკვარს უფრო მეტად არ გაეგება... მფარველი რაა, ნუგეშს ვინ აძლევს— ძე ხორციელი არ ჩანს არსაით!... ღვარი შესდგება იმათ ბინაზე, წყალი ვადივლის ქარიშხალსავით— კერას ვაცლილი მამილო მაშინ თმაწეწილი სადმე მთის ძირას ზის და შეწლილმა ბანქოს თამაშით. მათი წუხილის არა იცის-რა. დილამდე დაძრწის, ცეცხლით იწვევა, — რა დღე თენდება, ნახავს ბრწყინვალეს, ლუკმა ექნება, თუ მიიცვლება, მონად დარჩება, თუ გაიხარებს?... ...რალაც ჩაიმხვრა, ქარხა ცივი, სანთელს მოწყვიტა ალი და ჩადგა, ივია, ივი... ნუ თუ იცინის? ჯურღმულში ორი თვალი გაჩაღდა.

— მე ვარ! — დუდუნებს, ღმერთო,  
დიდება  
კაცის წუხილის არდამნახავო,  
ამგვარი შფოთი და ადიდება? —  
დიდება შენთვის, ღმერთო მალალო!  
...სახეს რად მსლავს ბნელეთში მდგარი,  
მუხლზე რომ წყალი შემოსდგომია?  
როგორ ქვითინებს პირუხინარი!  
ეს მამა არის? არა მგონია!

— ასანთი ჩქარა!  
და ალზე ხელად  
მკრთალად გამოკრთა ნაცნობი  
ჩრდილი,

ნახშირის სახე, ნახშირის ხელი,  
მძიმე, უძრავი კუნძი ნახშირის!...  
პირბანჯგვილიანი, მკვრივი და ჯემუხი,  
შუბლდაღარული და უდრეკელი,  
რად მისცემია ამნაირ წუხილს?  
კითხულობს შვილი გაურკვეველი.  
უხასიათო, სასტიკი მარად  
და უდიერი ხელის მფლობელი. —  
რისთვის ქვითინებს ღმერთო,

ამგვარად?

კითხულობს დედა შეშფოთებული...  
...ავო, მოგებლო განგების წყრომა?  
დამუნჯდი? მაინც არ მეძრალეები!  
როგორ დასტოვე ის ავკაცობა —  
რამ დაგიმდულრა ასე თვალები?!...  
აჩრდილმა ტანჯვით ამოიქმინა,  
თრთოლა აუტყდა როგორც ავზნიანს:  
„ცეცხლია გულში... ჩაქრება ხშირად  
და რატომ, რატომ? — ვერ ამიხსნია!“...  
გუბე გასტობა... ტახტია სველი,  
საბანიც სველი, ბალიშზე ნამი...  
კედლებზე მური და ლაქა ძველი,  
ფანჯრებზე ქვიშა, ხავსი და შლამი.  
მაგრამ სხეულის თვალები შავი,  
მიღეულ სანთელს რომ არ შორდება,  
გადარჩენია მტკვარს ახლაც მშრალი  
და მამის თვალს კი ვერ უსწორდება: —  
— უცნობო, რისთვის მიახლოვდები! —  
ყრულ შემოესმა წუხილი ბავშვის, —  
საფლავში ჩამყვეს თუ მაქვს ცოდვები,  
ოღონდ კი მოვკვდე მოსვენებაში.  
შებრუნდი! ნულარ მომეკარები...

ველარ ტყულა სხეულში სული,  
რაღაც მაწვება... გახსენ კარები  
და მარტოობა მსაღირსე, სრული.  
ქრიალებს კარი. ჯუჯრღმულში კვლავაც  
ჩაჰქრა სანთელის ნათელი მკრთალი.  
მთაწმინდისაკენ დახრილ ვარსკვლავმა  
შემოაწათა ნალვლიან თვალთ.  
სულ ერთი მუჟა ვარსკვლავთა  
მტვერით

აქრელებული და მოწინწკლული,  
მინებს მოეკრა სამყაროს ქერი  
და მდუმარება დამკვიდრდა სრული.  
ახლა კი იქნებ დამდგარა ჩემი  
აუმღვრეველი ოცნების ყაში,  
სუნთქვაც არ ისმის, მხოლოდ გარშემო  
შემოწოლილა კუპრივით ღამე...

— დედიკო, ხედავ, არ მესვენება,  
მე უშენობა მწარედ ვიგრძენი, —  
ეს მამაა თუ ვინ მეჩვენება,  
ხმა მომაწვდინე, ძვირფასო შენი! —  
ყურში ჩამძახის, ნეტავ, ვინ არი,  
ტკბილო, მიხსენი ვისი ცრემლია,  
ქვითინია, თუ ხმაა მდინარის,  
მიშველე, ველარ გამირჩევია...  
...უცნობი შესდგა; სტირის:

— ვრწმუნდები;  
ალარ მენდობით უწყალო მამას,  
ამაოდ მისდევს წუთებს წუთები  
ნეტათ კი ერთიც მენდოთ ამღამ...  
ბინა ავიგეთ, მყუდრო კუნჭული,  
დაშორებული კლდეებს მორეგებს,  
იქ არც ნიავის ისმის ჩურჩული,  
ტალღები ქვებს არ მოაგორებენ...  
არ მოგიდგებათ არსით კაცის ხმა,  
არცა მტკვრის ყეფა შემოჩვეული,  
თბილად იძინებ...

— არა! —  
მოესმა, —  
ეგ სამარეა, მამავ, წყეული...

— ტკბილო, ვარწმუნებ, ძმანი, მუშებში  
სამეგობრონიც ვპოვე,  
ნაძალადევი ქოხებს იგებენ,  
შენც მოგვბაძეო — მთხოვენ...  
სამი დღე არი, ღამით, ქურდულად

სადაც საძირკვლებს სთხრიან,  
მეც დავტრიალდი, მალე დავსურავ.  
ცოტა დამრჩება ღია.  
თავაუწევლად მიმუშავია,  
არა ჩამიხრია თვალი,  
რა შეედრება — დაბლა მშრალია,  
კედლები კლდეთა სალი.  
ამბავს ვიამბობთ, ქვემდარიტებას,  
წამით მაჩუქეთ სმენა...  
— არა!

სნეული წამოიჭრება:

— არა! შესასლდი შენა!..

„არა!“..

ვინ იყო? შეკრთენ, იცადეს...  
მინებს ეხება, ნიშანს იძლევა,  
უცნობის ფეხი ზვდება მიწაზე  
და შემოსძახის — „არ შეიძლება!  
არ დაერწმუნოთ ცბიერს, უფულოს,  
გულქვას, უდიერს არ მიეკაროთ!“  
— ვინ ხარ!!!

სამთა ხმამ დაიგუგუნა

„მე ვარ!“

და ჩრდილი გაჰქრა უკვალოდ.  
ვარსკვლავთა წყებით დატბრილულ  
მინებს

თვალი მოსწყვიტეს თმააშლილებმა:

— არავინ არი!..

ამოივმინეს

და ერთნაირად იგემეს შვება...  
...ქარში შემოლილი და გაცრეცილი

ახლა კარშია, შიშით იღვევა,  
ვაჟი ჰყავთ ისე გადახვეწილი,  
ბნელში ის არი, ნიშანს იძლევა!  
მინებს ეხება, მაგრამ ვერ ჰბედავს  
შევარდეს, ნახოს დედა კეთილი. —  
შიგნით მამაა, თვალთუბნელებმა,  
კედელს ეყრდნობა თმაგაჩვილი:

## 2.

სნეულის საწოლს ფეხაკრეფილი  
უახლოვდება ფერმკრთალი დედა.  
სულამომხდარს ჰგავს ღონემიხდილი  
სუნთქავს კი არა, გმინავს შავბედა.  
— ვაჟო, გეხილოს ტკბილი სიზმრები  
ფერხორციანი მენახე დილით,

მაგრამ რას გარეგებს, რომ  
ვუფიქრებო! —

გშია და რაა, საბრალოვ, ძილი...  
ხედავ, ზეზეურ ჩამოხმა ბავშვი,  
თუმცა, რად მინდა, ვის შემოგჩივი,  
აქამდე ვზარდე მათხოვრობაში  
არც აწ მიგულო შენი მორჩილი.  
რა ფეხზე ასდექ, რა ქარმა დაგკრა,  
რა ვზით მოხვედი ვზადახლართული?!  
შვილი მოგნატრდა? ვინ იცის, მაგრამ  
შვილი არ იყო, აჰყარე გული...  
ჯიბედაცლილი სამოსელს ჰყიდდი —  
როგორც მოსისხლე, ავი, მყევარი,  
იმ უბედურზე ჯავრს რომ იყრიდი  
მამაშვილობა, მითხარ, ეგ არი?..  
ბოლოს მას გული გაუტყდა ჩვილი,  
სხვა გზას ეძებდა, ფიქრებს იკრებდა,  
აღვა და გაჰქრა!..

ახლა ეს შვილი

აითვალწუნე და ეგეც კვდება...

...ტყვიანზე მძიმე, ყინულზე ცივი  
ჩაჰხუტებია ხეობას ღამე,  
და თუ არ სანთლის შუქის ციმციმმა,  
ვერ გაარღვიოს იგი სხვა რამემ...  
— გულიც ღამეა ამოუხსნელი,  
განაგრძობს მამა ფერგადასული, —  
ჩემს სიცოცხლეში ლანდის მნახველ  
არ ეყოფილვარ და ვნახე აესული...  
ალარც ღმერთია ჩემი დამზოგი,  
ალარც ვახსენებ ამოვებას! —  
ნაყოფს შიშისას და უახრობის,  
სიბნელისას და უსასოობის...

...მახათას ძირში ჩვენ უსახსრონი  
შებინდებისას ეხვდებით,  
ბანქოს თამაშით შიშვლდება ზოგი,  
ხელებს ითბობენ სხვები.  
უგუნურები, ფერმიხდილები  
ერთმანეთისგან ველით  
ბედნიერებას, სიტკბოს დიდების —  
სხვა არავინ გვყავს მხსნელი...  
ისიც დაგკარგე, რაც კი მებადა  
ადამიანურ რწმენის.  
რას ვესწრაფოდი — რა შემემატა,  
სამართლიანად მწყევლით!..  
იქ, როცა ფუჭი იმედის ნასახს

წაშლის უწყალო ხვედრი, —  
ვინ მოიგონებს დაღუპულ სახლკარს  
დღე შავი — ღამე თეთრი...  
მანათას ძირში უილაჯონი  
განთიადამდე ვრჩებით,  
გამარჯვებულთა დავლა, ნაშოვნი  
გროშები და ჩერები...  
გაძარცველს სულიც არ შერჩენია,  
როგორც შიმველი თითი.  
თითქოს ხე არი, ქვით ნაშენია  
კრიჭაშეკრული მიდის...  
გამომიცილია, მერწმუნეთ მაშინ  
შენი სიკეთის მდომი,  
თვითონ განგება რომ შეგხვდეს გზაში,  
დაეძგერები წყრომით...  
ხოლო მე ასე ცეცხლმოკიდებულს  
უიმედოს და შეშლილს,  
ის უბედური გზაში მხვდებოდა  
ჩასაფრებული ხევში...  
მომეხვეოდა, შემომცინოდა:  
რად იგვიანებ, მამო!  
როგორ გვშიოდა, როგორ გვციოდა  
ეს დაწყევლილი ღამე...  
ნეტებს ვუმტყვრედი იქვე, მხეცურად  
გულს ვიჯერებდი ცემით.  
შემომკვენსოდა, მაგრამ მე სულაც  
არ მალეღებდა ცრემლი...  
ვინ შთამაგონა, რამ დამარწმუნა —  
უმეცრებაა სრული.  
თითქოს მე მისმა ფეხმა მაცდურმა  
ამომაცალა სული...  
შემდეგ ბანქოშიც მბაძავდა შვილი,  
გამიშვლებულიც ვნახე,  
ხელმრუდობაშიც ჩაეღო წილი,  
გულიც ავყარე თავხედს.  
ვადაიკარგა, გაგარეულდა,  
კვალაც აღარ ჩანს მისი,  
გადარეული ჭზადბნეულთა  
ევაზაკური მიზნით...  
ძვირფასო მე, თუ ის ჭზა საძრახნი  
უსახსრობაში ვპოვე —  
ახლა თქვენივე ღზინის განზრახვით  
სამარადქამოდ ვტოვებ —  
გუშინ სერებს რომ მზე დაესვენა,  
ჩრდილი მოგვადგა გრილი.

ჩვენ უგუნურებს უცხო გვეჩვენა,  
ვინმე უცნობი გმირი.  
სწირქორიანი, არც თუ მაღალი  
იმედიანი თვალით.  
მწვიდი, უბრალო და თავდაბალი,  
მაგრამ დევური ძალის.  
ახლაც არ მესმის, რად მეცნაურა,  
ჩემს ნათესავად ვთვლიდი,  
ჩემი სისხლია და შინაური,  
ჩემი ძმა არი მკვიდრი.  
მასვე ამოჰყვა ცამეტიოდრე  
მხარბეჭიანი მოძმე;  
რას დაეძებდნენ, სად მიდიოდნენ,  
არავინ იყო მოწმე.  
წამით დაგვხვდა, შუბლი დაღარა,  
ჯერ დაგვიტია ფიცხად,  
ერთი თავზარი რამ დაგვახალა,  
მერე ღიმილით გვითხრა:  
„რა იმედია, ფერმიხდილები  
ავკაცობაში ელით  
ბედნიერებას, სიტყბოს დიდების,  
საქმე არ მომწონს თქვენი!  
თქვენ არ ხართ, ძმანო, აუტანელი  
ტანჯვით იცლებით ოფლად.  
პირუტყვისათვის მოუთმენელი,  
ვინ დაგიწესათ ყოფა?!  
ვინ დაანგროს ცა დაქრუშული,  
ვინ რას გამხდარა ცალად,  
თუ არ დაარაზმვა, ძმანო, მუშური:  
თუ არ ძალა და ძალა!  
თქვენ გეყვარებათ შვილი, დედმამა,  
ვინ გაგიბედოთ დავა,  
მაგრამ რად ძარცვავეთ, ძმანო,  
ერთმანეთს,  
წყალოწალებულნო თავად!“...  
ნიშანი მისცა, გაჰყვენენ მოძმენი  
ეშურებოდნენ მალლობს,  
თითქოს დასაქცევ ხეცის ბოძები  
ეგულეობდათ ახლო.  
თითქოს მზეც სწორედ მისკენ  
ჩავიდა, —  
არა მთაწმინდის იქით...  
რად მეცნაურა, რად შემეყვარდა!  
ხომ არ გეცნობათ იგი?

გათითრებული მეუღლე, დღევით  
 ჰკითხავს — ასეთი ჩვენი ნაცნობი?  
 ასე მზრუნველი და ახლობელი  
 განა გვყოლია ჩვენ თანამგრობნი?  
 მაგრამ მაცალე.. ვინ მგონდება,  
 მგონი მინახავს ეგ მეგობარი.  
 მაშ ეგ ფიქრები და ეგ ოცნება  
 მეც რომ მეცნობა, საიდან არი?...  
 თუმცა ამგვარად გულამორეცხილს  
 კარგს რას გეტყვოდა კარგი ძმობილი  
 ოღონდ სკოლიდან როგორი ცეცხლით  
 დააწიოკე, ბინა, ცოლშვილი...  
 კვლავ გარე-გარე ივლი გულცივი,  
 ალბათ ის შხამიც მოგივლის ძველი....  
 ეგეც მიკვირდეს — როგორ უცინი  
 ამ დღემილეულს, მისი მტანჯველი...  
 ...მაგრამ მიშველე, შენ შენი ღმერთი!  
 იქნებ ნამდვილად გული გეწვება,  
 დაეტოვინოთ ეს ჯოჯოხეთი,  
 მადლი საფლავში ჩამოგვეწევა...  
 ვიხსნათ, სველი აქვს ბიჭს ქვეშაგები,  
 სად შეგინიშნავს მშრალი სარდაფი.  
 წადი, მოძებნე ამხანაგები,  
 წადი, ვუშველოთ სნეულს სასწრაფოდ...  
 ...წადიო, წადი! ლანდივით გადის, —  
 დაჰქრის, დაეძებს მშველელს, მეგობარს:  
 გადავბარგდეთო ხეალ მზის.  
 ჩასვლამდის,  
 აღარ დამჩნენო უიმედოთა...

### 3.

ციკურისყამს კარებს შეაღებს  
 თმაგაჩეჩილო ნადირი,  
 შმორიან თაღებს შეარყევს,  
 დედას დაჰკოცნის ამ დილით,  
 ფეხქვეშ ნაგუბარს დასცქერის,  
 ჯოჯოხეთია ნამდვილი,  
 აღარც გული აქვს, არც ფერი,  
 საიდან გადმოვარდნილა?  
 — დედიკო, როგორ შემკრთალხარ,  
 მომიახლოვდი, მიცანი,  
 ყურს მე გიგდებდით, შენთან ვარ,  
 შენ რომ მზრდიდი და მიცავდი.  
 დატოვებთ, გამოგესალმეთ  
 ნეტავ რა მქონდა მიზანი?

დედა კი ვერსად ვერ ვპოვე —  
 ამოდ ვთელე მიწანი.  
 სად გადადიხართ, სად წახვალთ,  
 სწიღ-ლა შეგზედები — მსსწავლე!  
 ძმა როგორ არი? საცოდავს,  
 ავადმყოფს აქვე აწამებთ...  
 დავებეტები შიშველი  
 ქურდი, მძარცველი, ვერაგი,  
 მიშველე, სადმე მიშოვე  
 მამის ნაცვეთი პერანგი...  
 ...უმწეოს რა გაქვს, რას მომცემ, —  
 არც უმადური ვიქნები,  
 ოღონდ წასვლისას მაკოცე  
 ხშირხშირად დამესიზრებნი...  
 ხმას არ სცემს.. ტანჯვით დასტოვებს  
 სარდაფს და ნაცნობ ადვილებს,  
 მტკვრის პირპირ გაიმართოვებს,  
 თვალს რომ მიჰფარდეს ადვილად...  
 სალკლდეებს თავზედ ენგრევა,  
 მტკვრიდან აყრილი ტალღები.  
 მესად გადაეფრქვევა —  
 კენჭის ვერ არის წამლები.  
 ზემოთ დგას დასაბამიდან  
 გაუტეხელი მეტეხი,  
 ვით ჯოჯოხეთი ამქვეყნად  
 მისი ტოლი და მეტოქე.  
 ჩაჰყურებს, ტალღა იხუვლებს,  
 მირეცხ-მორეცხავს გვირაბებს.  
 დაუნდობელი ფიცხელი  
 გაცეცხლებული გრჩილებს...  
 საიდან მოდის, სად მიდის,  
 რომელ ზღვას მიეტმასნება!  
 უძირო არი ნამდვილად,  
 რით ვერ ეღირსა ავსება.  
 — შენ გზა გაქვს მშვიდად სავალი  
 ბინად ზღვა, მყუდრო უბენი,  
 მე არც გზა, არც დასამალი —  
 ნეტავ სად დავიღუპები?..

\*  
 \* \*

არ ეძებს, ბევრიც ეძებოს  
 მზე რას მიაგნებს ქონმახებს?  
 ზემოთ კას ცეცხლი ედება,  
 ქვემოთ სცივით და ოხრავენ.

— ოხვრაშიც ასე ნატრული  
სიზმარი ვნახე ამ დილით,  
ის იყო ჩამოკაწრული  
უფერული და გახდილი...  
ქვად ვიქეც, მუხლი ვერ დავძარ,  
ენაზეც ქვეები დამაწვა...  
პურს მთხოვდა, გროშებს ეძებდა,  
ყრულ მომესმოდა რალაცა...  
„უშწიოს რა გაქვს, რას მომცემ“,  
არც დავძრახავო, შემფიცა  
„ოლონდ წასვლისას მაკოცე“ —  
ეს სთქვა და გამომეღვიძა...  
ეს სთქვა და დედაც ატირდა  
თრთოლდნენ სარდაფის თალები.  
ფილაქანს ცრემლებს აყრიდა —  
ქვას მოხვდეს — დაიდალება.

\*  
\* \*

ნაძალადევის ვადალმა  
ვიწრო მიწურში შესახლდნენ.  
სნეულს დასცქერუნ ხანდახან,  
ბჭობენ თავბელის შესახებ.

### მ ა მ ა

დრო დაჰკრავს, ანბობს არწივი  
მახათას ქედთან ნახული,  
მტერს ნახავთ, სისხლადდაცლილი  
ჩვენს თვალწინ დაიმარხება.  
ბრძოლისკენ გვიწვევს მედგარი,  
გზა რამ გვანიშნა მზიანი...  
ჩვენ არა, — ჩვენი მოდგმანი  
ცას შეხედავენ სიამით.  
ჰეჰა-ჰუხილის დროს დგება,  
ცა ელვით გადაკაწრულა!...  
ჩვენ არა, — ჩვენმა მოდგმებმა  
ამოისუნთქონ კაცურად!

### ლ ე ღ ა

ასე სჯობს, ვერვინ დავძრახავს,  
დრომ დაჰკრა, — იყოს საჭირო.  
ცეცხლშიც ჩავარდი თავდაღმა,  
სიცოცხლეც უნდა გასწირო.  
ფიქრი არ გქონდეს წაქცევის,

სული ყელშია მომდგარი,  
მოჰკვდები — მტერნი დავძლევენ —  
სისხლს აიღებენ მოდგმანი!...

### შ ვ ი ლ ი

თვალს ვახელ, გული მაგრდება,  
მაღამო ზვდება იარას!...

### მ ა მ ა

ცრემლი არ გამოვვადგება —  
არწივი გვაწვდის იარაღს!  
დიდი ლაშქარი რამ დგება  
ქალაქს ვადუღლის ნიაღვრად!...  
რუსეთს ყოფილა სისხლის ღვრა  
ჩვენის ძმების და ტოლების.  
დამძლარან, დასივებულან  
იმ სისხლით მებატონენი.  
ახლა ხმაღს ცლესავთ, ცეცხლს ვანთებთ,  
ერთს დავკრავთ — ალი ავარდეს! —  
მეორედ დავკრავთ, მესამედ —  
მტრის ზურგზე გავინავარდებთ.  
ენატრობ, დაბრუნდეს — მივიღებ  
იმ ჩემს სიყრმესაც, წამებულს...  
ნახვამდის... ტურზე მიიღებს,  
შვილის ხელს დაეწაფება...  
მიჰხედავს — ცოლს ეთხოვება,  
ბილიკებს მისდევს ხრიოკზე.  
ძმებს შეხვდა — მუშებს, რომელნიც  
კარიკარს ვადაჰკოოდნენ.  
ძილს ჟუფრთხობს, ქალაქს აწფოთებს  
მათი დენა და ნაკადი.  
არწივის ხმაზე გარბოდნენ,  
ნიშანს უცდიდნენ აქამლი.

### 4.

მთვლემარე ზამთარი მოსულა,  
მთებზე და ხევებშიც ნისლია  
მდუმარე ფიქრებით მოცული  
კლდეები ხან ზვავებს ისვრიან,  
ან ღვარი ჩაუვლის ნაპრალებს  
და პირქვე დამხოზაც იციან.

სხვა ქარის ფრთა მოჩანს თბილისზე —  
მეტეხის, მთაწმინდის, მახათის  
ტინოვან გულმკერდის ქვეშიდან



გუგუნი ამოდის მაღალი.

ორთავა ყორანიც შეშინდა  
ბორკილის მკედელთა ნახატი.

სხვა ალმა დახედა იანვარს! —

შორეულ ელვათა თვალია! —

იარაღს, იარაღს, იარაღს!

ხვეწნისთვის არავის სცალია!

იარაღს! ქარხანა გრიალებს

და სოფლებს აცოცლებს მწვანეიანს.

ალმური ამოაქვს მიწიდან

მოვარდნილ ფურცელთა ნიაველვარს.

ზღვა მოსქდა, ამ დღისთვის იცდიდა:

იარაღს! იარაღს! იარაღს!

ცეცხლი თუ მოაშრობს სისხლიანს

ოფლიანს წყლულსა და იარაღს.

არწივის საბუღარს ზვერავენ,

ბნელეთში აესულნი დადიანს.

არწივი ჰყოდა — ყველანი

იარაღს, იარაღს მაღლიანს!

ნაღველი მოგვადგა ყელამდე,

სხვა არვინ გვიშველის შავდლიანს.

საბუღარს ზვერავენ არწივის:

„რომელი ბუდიდან მოდიან,

ალისფერ ალმებს რომ არწივენ,

მედგარი ომი რომ სცოდნიათ,

ვინ ანთებს, ვინ ბეჭდავს, სად წერენ:

იარაღს, იარაღს ცოდვიანს!“

ჭალარა ქალაქი ცახცახებს

ხანდახან მზე დაჰკრავს მიმქრალი,

ზღვა რაზმი ჩაუფლის სასახლეს —

პირველი ჯალათი იქ არი!

ქარიშხლის მაუწყე დასძახეს

მთებს ზარავს პირველი გრიგალი.

აქ მოჩანს, ზღვაშია ჩამდგარი

წინამძღოლის გულდაგულ მიჰყვება:

„არ შედრკეთ, დაჰკარით, დაჰკარით! —

შვილი მყავს შიმშილით მიკვდება —

მეორეც არ ვიცი სად არი!

დაჰკარით! დავლევოთ იქნება!“

სუსხიან იანვრის სისხლიან

დღის ცეცხლი ედება გონებას,

რამდენი წყრომა და ზიზღი აქვთ.

დასრულდეს ამდენი გოდება!

მონები ბორკილებს იხსნიან —

იმ არწივს ხმა მისცეს მონებმა!...

გუგუნი აჭრილა ზეცამდე,

მთებს სდგება, ზღვაც გადაიარა!

დრომების წაგლეჯას ეცადნენ —

მუშტი ჰკრეს:

— იარაღს, იარაღს!!!

დღეიდან ბორკილებს ვლევადეთ

ძალდაძალ, მუღაჩით კი არა!

ცხრაას წელს შეარყევს შმორიანს

ერთი დღე იმ ცხრაას ხუთისა.

ჯაჭვებს რომ იწყვეტდნენ — შორიდან

მოთრეულ უდიერ უღლისას:

„მოგკვდეთ თუ ტანჯვისთვის

გშობილვართ,

ან მოვრჩეთ ოხვრას და წუხილსა!“..

ეს ერთიც მწუხარედ დაბინდდა,

ღამეა და ძილი სად არის?!

ქარი ჰქუხს მაღლიდან, დაბლიდან,

ზღვიდან ზღვას გადასწვდა ზანზარი!

არწივი დროებით დაფრინდა —

ხვალ ისევ დარეკავს სხვა ზარი!

\*

\* \*

თხრილისთავს თუნუქის ნაკუწებს

და ფიცრებს ქარი სცემს, ატოკებს...

დელიკოს სნეული აქ უწევს,

ფიქრსაც არ აკარებს სათოფედ:

„მამობას მე თვითონ გაგიწევ —

მამა თუ ყორნებმა დათოკეს!“

...ის ციმბირს გაგზავნეს ნაცემი,

წინ ჩრდილი უსწრებდა პაწია,

მომცრო რამ, საოცრად ნაცნობი,

არც ჰქუხს და არც არა აცვია...

მაჩუქე რამეო ნაცვამი,

მცივა და ყელყური ამწვია...

თავს დაჰხრის, ასწევს და ტახტია,

პატრონი აღარ ჩანს საწოლთან..

„მიწური დავტოვე თავლია —

ნეტავი ერთი დღეც დამცლოდა,

ავადმყოფს საბანი ახლია

და ქარი ალურჯებს საცოდავს“...

შორდება, მიდის და შორდება,

ცის კიდურს ათასჯერ გადადის.

ხმელეთი ცას უხბლოვდება...

— „გზა მორჩა, მგზავრებიც გავთავადით,  
დრო მოვა, ციმბირსაც მოხვდება  
მხურვალე სხივები მკათათვის“.

შორდება, მიდის და სცილდება,  
გადადის გაუვალ სივრცეებს,  
შორს, სადაც ცის კიდე წითლდება,  
ღრუბლებიც მიწიდან იწევენ! —  
ჰყინავს და გული არ ცივდება —  
არწივის ხმა ხვდება ისევე!..

## 5.

ის უამი საით გაფრინდა,  
წელნი სად გადახვეწილან?  
ჯერ მოანათა აპრილმა  
მერე ვარდისთვე გვეწვია!  
ტფილისს ცა ხურავს ფირუზის,  
გულზე იხშირებს ყვავილებს!  
აქ შემხვდა, სანაპიროზე  
მოხუცი მოსიყვარულე.  
ჰაღარა, სახე დამჰკანარი,  
კაბა, სარტყელი ქართული,  
შვილიშვილებში ჩამდგარი —

მათი ჭიკჭიკით გართული.  
ხელს მართავს, ზემოთ უთითებს,  
ქართულ ასოთა წყებაზე,  
ამბავს მოჰყვება უწინდელს —  
ოქტომბრის მესხის ქექამდე:  
— ეს მისი სანაპიროა,  
მისი ხელებით ნაგები,  
ზედ მისი გვარი სწერია  
საყვარელი და საქები.  
მზე იმან ამოგვიყვანა, —  
ნისლები გადაკრეფილან!  
ახლა დაჰნათის ქვეყანას  
ვარსკვლავებიან კრემლიდან!“  
..საუბარს შესწყვეტს დროდადრო —  
გაჰხედავს — აქ ჰყავს შვილებიც,  
შორიახლო რომ დადიან  
თამამნი, მხარგაშლილები,  
მტკვრის პირუბირ დაირწევიათ,  
აქ ვინ ჩაივლის მტირალი!  
სამნივ მღერიათ — ძმებია  
და მამა ნაციმბირალი...

ზალვა იოსელიანი

## ლიმონი

თითქო ტოტიდან თვალეზში მიმზერს,  
დაუყურსია ტანი და ღერი,  
მან მოიტანა შავი ზღვის პირზე  
ხვაფი, სითბო და ლაყვარდისფერი.

ავიფე სახლიც. სიმღერებს ვქარგავ  
ყოველდღე ახალ სიხარულს ველი.  
და ჩვენს ეზოში თვითეულ ნარგავს  
ატყვია შენი მზრუნველი ხელი.

მიჰყვება ტანი ტოტების რხევას,  
ხან გამოჩნდება, ხან იმალება...  
ავიღებ ლიმონს და მომეფრქვევა  
შენი ღიმილი და ბრწყინვალება.

## მკვდრის გზა\*)

საპრებულოში

ოფიცერთა საკრებულოში მაიორი გვიან მოვიდა.

ბოლო რიგებში მორიდებით დაჯდა და მარტოსულივით გაირინდა. კრების თავჯდომარეს — პოლკოვნიკს ავალიშვილს მიაჩერდა. პოლკოვნიკს შუბლი არ გაუხსნია. მრისხანეთ გადმოხედა მაიორს.

„ჩემი საქმე უკუღმართად წასულა,“ — გაიფიქრა მაიორმა. საშინელი მარტოობა იგრძნო. დარბაზში მსხდომ ამხანაგებს ღიდრონი და მგზნებარე თვალები დარდიანად და განწირულივით შემოავლო, მაგრამ ეს ხედვა არავის არ შეუშინებია, რადგან არავის არ სცხელოდა ესლა მისი გულისდარდისათვის: ათ მეფთაურს ახალციხის ფრონტის თვითნებურად მიტოვება ბრალდებოდა და სახელმწიფოს წინაშე დალატი. არავინ შედიოდა ესლა იმის განსჯაში, რომ დახეულ ჯარის შეჩერება არავითარ ძალას აღარ შეეძლო და მეთაურები აქ არავითარ შუაში არ იყვნენ.

„ვაი სირცხვილო, ვაი, თავსლადის დასხმაგ!“ — გაიფიქრა მაიორმა. პოლკოვნიკი სამხედრო შინისტრისა და მთავარი შტაბის აზრს აცნობდა ფრონტიდან გამოწვეულ და ბრალდებულ ოფიცრებს...

მაიორი ფერმკრთალი იყო. შუბლზე მომდგარი ოფლი საზაფხულო ხალათის სახელოთი მოიწმინდა. ცხელოდა, სული ეხუთებოდა. ერთბაშად წამოიჭირა და კარებისაკენ გაემართა. მე კარებთან ვიჯექი და, როდესაც გამისწორდა, პაპიროსი ვთხოვე.

ჯიბიდან ყუთი ამოიღო, გაშალა და ოდნავი ღიმილით გამიმეორა ათასჯერ თქმული:

— სანამდის უნდა იყო ჩემს ხარჯზე? მე, რომ აღარ ვიქნები, რა გეშველება?

— არც ისე ხშირად გაწუხებ, — ღიმილითვე მივუგე მე, მაგრამ მას პასუხი არ გაუცია. ეჩქარებოდა. არც კი შემოუხედავს ჩემთვის. ერთბაშად შეტრიალდა და წავიდა, თვალი გაფაყოლე: ახოვანი, მსუქანი ვაჟკაცი იყო. ბნელ დერეფანში გოლიათივით მიაბიჯებდა, ოდნავ ბარბაცებდა. ნასვამი თუ არის მეთქი, გაიფიქრე. შემეხარბა. იგი მხიარული, გონებამახვილი და მოჭეიფე კაცი იყო. გამოიკვირდა: რა დროს ქეიფი აქვს, მეთქი. გვარდიელების მიერ წამხდარი

\*) ნაწყვეტი რომანი „პირისპირ“-ის მესამე ნაწილიდან.

საქმე მთავრობამ რეგულარულ ჯარს და მის მეთაურებს მოახვია თავზე. „ეს არის სამართალი?“ სამართალს ჰკითხულობდნენ ბრიყვი მეთაურები.

ცხელოდა. ფანჯრები გამოაღეს. წვიმას გადაეღო. საღამო ხანი იყო, მაგრამ ქალაქში ისევ დახუთული ჰაერი იწვა. თონესავით გაფარვარებულ ქუჩას და ქვის სახლებს აღმური ასდიოდა. მყუდროდ იდგნენ ფანჯარასთან მოწყენილი ცაცხვები; დამჰქნარი ფოთლები არ ირხეოდნენ სრულიად. ღრუბლიან დასავლეთიდან გამოსროლილი და ძალაგამოლეული მზის სხივები მკრთალად და რალაც უცნაურად აშუქებდნენ კენწეროებს, თითქო მზე კი არა, მთვარე აშუქებსო. „მკვდრის მზე“ — გავიფიქრე მე.

უცბად საშინელი გრიალი გაისმა.

„ავტომობილის ბორბლის საბურველი თუ გასკდა ქუჩაზე. ან იქნებ ტერორისტებმა ყუმბარა გადაისროლეს!“ გავიფიქრე მე.

— მეორე სართულზე რალაც აფეთქდა! — დაიძახა მეთაურმა. ოფიცრები საკრებულო დარბაზიდან დერეფანში გაცვივდნენ.

მორიგე ჯარისკაცი დაფეთებული სახით ჩამობოძოდა კიბეზე:

— უშველეთ, მაიორმა ლევან ყაზრიშვილმა თავი მოიკლა!

უცნაური სიკვდილი იყო ეს. შაშხანის ლულა პირში ჩაედო და ასე... სამორიგო ოთახის კარებთან იჯდა უმწეოდ თავჩაქინდრული.

თავის ქალა გამსკდარიყო.

შევიძრწუნდიო...

საოცარი სიჩუმე ჩამოვარდა. სიჩუმეში საკუთარი გულისძგერა გავიგონე. ვილაც იძახოდა: „სასწრაფო დახმარება გამოიძახეთ“.

დახმარება?

მაიორის უკანასკნელი სიტყვები: „სანამდის უნდა იყო ჩემს ხარჯზე? მე რომ არ ვიქნები, რა გეშველება მაშინ?“ — მე, რამდენიმე დღის შემდეგ მომავონდა მხოლოდ.

გამიკვირდა: რატომ მითხრა ასე სიკვდილის წინ?

აი, რისთვის იწმინდდა თურმე ხალათის სახელოთი. სახეზე ჩამოდენილ სიმწრის ოფლს!

### ჭირამი აყვავებულა

მაიორის თვითმკვლელობის შემდეგ ცუდ გუნებაზე დავდექი და მალე ჯარი სულ მივატოვე.

მოწყენილი დავეხტებოდი ქალაქში, ვერის დაღმართზე მეგობარი შემომეყარა. მას ისევ ჯარისკაცის მაზარა ეცვა... ხშირი და შეერთებული წარბები და გრძელი წამწამებით დაჩრდილული, შავი კაეშინანი თვალები ჰქონდა.

ქუჩაზე მიმავალთ როდი ამჩნევდა ჰაბუკი. ფიქრებში წასული და გვერდულად შებრუნებული მისი მეოცნებე თვალები სადღაც შორს, უცხო მხარისაკენ იცქირებოდნენ თითქო. ამ წუთას ვერის დაღმართიდან გამოჩენილ კავკასიონის ქედებს და მყინვარს გასცქეროდნენ ისინი. მაშინვე ვიცანი ჩემი ბავშვობისა და ყრმობის მეგობარი ჰაბუკი — გრიგოლ მეგრელიშვილი. 1918 წელს ჩვენ ვიყავით ჯარში წასული. ეს ის დრო იყო, როდესაც ოსმალეთი ბათომს, ახალციხე-ახალქალაქის მაზრებს იკავებდა. ეხლა კი 1919 წელი იყო და ისევ ჯარისკაცის მაზარაში რომ ვნახე გრიგოლი, გამიკვირდა:

— კაცო, შენ კიდევ ჯარში ხარ?

— მაშ, შენსავით დეზერტირი გეგონე?! რა დროს თავის თავზე ფიქრია, ყველა რომ უნივერსიტეტს მისცვივდიოთ. განა არ იცი, თურქებმა რომ ისევ შემოგვტიეს?! უკან დაახევინეს ძაღლთაპირებმა გენერალ მაყაშვილის ჯარებს ახალციხე, ახალქალაქის მახრობში.

— როგორ არ ვიცი. მაგ უკან დახვევის მსხვერპლი არ გახდა მაიორი ლევან ყაზრიშვილი!

— ჰო და, აგაშენა ღმერთმა. — ნიშნის მოგებით მიპასუხა გრიგოლმა.

იგი ომებში ნათრევი ჭაბუკი იყო. არც ერთი ომი არ გამოუტოვებია, რომელიც კი 1918-სა და 1919 წელს საქართველოს გადახდომია. გრიგოლი ბატარეის ცნობილი მეტელეფონე იყო. მაგრამ, საჭიროების დროს, ტყვიაფრქვევსა და ქვემეხზეც უბადლოდ უმუშავებდა. გავეხუმრე:

— ომებს თუ მიჰყევი, ომი, ძმაო, არასოდეს არ მოისპობა ამა ქვეყნად.

— მაშ არა და, შინ დავედები ცხელ ბუხართან, თურქებმა კი ახალციხე და ახალქალაქი დაიკავეს, რას დავეძებ! მე ანგრე რომ არ ვმსჯელობ, შენ მაინც ზომ იცი...

— ვიცი, მაგრამ ცოდვა ხარ, ბიჭო: ამდენ ომებსა და დავიდარაბაში ხიფათი რამ არ შეგეყაროს.

— დავროდომილს რაღა ხიფათი უნდა შეეყაროს, ხოლო ჯანსაღნი თუ კი ბრძოლას გაექცნენ, ქვეყანა ვინღა დაიცვას?! და მერმე: უხიფათო სიცოცხლე განა არსებობს?!

გრიგოლი უცნაური და უშიშარი კაცი იყო. მასზე ლეგენდებს ამბობდნენ მასთან ერთად ომში ნამყოფი ამხანაგები და დასძენდნენ: „სიკვდილს ხეპრეთ ეთამაშებაო“. მე ვერ ამეხსნა ერთი რამ: გრიგოლი სიკვდილის შიშით გამოწვეულ დარდსა და სევდას აქსოვებდა თავის ლექსებში, ხოლო პირად ცხოვრებაში სიკვდილს ისე ხეპრედ აკიდებოდა, თითქო არ კი ეშინია მისი, არამედ ეთამაშება კიდევო.

ბოლოს მისი კავშანი და სევდა დედისა და დის ტრადიკულ გარდაცვალებით ავსებენი, ხოლო სიკვდილთან თამაში, — პირადი ზრახვების მიუღწევლობით.

— ყოველ ადამიანის ცხოვრებაში დადგება წამი, როდესაც იგი შეიგნებს, რომ სიცოცხლე სიკვდილის მიერ დაგებული ხაფანგი ყოფილა, — დაიწყო გრიგოლმა.

— ურწმუნო ადამიანი საცოდავია. გრიგოლ, შენ შემცდარ გზას ადგეხარ.

ეს ჩემი ნუგეშინი და გაფრთხილება იყო. ხსენა მოწყობილი ადამიანი, რომ თუ თითონ დაღუპული არ არის, ხიფათში მყოფს და წყალწაღებულს უნდა შეეშველოს, ჭელი უნდა გაუწოდოს.

გრიგოლმა ეშმაკურად გაიცინა და ცალგვერდა ცქერით შემომხედა: მის დიდრონს, შუქიანსა და ჭკვიან თვალებს ჩემი მზამხარეული და ყოველ-შემთხვევისათვის თქმული, გაცვეთილი სიტყვები განა გამოეპარებოდა?!

ვერის ხილზე გავედით.

მთებსა და ვერის ბაღებს მწვანე ფერი დასტყობოდათ. თებერვლის ბოლო იყო. მზე ჩადიოდა ცეცხლმოდებულ ღრუბლებში. საამური დაისი იდგა და ჰაერში ნაადრევი გაზაფხულის სიო იგრძნობოდა. ხოლო მთვარესავით მკრთალი მზის სხივები უცნაურად აშუქებდნენ ხის კენწეროებს. „მკვდრის მზე“ — ვაფიქრე მე. მერმე ვეღარ მოვითმინე და გრიგოლს მივმართე:

— ბიჭო, რაღა ხარ ასეთი?! შეხედე: განა ქვეყანა მშვენიერი არ არის?!

— მით უარესი ჩვენთვის. — მიპასუხა გრიგოლმა, მაგრამ რახან დღეს გა-  
ზაფხულის მოახლოება პირველად ვიგრძენი, გრიგოლის კაენშანმა ვერ წაშა-  
ლა გულს ჩასახული აღტაცება და სიხარული. ისევ გავხედე მიდამოს: ყორღა-  
ნოვის ქუჩისა და ეკლესიის გალავნის ქვემოთ, მთის ფერდობზე ჭერამისა და  
ატმის აყვავებული ხეები შევნიშნე და შევსძახე:

— ჭერამი აყვავებულა!

გრიგოლი შესდგა, შეხედა და გაიღიმა.

მისი თვალებიც თითქო აყვავდნენო. ახლად ამოწვერილი უღვაშით და-  
ფენილი ზედა ტუჩი აებზიკა და ბავშვივით წამოიძახა:

— რა მშვენიერია!

გამიკვირდა. კარგა ხანია რაც არ მენახა გრიგოლის სახეზე სიხარულის და  
აღტაცების ასეთი გაელვება. ბავშობაში იცოდა მან ასეთი სიცილი, ასეთი გუ-  
ლუბრყვილო და უმწიკვლო ღიმილი, მაშინ როდესაც ხელთოფებს ვაკეთებ-  
დით და პანტავაშლით ვებრძოდით ერთმანეთს გვიმბრაში ჩასაფრებულნი.

გრიგოლს ეჩქარებოდა: სადგურზე ჯარისკაცებით, ცხენებით და ქვემეხე-  
ბით დატვირთული ვაგონები, ბორჯომისაკენ მიმავალი მისი ეშელონი იდგა.  
სახეზე ისევ უხილავი სევდა აღბეჭდა. ერთმანეთი გადავკოცნეთ. გრიგოლმა  
სადგურისაკენ გასწია.

ამ დღიდან ერთი თვეც არ იქნებოდა გასული, პროსპექტზე ამხანაგი ნიკო  
ცხოველიძე შემხვდა. საშინელი ამბავი შემატყობინა:

— ხომ იცი, გრიგოლი როგორი უშუშარი მებრძოლი იყო! არც უფროსს  
მეთაურებს და არც ჩვენ ამხანაგებს გავგიგონა. ჯარის მიერ მიტოვებული სან-  
გრები რომ დაინახა, ერთი მაგრად შეგვიკურთხა თურმე. მარტო დარჩა ფრონ-  
ტზე. სანგრებში ჩახტა, ტყვიამფრქვევი გამართა და, სანამ ეყო ლენტები,  
სთიბა და სთიბა ასკერები. მაგრამ მერმე გვერდიდან, მოუარეს, ჩაესაფრნენ და  
ესროლეს. თავში ჰქონდა მოხვედრილი.

— ოხ, — შეგძრწუნდი. — რაღა გადაარჩინდა?

— ჩვენ კიდევ მიუსწართ ცოცხალს.

— სიცოცხლე, თითქო შეგნებულად ეძებდა სიკვდილს! სიცოცხლე მოძუ-  
ლებული ჰქონდა!

— არა, პირიქით, ნეტა ვენახა როგორ სწუხდა! მიშველეთო, გვევედრე-  
ბოდა სასომიხდილი. ოხ, როგორ უნდოდა სიცოცხლე, როგორ უნდოდა უბე-  
დურს სიცოცხლე! — მიამბობდა ნიკო და ეხლა მას თითონ შესწუხებოდა, დაპ-  
ლრეჯოდა სახე, ხოლო თვალბზე ცრემლი მოსდგომოდა.

მე მომაგონდა გრიგოლი. მასთან შეხვედრა ფერის ხიდზე, მთის ფერდობ-  
ზე აყვავებული ჭერამი.

ბავშვივით მოღიმარი გრიგოლის სახე, შორს მაცქერალი მისი თვალები  
და აყვავებული ჭერამი ჩემს მენსიერებაში სამარადქამოდ დამრჩა.

### ასკერი

გრიგოლ მეგრელიშვილის გარდაცვალების შემდეგ ისევ ჯარში წაგე-  
დი, — ბატარეაში.

მთელი დღით ნაბრძოლებს, ღამით პოზიცია შეგვაცვლევინეს. ქვემეხებს  
ცხენები შევუბით, დაჭრილ-დახოცილნი ფურგონებზე მოვათავსეთ და მერმე,  
დაღამდა თუ არა, ტყით დაფენილ მაღალ მთისაკენ გავეშურეთ.

წინ ბატარეის უფროსი — კაპიტანი სანდრო ალექსიძე, მისი თანაშემწე — შტაბს-კაპიტანი ბერეჟიანი, მეთაურები და მწვერავები მიდიოდნენ. ბატარეის ქონების გადაზიდვას ფურგონები აღარ იყო და მათ უკან დატვირთული ურმები ზღაზვნით მიჰყვებოდნენ.

დიდის ვაივაგლახით მივდიოდით სოფელ კარჩხალის უხეირო გზით. ნისლიანი ღამე იყო და მეგზურნი უშუბებზე წამოგებულ ჭრაქებით — ჩირალდნებით გვიშუქებდნენ გზას. ქვემეხები ორმოებში ვარდებოდნენ, გზაზე დაყრილ ლოდებზე ბორბლები ვერ გადადიოდნენ და ჯარისკაცები შეძახილით და ერთის ყიყინით აწვებოდნენ ქვემეხებს.

მარჯვნივ მაღალი მთა იყო აწვდილი, ხოლო მარცხნივ — თვალუწვდენი ნაპრალი გვემუქებოდა. ფრთხილად იყო საჭირო სიარული, რომ ჯარისკაცს ან ცხენს ფეხი არ დასცდენოდა, გზიდან ნამპრალში არ გადაჩხილიყო.

უზანგების მარყუჟში ფეხები გავუყარე, დაგორგლებული საბანი უნაგირზე დავდევდი, ზედ დავემხე და მალე დამეძინა. აღვირმიშვებულ ცხენი ნელა მიდიოდა: მძინარი ჩემი მხედარი არ გადმოვარდესო, ფრთხილობდა. როცა ტანის სიმძიმე მარჯვნივ ან მარცხნივ გადამსალავდა, მაშინვე შეჩერდებოდა, დაიხვიხვინებდა, ყურაცქვეტილი თავს ჩემსკენ მოიქცევდა, ჭკვიანის თვალებით შემომხედავდა და, სანამ უნაგირზე არ გაესწორდებოდი, ფეხსაც არ გადასდგამდა აღმართი გათავდა. მთის ტაფობზე გავედით: ვაკეზე, წყვდიად ღამეში მოკიაფე, შორეული ხანძარი დავინახეთ.

ოსმალთა მიერ მიტოვებული სოფელი იწოდა უმოწყალოდ.

ცამდე ავარდნილი ცეცხლის ალი ბოროტად იკლაკნებოდა მუნჯსა და ბნელ ღამეში, თითქო უბედურების მაცნეთ მოვლენილაო.

ჯარისკაცთა ძახილი და ყიყინა ერთბაშად შეწყდა. ეხლა ბნელი ღამის სიჩუმეს დაჭრილთა კვნესა, ქვემეხთა ბორბლების გრიალი და უზანგების ელარუნი არღვევდა მხოლოდ.

ხანძარს გვერდი აუქციეთ და ისევ აღმართს შევუღდექით.

აღმოსავლეთით ოდნავ იდარა, ცაში ნათელი ჩადგა და რიყრაყმაც მოატანა, მაგრამ მერმე ისეთი ნისლი და მურისფერი ჯანლი წამოვიდა, რომ კაცი კაცს ერთ ნაბიჯზედ ვერ გაარჩევდა და უკუნის მაგვარ წყვდიადს ეხლა აბრიალებული ჩირალდნებიც კი ველარ არღვევდნენ.

წვიმის წინწკლები წამოვიდა. ისე გულდაგულ უნაქლავდა და სტრიდა, რომ ამრიგად კოკისპირული წვიმაც კი ვერ დაგვასველებდა.

ტყე ერთბაშად გათავდა, ველზე გავედით და ერთ პატარა სოფელთან დავბანაკდით.

ქვემეხებიდან ცხენები გამოვხსენით, საბმური გავმართეთ. ქვემეხებთან და ბატარეის ქონებასთან ყარაულები დავაყენეთ. მერმე მოშივებულნი სოფლისკენ გავეშურეთ.

მიწური სახლის გვერდზე ქალი ძროხას სწველიდა სახელდახელოდ.

ეს სოფელი გახიზნული მეგონა და შიგ რომ სიცოცხლის ნიშან-წყალი შევნიშნე, გამიკვირდა. თუმცა სულ მალე დავრწმუნდი თუ რა ყოფაში იყვნენ ამ სოფლის მცხოვრებნი: ყოველი მიწურის წინ ბარგიბარხანით დატვირთული ურმები იდგნენ და გუშინ რომ ოსმალებს კარჩხალში გავმარჯვებთ, მაშინ ამ ურმებსა და სოფლის ხიზნებს ცხრამთა ექნებოდათ გადავლილი. ეხლა კი კარჩხალში ოსმალთა დამარცხებისა და ჩვენი ბატარეის აქ მოსვლის გამო,



ომედი მიეცათ. სიხარულით მიგვიღეს, პური, ყველითა და რძით გავგვიმასპინძლდნენ.

მაისი იყო, მაგრამ ამ ნისლიან დღით შთაში საშინლად ციოდა. ბატარეის ბიჭებს კოცონები დაენტოთ, ცეცხლს შემოსხდომოდნენ, ზედ ეფიცებოდნენ და ტანსაცმელს იშრობდნენ. მაზარებსა და ჩექმებზე ორთქლი სდიოდათ.

მეც ცეცხლის პირას წამოვწევი, ცეცხლს მკერდი მივაშვირე და ამხანაგის მუხლზე თავი მივდევი. სველი საცვლები ტანზე ცივ ტილოსავით მეკვროდა. უფრო ახლოს მივუჩოდი კოცონს, დალილსა და დაქანტულ ამხანაგებს. — ჭაბუკ სტუდენტებს და მოწაფეებს თვალი მოვაფიქრე.

საცოდავად მიკუთვლი, ფუფუნებაში გაზრდილი ჯვებე მიქეცადე ბატარეის მამაც ფეიერვერკერს სანდრო ხოტივარს ჩაჰხუტებია. სანდროს კი მიტო ჩიკვაიძის განიერ მკერდზე მიუღვეს თავი. იქვე გიორგი ნახუცრიშვილი იწვა გულალმა, ყანაში დაღლილ გლეხივით. შრომით დაკოჭრებული და ტალახში ამოსერილი ვეება ხელები მკერდზე დაეწყო. აგერ, ბატარეის ჯარისკაცთა სულისჩამდგმელი ნიკო ცხომელიძე შავგვრემანი ჯავახელი ვაჟაკის, გიორგი ველჯანიშვილის გვერდით არხენინად წაგორებულა.

ბრძოლა-გადანდილი ჯარისკაცები რატომღაც უფრო საყვარელ და ანლობელ მეგობრებად მეჩვენენ. ბავშვურის სიმშვიდით და უდარდელობით ეძინათ მათ კარჩხალის მთის მაღალ ტაფობზე, კაპიტანი სანდრო ალექსიძე კი ფხიზლობდა. ბატარეისათვის ზრუნვას, მეთვალყურეობას, განკარგულებათა გაცემას, გარჯასა და ჯაფას დაელანა. მაზარის დილები გაეხსნა და საყუმბარე ცარიელ ყუთზე ასე დამჯდარიყო. ხელის გულები ცეცხლზე მიეფიცხნა და უძილო თვალებით სინჯავდა ჯარისკაცებს.

კაპიტანს შეეცოდა თავისი ჯარისკაცები.

— როგორ დახოცილივით სძინავთ საცოდავებს! — უთხრა კაპიტანმა თავის თანამემწყეს, ბერეჟიანს.

— ამაში ომი, მართლაც საცოდაობაა! — უპასუხა ბერეჟიანმა და ცისფერი თვალები ეშმაკურად აუციმციმდნენ.

— განა ესენი ცუდი მეომრები იქნებოდნენ, საჭირო წრთენა რომ გავართათ? აი, დედასა გორისასა, — დაიკვეხნა იმპერიალისტურ ომში ნამყოფმა მამაცმა კაპიტანმა.

— ერთხელ... — დაიწყო მან მშვიდად ომში მომხდარი ეპიზოდის მესაუჯერ მოყოლა.

მე ყურს ვუვადებდი. მერმე კაპიტანი დადუმდა. ტყავის ჩანთიდან წერილი ამოიღო და კითხვა დაიწყო. ერთ ადგილას გაელიმა. დავაკვირდი: იგი მწირთური, ბრგე ვაჟაკი იყო. წვერი გაუპარსავი ჰქონდა და თმას სახეზე ჯაგარვიით ამოეწვერნა. ქარმა დაუბერა, მაზარა გადაუწია და ფრენჩის მკერდზე წმინდა გიორგის ორდენი გამოუჩინა. „საოცარი ხალხია ეს მხედრები, — გავიფიქრე მე, — წილობით სწავლობენ შეიარაღებულ ადამიანთა ხელმძღვანელობას, ადამიანათა ათასობით ხოცვასა და ომს. წილობით ემზადებიან იმისათვის, რომ ერთ მშვენიერ დღეს, ცხარე ბრძოლაში, იერიშის დროს გაიმარჯვონ, სასიკვდილოდ დაიჭრან ან განიგმირონ კიდევ.“ — ვფიქრობდი მე და ისევ ვაკვირდებოდი კაპიტანის მშვიდსა და წყნარ სახეს. „ისე არხენინად ზის კაპიტანი ცეცხლის პირას, ისე დამშვიდებულად კითხულობს წერილს და იღიმება, თითქო ხვალ, ან ამ

რამდენიმე საათის შემდეგ სრულიადაც არ ელოდეს არავითარი ხიფათი.“ — ვსაქვი მე ჩემს გულში და მერმე თვლეთა მომეკიდა.

ამ დროს კაპიტანთან ზემდეგი მივიდა, გლეხები მიუყვანა და შეატყობინა:

— ექვსი ურემი ბატარეას ჩამორჩენია და ლაფსა და ორმოდან ველარ ამოჰყავთ.

კაპიტანმა მძინარე ჯარისკაცებს თვალი მოაფლო. მე ისევ ძილი მეკიდებოდა და უმწეოდ ვლულავდი თვალებს, ხოლო სავალალო ამბავი რომ გავიგე, მაშინ სრულიად დავხუჭე თვალები, რადგან მეშინოდა: კაპიტანმა იმ ურემების ხევიდან ამოთრევა მე არ დამავალოს მეთქი როცა ცოტა ხნის შემდეგ თვალები გაავახილე, კაპიტანმა თვალი გამისწორა და დამიძახა; რალა ჯანი იყო, წელმოწყვეტილი წამოვდექი და უფროსის წინაშე განწირულივით ვავჩერდი. კაპიტანმა დაზარება შემატყო და მითხრა:

— ცოდვა ხარ, ბიჭო, მაგრამ რა გაეწყობა: შენ ამათზე უფრო ყოჩალი ჯარისკაცი ხარ. წაიყვანე ეს გლეხები, ხარები გაარეკინე და ლაფში ჩაფლული ურემები საჩქაროდ აქ ამოაყვანინე. ხომ იცი, იმ ურემებზე ყუმბარები აწყვიცა, ხოლო ჩვენ ესლა ყოველი ყუმბარა მილიონად გვიღირს. ვასწი, თორემ ცოტა ხნის შემდეგ ჩვენ ახალ პოზიციაზე ვავალთ და შენ იქ საჭირო იქნები.

— მესმის! — ვუპასუხე მე. ცხენი შევეკაზმე. ხუთი გლეხი შევარჩიე, ხარები ხევისაკენ გავარეკინე და მოცემულ ამოცანის შესასრულებლად მეც დაღმართისაკენ გავსწიე ფულმოკლული და ამრეხილი.

ისევ ხევისაკენ მიმავალ, ვაივავალაზით ამოვლილ უხეირო გზას დავადექით. უკან მივიხედე: სოფელი, ბატარეა და კოცონები ნისლში იყო გახვეული და არაფერი არ სჩანდა.

ესლა ცეცხლის პირას არხენად წამოწოლილ მეგობართა მიმართ შური დამებადა. „რათა შევილოსან, რატომ მაინცა და მაინც მე ამომილო ნიშანში კაპიტანმა, ვანა სხვას ვერ დაავალებდა!?“ გლეხებს დამუწეგბული მივყვებოდი და თანაც ვფიქრობდი: „ვაი თუ ოსმალნი თავს დავგვესხნენ. ორი ამ გლეხთაგანი თათარია, ორიც საეჭვო ტომისა. ქართულს ძლივს ამტვრევენ და, ვინ იცის, ამ უკაცურ ტყეში ხიფათი რამ წამკიდონ“.

ხევიდან უჩუმრად მოდიოდა ნისლი და გზას ეფინებოდა. მეგზურებად ადგილობრივი სოფლის ორი გლეხი გავუშვი. თათრები კი ჩემთან დავტოვე. ბოლოს ძახილი შემოგვესმა. ტალახში მუხლამდე ჩამდგარი მეურმეები ამაოდ ცდილობდნენ ლაფში ჩაფლულ ურემების ამოყვანას. ხარები დიდს ჭაბან-წყვეტაში იყვნენ, მაგრამ ურემებს ადგილიდან ვერ სძრავდნენ, გამწარებული და იმედგადაწყვეტილი მეურმეები გამეტებით სცემდნენ სახეში სახარეს. აქელეზული პირუტყვები უღელს აწევებოდნენ, თავს არ იზოგავდნენ, მაგრამ ვერას აწყობდნენ და დამნაშავესავით აძრიალებდნენ მეურმეებისაკენ შეშინებულსა და ცრემლიან თვალებს. მეურმეებს მაშინვე ავუკრძალე პირუტყვთა კემა. შოდენოლი, უღლიანი ხარები ყუმბარებით დატვირთულ ურემებს ჯაჭვითა და თოკებით შევუბით და ორმოდან ასე ამოვათრიეთ. ესლა ყუმბარებით დატვირთული ექვსივე ურემი აღმართზე მძიმედ მიჭრიალებდა.

მზის სხივებმა ნისლი აჰყარეს მთის მწვერვალებს. ნისლი მთის ფერდობებიდან დაბლა მისცურავდა და ხვევებში მიიპარებოდა. როცა აღმართი ავიარეთ, მაღალი მთის სახედიდან დაბლა ველი გამოჩნდა. ნისლი ველზეც აყრილიყო.

მოულოდნელად ხევიდან შაშხანამ დაიჭექა და ტყვიამ ყურთან ზუზუნით ვამიარა. ცხენიდან ჩამოვხტი და სადავე გლეხს მივუღდე.

უცხად ურემში შემხული ხარი შეტოკდა. უღონოდ დაუცურდა სველსა და შიფერის დაფასავით მოშავო სიპზე ორად გაყოფილი, ნალიანი ქაჩაჩი და განათხაჭი სიპზე ცარციტ ვავლებულ ხაზივით დარჩა. ხარი მუხლებზე დავარდა. ყბა ლოდს დააჯახა, ქშენა აუფარდა და გასისხლიანებული ენა გადმოაგდო. მერმე თავი ცისაკენ ალაპყრო. ნაღვლიანი თვალებით აჰხედა წინ აღმართულ, მოშიშვლებულ მთას — საზათხულო საძოვრებს და უმწეოდ დაიბლავლა, თითქო ამ ალიონზე მზის ამოსვლას შეევედრაო. მაგრამ მალე მთელის ტანით აკანკალდა, მუცელი რუმბივით გაებერა და დედამიწაზე წაიქცა.

ტყვიამ ისევ ახლოს გაიზუზუნა. ერთი ურმის ბორბალს მიერჭო. შეშინებულიმა გლეხებმა ურმები და პირუტყვები მიატოვეს და გაიქცნენ. ერთიც ჩემს ცხენზე აპირებდა შეგდომას, მაგრამ ლურჯა არ დაჰნებდა. მე დავსჭყვივლე, შაშხანით დავემუქე და ყველანი უკანვე გამოვაბრუნე. მკვდარი ხარი მეურმეებს უღლიდან გამოვასწავინე. გზის პირად დავაგდეო და უღელში მარჯავად მყოლი მეორე ხარი შევებით. შაშხანით შეიარაღებულ ერთ ქართველ მეურმეს სოფლისაკენ აჩქარებით სვლა, მომხდარი შემთხვევის კაპიტანისათვის შეტყობინება ვუბრძანე.

ქარავანი აღმართს შეუდგა. უკანასკნელი ურემი მოსახვევს რომ მიუახლოვდა, აყლაყულა შავწვერა გლეხმა ბრიალა თვალებით შემომხედა. შიშისაგან გამოლენჩებულ სახზე მიწისფერი დასდებოდა. ჩემი შაშხანა ზიზლით შეათვალა. ამ დროს ისევ სროლა შემოესმა. ოთხად მოიკეცა. მერმე აღმართზე მიმავალს, წელში განწყვეტილ ხარს უბღბზე გამეტებით გადაუჭირა სახრე და რქაზე გადაუტყდა.

„მხდალო, ჯაბანო“. — მივძახე მე და ის მეურმე რატომღაც შემზარდა.

ამ გარემოებამ ბრძოლისათვის კიდევ უფრო წამაქეზა და, როცა ქარავანი მოსახვევს მოეფარა, ჩემი ცხენი ხეზე მოვაბი: მე კი გზის პირას, ერთ დიდ მუხის ქვეშ შაშხანით ჩავესაფრე.

ხევისაკენ ცქერა დავიწყე. ხევში პატარა მდინარე მიდიოდა. ნაპირების გასწვრივ ტირიფები ჩარახმულიყვნენ. მალე ტირიფებში უცხო ჯარისკაცები შეენიშნე: ასკერებად შევიცანი ათამდე იქნებოდნენ. ხიდან ხისაკენ გადარბოდნენ. გულისძგერა ამივარდა. შაშხანას მოჭედლილი ჩემი ხელი რომ დავინახე, გამიკვირდა: ხელი საშინლად მიკანკალებდა და ზედ მკვდრის ფერი დამდებოდა. ისე გაიქცნენ ასკერები ტყისაკენ, რომ ვერც ერთი მათგანის აღება ვერ მოვასწარი მიზანზე. „ვაი, შენ ჩემო თავო. ეს რა დამემართა“. — გავიფიქრე და მაშინვე მდინარიდან ნაპირზე ასკერი ამოვიდა. ჯერ ბეკზე შაშხანა შემოსდო, მერმე ზედ ხელებით დაებჯინა და ასე ამოცოცდა. ტირიფების ხეივანი ფრთხილად გაიარა. შაშხანა ბრძოლისათვის მოიმარჯვა და ვერხვთან შეჩერდა. მალალი და ახოვანი ვაჟაკი იყო. ვერხვის ტანს მიეყრდნო და შაშხანა მთისაკენ გამართა. აღმართზე მიმავალ ჩვენ ქარავანს თუ მოჰკრა თვალი! იგი უთუოდ მოუსახრებლად მოიქცა: ვერხვის თეთრ ტანზე მისი თავი დახატულივით ჩანდა და ნიშანში ამოღება ადვილი იყო. ასკერის თავი შაშხანის ნიშანზე სწორად დავსვი, მაგრამ მტერმა მომასწრო ურმებისაკენ გასროლა და შეირბა. თავი ნიშანს ასცდა. ასკერმა ცარიელი ვაზნა შაშხანიდან ამოაგდო, ახალი მისცა ლულაში და შაშხანა ისევ გამართა. მეორედ ამოვიღე ნიშანში მისი თავი. „თავ-

ში ვესროლო, თუ ტანში“ — შევკოჭმანდი. მერმე. „ვაი, თუ ისევ მომასწროს გასროლა?!“ — ვთქვი ჩემს გულში და, რა წამს ეს ქავიფიქრე, ხელმეორედ დამავიანდა. ბრაზისაგან ვავიგულდი. ასკერმა შაშხანა ხელში აიღო, კონდახით მიწაზე დაუშვა, მეორე ხელი ვერხვის ტანს მოხვია, თითქო მისი თეთრი ტანი მოეწონა და ეალერსებაო. მერმე თავი წაიგრძელა, გაირინდა და უცხო მიდამოს თვალი მოავლო. ასკერის თავი ვერხვის თეთრ ტანზე ისევ დასატულივით ჩანდა და მე ისევ მისი თავი ამოვიღე ნიშანში: უეჭველზე მივდიოდი და ასკერის თავს იმიტომ ჩავაცივდი: გულდაგულ დაუმიზნე, ესლა იმრიგად აღარ ვლელავდი და ასკერის თავიც ისევ სწორად დავსვი შაშხანის ნიშანზე. მისი ბრალი იყო: რად ამოიჩემა მზიანი დღის სინათლეზე ეს თეთრტანიანი ვერხვი? ნელა და თანაბარის დაწოლით დავუშვი ჩახმახი. რა მოხდა? თიფქო მიწა იძრაო წამიერ და ასკერს გაქცეული ვერხვი ხელიდან გაუსხლტა. არა მარტო ვერხვი: ტყე და მდინარე, მთა და ველი, მთელი დედამიწა, ყველაფერი თითქო გაექცა ასკერსო, ციბრუტივით დაუტრიალდა ფეხქვეშ; ცას ხანძარი წაეკიდა და თითქო ცა და მიწაც აუფეთქდაო, რადგან გადასახტომად მომზადებულნი, ფეხის წვერებზე შემდგარი ჯარისკაცის ტანი საშინლად შეტოკდა, ზვიადად შეტორტმანდა, ჰაერში აიღეწა, დატრიალდა და მერმე მოცელილივით მოსწყდა და დედამიწას პირქვე დაეშო.

„საკვირველება მჭირს: რაგინდ სიფაფში არ უნდა ვიყო, თუნდაც სიკვდილის პირად მისული, ჩემი გონება მაინც ყველაფერს ამჩნევს, სინჯავს, სწონის და ვერას გზით ვერ მოვახერხებ მისი ჩაქრობა. ჩემი ჯერიც მოაღწევს და მაშინ ყველაფერი გათავდება და გონებაც იმ ასკერსავით სამუდამოდ დამიდუმდება“. — ვფიქრობდი მე ესლა და მომაგონდა, რომ იმ საშინელ წუთს, როდესაც ასკერი ფეხის წვერებზე შესდგა, თავმოკვეთილივით დაბარბაცდა, ხელები უცნაურად გაშალა და აასავსავა, მე გამეღიმა. რა იყო ეს? განა იმ წუთას გალიმება შეიძლებოდა? იქნებ მტრის მოკვლამ გამახარა, ან იქნებ იმ ასკერის უცნაურმა მოძრაობამ და ტანის როკვამ გამოიწვია ჩემი ღიმილი, არ ვიცი!

ამ ფიქრის შემდეგ პირველად შევნიშნე, რომ ჩემს ირგვლივ საოცარი სიჩუმე დამკვიდრებულა და მან დამაფრთხო. ქურდივით ვიცქირებოდი. ჩემს საფარიდან. სიჩუმეს დაბლა ხევში მიმავალი მდინარის ხმაური არღვევდა მხოლოდ. ეს ხმაური რაღაც საიდუმლოებით მოსავდა მის ნაპირად ჩარახმულსა და ტოტებ-დაშვებულ ტირიფებს, თეთრ ტანიან მაღალ ვერხვსა და მის ქვეშ მინდორზე დაგდებულ ასკერის უძრავ გვამს. მინდორის კიდევანზე ჩემსკენ მომავალი, ტყით დაფენილი ფერდობი იწყებოდა. ცასა და მიწაზე და იმ ფერდობზე დაფენილ ტყეშიც ისეთი ყუფი სიჩუმე, სიმშვიდე და მყუდროება იყო მოფენილი, როგორც წვიმა-ავდრისა და ქუხილის წინ დამკვიდრდება ხოლმე.

შიშმა ამიტანა. კანკალი დამაწყებინა და მუხის ძირას გარინდულს ასეთი ფიქრი მეწვია: „ვინ იცის, იქნებ მოკლული ასკერის ცხრა ამხანაგი ტყიდან ხელდავდნენ ყველაფერს, ამ მუხიდან გასროლა გაიგონეს და ესლა ფერდობზე ტყე-ტყე მოდიან, რომ მოკლული ამხანაგის სისხლი აიღონ! აქ დავრჩე და ერთი ათს შევებრალო, რა ანგარიშია? ჩვენი ბატარეა აღბად ახალ პოზიციაზე გავიდა, მე მეორე ქვემების მემიზნე ვარ და ამიტომ იქ უნდა ვიყო.“ — მიზეზს ვეძებდი აქედან გაქცევის გასამართლებლად. რა წამს ეს ვავიფიქრე, ჩემი ცხენი მომაგონდა. თოფნაკრავივით წამოვიჭერი, ლურჯას მოვახტი და კარჩხალისა-

კენ ვაფურცხლე. თანაც ზარდაცემულ უკან ვიხედებოდი: მღევრებისა მეშინოდა.

გზაზე ჩვენი ჯარისკაცები გადარბოდნენ და ფურდობზე დაფენილ ტყეში ესაფურებოდნენ. მოსახვევებში ასკერებმა ალბად დამინახეს და ტყვიები დამაყარეს. თითქოს ეს იყო ნიშანი, მთის ფერდობზე და ხევში, მთელი ფრონტის ვასწვრივ თოფის სროლა ატყდა: ცოტა ხნის შემდეგ მთაში ტყვიაფრქვევიც აჭახჭახდა ჯოჯოხეთის საზარელ და უცხო ფრინველივით. ომი დაიწყო.

მე მთის ტაფობზე ავედი, სწორედ იქ, სადაც ამ დღით ჩვენი ბატარეა დაბანაკდა, მაგრამ ტაფობზე არავინ არ დამიხვდა, უზანგებზე შევიმართე და მთიან არემარეს თვალი მოვაგლე. „სად წავიდა ბატარეა; სითქვენ ავიღო გეზი“? — გაფიქრე და მყისვე ხევის პირად, მახლობელ სერზე ჩვენმა ქვემეხებმა დაიჭექეს. ტანთ გამაყრუოლა, ლურჯა შევატრიალე და იქითკენ მიუშვი.

ნამუადღევის ოთხ საათზე ომი დასრულდა. ოსმალნი უკუიქცნენ და ჩვენმა ჯარებმა მისდიეს. ბატარეამაც წინ წაიწია. სწორედ იმ მდინარისა, ტირიფებსა და ვერხვის ახლოს დაბანაკდა, რომლის ქვეშაც მე ასკერი პრეკალი.

როცა მზე მთის იქით ჩავიდა, ამხნაგები, ნიკო-ცხომელიძე, სანდრო ხოტივარი, და გიორგი ნახუცრიშვილი მოკლული ასკერის სანახავად წავიყვანე.

მდინარის ტირიფებიან ნაპირს დავყევით და ტყის ახლოს, მოწიშვლებულ მინდორზე განმარტოებით მდგარ ვერხვისაკენ ვავსწიეთ. სიბიანი კალაპოტი შევეყვარა და ჩქერებმა კინადამ არ წავგიღეს. ნიკო და გიორგი სიცილ-ხარხარით გავიდნენ ნაპირზე. ვერხვს რომ მივუახლოვდით, გულისძგერა ამივარდა. ვღელავდი.

ვერხვის ქვეშ, მინდორზე პირქვე ჩამხობილი ასკერის გვამი ეგდო. ცალოფები მოჰკეცოდა, ხელები გაეშალა და მოკრუნჩხული თითებით ბალახი ისე ჩაებლუჯა, თითქო დედამიწას ჩაჰკერიოაო. სანდრო ხოტივარმა ოსმალური კარაბინი აიღო და გასინჯა:

— მშვენივრად მოვლილი კარაბინია. — სთქვა მან. მე მუხლებზე დავეშვი და ასკერის შესიენებული თავი დავათვალიერე. ყურის ძირში ნატყვიარი ნატყლობივით აჩნდა. ზედ სისხლი შეჰხმობოდა. იქითა მხარეც არ გაუგლეჯია ტყვიას და ისე გასულა.

— Чисто сработано! (სუფთად გიმუშავნია), — შემიქო გასროლა სანდრომ.

ნიკომ ასკერის გვამი ვადმოაბრუნა. ახოვანი ვაჟკაცი იყო. წვივებზე გერმანული ჰამაშები ეცვა და ტანზე გერმანულივე ქურთუკი ემოსა, საკისფერი და გასისხლიანებული. ზურგზე ტყავის ჩანთა ეკიდა და ამიტომ ზედ გულაღმა დაწოლილს მაღალი მკერდი ამობოროცვოდა. მხოლოდ თავი დედამიწისაკენ გადავარდნოდა. უწვერულ უღვაშების ღინღლზე ეტყობოდა, რომ ჰაბუკი იყო. მისი ქუდი იქვე ბალახებში ეგდო. დახუჭუჭებულსა და გიშერივით შავ თმას ქარი უნიავებდა. მაღალი შუბლი ჰქონდა, არაბივით შავი, მზეზე გატრუსული და ლამაზი სახე. მწერებმისეული სქელი ბაგეები გახსნოდა და იქიდან თოვლივით თეთრი კბილები გამოკრთოდნენ. ოდნავ გაღებული, უსიცოცხლო და სიკვდილის სუნთქვით დაორთქლილი გუგების ზოლი უჩანდა, იქედნურად შაცქერალი და ტანჯვით სავსე. ხშირი წარბები ტალახში ამოსვროდა.

გალაპოლიის მსროლელი ლეგიონის ჯარის-კაცია! — დაიძახა ომში ნათრევმა სანდრომ.

„საიდან სად მოსულა!“ — გავიფიქრე მე.

ძლიერ შემეცოდა მოკლეული ჯარისკაცი და რატომღაც მხატვარის ალმა თაღმას სურათი მომაგონა: „უკანასკნელი ეგვიპტური დასჯა“, რომელშიაც ფარაონის პირმშოს დაღუპვაა გამოხატული. დედას მკვდარი შვილი კალთაში ჩაუსვენებია. ჭაბუკის გადაგდებული თავი იქვე ჩამჯდარი ქალს მუხლებზე უძევს. ფარაონის სიყრმის შვილის ღიათ დარჩენილი თვალების გუგა, გაპობილი სქელი ბაგები, თეთრი კბილების კროთმა და შავგვრემან ლამაზ სახეზე აღბეჭდილი ტანჯვა, — ყოველივე ეს მაშინვე მომაგონა ასკერის სახემ. ხოლო აქ არსად სჩანდა სფინქსივით დაღუმებული დედის მგლოვიარე, სახე, ცრემლიანი მის თვალთა მისტიური ჭვრეტა და არ ისმოდა ეგვიპტურ საკრავთა უცნაური და კაენით სავესე ჰანგები.

— კორნელი, შენ უკვე აიღე გრიგოლ მეგრელიშვილის სისხლი! — ჩამჩურჩულა გაფითრებულმა ნიკომ. შევეკრთი. სულ არ მოველოდი მაშინ ამ სიტყვებს.

— ერთი როდი კმარა. — უპასუხა ჩემს მაგიერ სანდრომ.

— იქნებ ესეც სტუდენტი იყო, ვინ იცის! — მიფუგე მე. ჭაბუკ ასკერს თვლი ავარიდღე და მდინარისაკენ გავიხედე.

მზე ჩადიოდა მთის იქით. მთის თავზე ქოჩორივით დამდგარ კენწეროების ნაჩრდილეში ალისფერი ცის დასავალი ილანდებოდა. ხევში მდინარე ხმაურობდა. მთიანსა და ტყით დაფენილ არემარეს აღვიძებდა. მდინარის ნაპირთან თმაგაშლილი, მოტირალი ქალებივით ჩარახმული ტირიფების ტოტებო ზანტად ირხეოდნენ, ხოლო კენწეროზე შემომჯდარი ჩიტი გულდაგულ უსტვენდა მხიარულსა და უცნაურ ჰანგზე. მასთან მეორე ჩიტი მიფრინდა. ყივილით მიეგებნენ ერთმანეთს. ბატარები და ჩია ტანის ჩიტები იყენენ — იქნებ ცოლქმარნი — მესკია, სკვინჩის ოდენები, მაგრამ სულ სხვაგვარი, უცხო და ფერადფერადი ჯუბა ემოსათ და შემეცოდა მშვენიერ და გულგრილ ბუნების წინაშე მკვდარი ჭაბუკი.

სანდრომ ასკერის შაშხანა გადმომცა.

— წაიღე, კორნელი, შენი ნაალაფევი! — წამოსვლის წინ ისევ დავხედე ამ ალიონზე ჩემს მიერ მოკლულ ჭაბუკს: უძრავად იწვა, თითქო მშვიდად სძინავსო.

„ალბათ გრიგოლ მეგრელიშვილიც ასე იწვა მდინარე ფოცხოვის პირად. თავის ტყვიამტრქევეთან, თურქების მიერ განგმირული“ — გავიფიქრე მე და მაშინვე მრისხანედ დავიძახე:

— გრიგოლის სანაცვლო იყოს, ბიჭებო!

— ამინ! — დამიდასტურეს ერთხმად მეგობრებმა, შაშხანები გადაიკიდეს. და ბატარეისაკენ გავსწიეთ.

მდინარეს რომ მივალწიეთ, უკან მოვიხედეთ: ღრუბლიან დასავლეთიდან გამოსროლილი, ძალგამოლუფული მზის სხივები ვერხვის კენწეროს და ტყეს, მკრთალად და რალაც უცნაურად აშუქებდნენ, თითქო მზე კი არა, მთვარე აშუქებსო.

„მკვდრის მზე“! — დავიძახე მე.

ნიკო და სანდრო ვერხვის კენწეროს განცვიფრებული მიშტერებოდნენ.

## უსახელო ყვავილი

ლეილას.

დაილოცა საქართველო  
ზღვიდან სერით სერამდი...  
ყვავილები, ყვავილები,  
თეთრი, ათასფერადი.  
ვკრიფე, მაგრამ  
რა დაპკრეფავს,  
რა თითები ეყოფა !?...  
ჰყოფილიყავ, წყება-წყება  
გულზე დაგეყრებოდა.  
კეკლუცებმა თითქმის მთელი  
ველი შემომატარეს.  
ვკრიფე, ბევრი შენს ბაგეებს,  
შენს თვალებსაც ვადარე.  
მხოლოდ ერთი პაწაწინა  
ოქროსფერი ყვავილი,  
ვით ჩუქურთმა ოპიზარის  
ხელით გამოყვანილი,  
სულ შენ გგავდა, ნაირფერად  
ველად ჰფენდა სინათლეს,  
მოვინდომე მისი ცნობა  
და სახელიც ვინატრე.  
ვინ მეტყოდა?.. საბაც ვსინჯე  
ქართულ სიტყვის თილისმა,  
ვერც მან მითხრა, ვერც ყვავილმა,  
ვერც ნიაგმა დილისმა.  
ვდუმდი. ჩემს წინ გაზაფხულის  
შუქათ ამოყვანილი,  
ირხეოდა, ციმციმებდა  
უსახელო ყვავილი.  
... ბოლოს ასე პაწაწინას,  
ბოლოს ასე უცოდველს,  
დავაკონე ბაგე ფრთხილად  
და ლეილა ვუწოდე.

შალვა გოჯალიაშვილი

## ვაჟა-ფშაველას — „სად არის პოეზია“ და „რამე-რამე“

ქართული პოეზიის სიამაყეს, დიდ მგოსანს ვაჟა-ფშაველას ბელეტრისტულ თხზულებათა გარდა აქვს პუბლიცისტური ხასიათის მრავალი წერილები, რომლებსაც თავის დროზე აქვეყნებდა პერიოდულ პრესაში.

ვაჟა-ფშაველა ამ წერილებში ეხებოდა საზოგადოებრივ, პოლიტიკურ და ისტორიულ-ლიტერატურულ საკითხებს. საგულისხმოა, რომ ასეთი ხასიათის წერილებში ყველა არ ყოფილა დაბეჭდილი და გამოქვეყნებული თავის დროზე. მათ გარკვეული მნიშვნელობა აქვთ ვაჟა-ფშაველას შეხედულების გამოსარკვევად, საერთოდ, პოეტის მთლიანი სოფლმხედველობის ყოველმხრივ გაშუქებისათვის.

ქვემოთ დაბეჭდილი წერილები ვაჟა-ფშაველას გამოუქვეყნებელ ნაწერებს ეკუთვნის. პირველ წერილში — „სად არის პოეზია“?, ის ეხება პოეზიის განსაზღვრას და მის დანიშნულებას: სად არის და ან რა არის პოეზია? ამ საკითხზე ვაჟა-ფშაველა იძლევა მისთვის ჩვეული მჭერმეტყველობით, თავის შეხედულებას პოეზიის დანიშნულების შესახებ.

აქ წარმოდგენილი წერილის — „სად არის პოეზია?“-ს ავტოგრაფი დაცულია საქართველოს სახელმწიფო მუზეუმის ხელნაწერთა განყოფილების ფონდში №5317-ით, იგი ნაწერია თაბახის 4 ფურცლის 7 გვერდზე (ზომით 35,3. 22,2). წერილი დაუმთავრებელია.

მეორე წერილის — „რამე-რამე“ ავტოგრაფიც დაცულია საქ. სახ. მუზეუმის ხელნაწერთა განყოფილების იმავე ფონდში №5317-ით. ავტოგრაფი თაბახის 2 ფურცლის 4 გვერდზეა ნაწერი (ზომა 35,3. 22). წერილი დაუმთავრებელია და ეხება მწერლობის მნიშვნელობას, დანიშნულებას და როლს საზოგადოებრივ ცხოვრებისათვის. ხელნაწერი დაზიანებულია.

### ვაჟა-ფშაველა

#### სად არის პოეზია?

აი საკითხავი, რომელზედაც მე ჩემს თავსვე უნდა მივცე პასუხი. თქვენ, მკითხველო, ნება გაქვთ თქვენებურად გესმოდესთ პოეზია. ჩოლო მე კი ნუ დამძრახავთ იმისათვის, რომ ჩემი აზრი თქვენის წინააღმდეგი გამოდგეს. რა უყოთ? ზოგს მღვდელი მოსწონს, ზოგს მღვდლის ცოლი. არ არის ადვილი



ამის გარჩევა, ამ საგნის ყოველმხრივ გამოკვლევა, მაგრამ ჩვენის შეძლების და გვარსდ მაინც უნდა შევიძლოთ. სირცხვილიც არის კაცი ხალხს ემსახურებოდეს და მისი ძალა და ვითარება კი არ იცოდეს, არ ესმოდეს: კაცი მგონობდეს და თავისი სამგონო საგანი, პოეზია არა ჰქონდეს შეგნებულნი... თუმც კი ხშირად ისეც ხდება, უფრო მდაბიო ქრში რომ მოლექსე, პოეტურს ლექსსა სთხზავდეს და პოეზიის სწავლა-მოდერებისა კი ინიცი არ იცის, იმას მხოლოდ სუნი, ალლო ამოქმედებს. მე მდაბიო კაცებზე არცა რას ვამბობ: იმას ეპატიება კიდევ, მაგრამ ინტელიგენტს მგოსანს არ უნდა ვაპატიოთ ეს უცოდრობა. ამ თავითვე მინდა გამოგიტყდეთ არც ერთი კრიტიკოსის თეორიით არ გახლავართ შებოჭილი, კიდევაც რომ ვიცოდეთ რამ ამ თეორიებისა, ამ ჟამად, ამ წერილის დროს ყველა ისანი თავიდან მოშორებული მაქვს. ეს იქნება თქვენც შეამჩნიოთ ამ ჩემს წერილს. მე მხოლოდ ჩემი საკუთარი დაკვირვება უნდა გავიზიაროთ. იქნება უხეირო უმარლო, უმადლოც გამოდგეს იგი; არ ავირდები და არ ვიტყვი, უსათუოდ ბაჯალო-ოჭრო იქნება მეთქი. ჩემი საკუთარი დაკვირვება ხომ მაინც იქნება, ამით მაინც დავაკმაყოფილებ ჩემს თავ-მოყვარეობას. როცა რომელსამე ლიტერატურულ ნაწარმოებს ვკითხულობთ რამდენიმე კაცი ერთად, ვთქვით ექვსი, ამათგანმა, შეიძლება ხუთმა დაიწუნოს და სთქვას: „სად არის იქ პოეზია?“ ხოლო ერთმა დაინიყოს „მშვენიერებაა“. წინააღმდეგიც შეიძლება მოხდეს: ერთის დაწუნებული ხუთმა მოიწონოს. ან ექვსი შუაზე გაიყოს. ერთი სიტყვით % გამოანგარიშება ძნელია. უნდა მხოლოდ ისა ვსთქვათ, რომ ყველა მათგანი, დამწუნებელი და მომწონებელიც, ვიდრე რაიმე საპოეზიო თეორიას მოიგონებდეს და მის თანახმად ასწონიდეს თხზულებას, საკუთარი გემოვნებით, სუნით, ალლოთი ხელმძღვანელობს. რუსეთის მგოსანს ნეკრასოვს დღესაც რამდენი ჰყავს თავიანთმცემელი, რამდენი საუკეთესო რუსეთის ყურნალები აქებ-ადიდებდნენ მას. და ამას წინად, ხომ მოგეხსენებათ დიდებულმა რუსმა მწერალმა, ფრანკ ტოლსტოიმ იგი „ყოველად უნიჭო პოეტის“ სახელით მოხატა; იგივე დღე დააწია ბოლონსკის, ფეტს „ოტჩესტვენი ზაპისკების“ საყვარელ მოლექსეს; ნადსონს. მაშასადამე აქ რაღაც საიდუმლოება იმალება, რომელიც უნდა გავქექოთ, გავარჩიოთ, გავცხრილოთ. გრად ტოლსტოი მართლა ტრეტიაკოვსკი ხომ არ არის, რომ მისი სიტყვა ერთს ყურში შეუშვათ და მეორეში გავიცილოთ: მისი სახელი უფრო დიდია, მის დიდებულ ნიჭს მტერ-მოყვარენიც კი ვერ უარყოფენ და მაშასადამე მის აზრს, შეხედულებას ამა თუ იმ მწერალზე უნდა დაუკვიროდეთ, უნდა გულში ჩაეჭიდოთ და ზემორე მოყვანილ მაგალითსაც ისე შევხედოთ... გულდასმით მოვეპყრათ. ეს თავისთავი იყოს, ჩვენში რამდენი განათლებული ვყავს იმ აზრის მქადაგებელი, პოეზიამ დღე მოჭამა, მას მომავალ კაცობრიობის ცხოვრებაში ადგილი აღარ ექნება, მის ადგილს მეცნიერება დაიჭერსო. ამ აბდა-უბდა გადასკუბდას, ნუ დაივიწყებთ, განათლებული კაცი ამბობს. სირვეგენ და სისულელე მეტი-და იქნება?! ამ მოძღვრების მიმდევარ კაცს, თქვენვე იფიქრეთ, რა დაფასება უნდა შეეძლოს ლიტერატურული ნაწარმოებისა, სით რას გაიგებს პოეზიის თავსა და ბოლოს, როდესაც არ იცის მის საფუძველი, მისი ვინაობა მისი სასხლი და ხორცი, მისი დამოკიდებულება ადამიანის ბუნებასთან.

ჰკითხეთ რა საფუძველი აქვს ამისთანა მსჯელობისა? ჰკითხეთ კი არა, უნდა დაჰნაძღვედეთ და როგორ, ჯერ უნდა ჰკითხოთ, მდაბიოდ რაში გამოიხატება ყოველივე ადამიანის პოეტური მხარე? ისე რევეგენი როგორ უნდა

იყვეს არ გიპასუხოსთ, რომ ყოველივე მოძრაობა ადამიანის სულისა—სიმხია—რულე თუ მწუხარება გამომხატველია ადამიანის სულის პოეტური თვისებისა. თუ ამაში დაითანხმეთ, მოგებული ხართ, თუ არა სულ ხელი აიღეთ და მოშორდით ისე, როგორც მე ვარ მოშორებული და დაშორებული იმათზე და არცა მაქვს აზრად ამ ჩემის წერილით ამისთანა მეცნიერების უმეცრებას რაიმე წამალი დავდო. განა ეწამლება-ლა ამისთანა ადამიანს, რომელიც მომავალს კაცობრიობას დღესვე სამარეს უთხრის, უმზადებს? მთელი კაცობრიობა უსულსა დაგნად, ხე და ქვედ უნდა გარდაქმნას, არც სიმწარე აგრძნობინოს სიცოცხლისა და არც სიტკბო? მართლაც რა საბრალო იქნებოდა კაცობრიობა და მისი ცხოვრება ამ დედა-მიწის ზურგზე, რომ გამოთაყვანებული თეორიების მთხვევლების გეგმაზე მიმდინარეობდეს?!

მაგრამ არა. ბუნებას და ცხოვრებას თავისი საკუთარი წესი და რიგი აქვს და ჩვენი თეორიები მას ვერ შეუშლიან არჩეულ გზაზე სვლას. განა მთელს კაცობრიობას კი ძალ-უძის, ერთს და ოცს ადამიანს არ ვიტყვი, თუნდ ზაფხულო ზამთრად გარდაქმნან — ან ზამთარი ზაფხულად? მზისა და მთვარის ჩასვლა-ამოსვლის ვადა შესცვალოს თავის სურვილისამებრ?! იქნება ეს კი შეიძლოს ოდესმე კაცობრიობამ, მაგრამ თავის ცოცხალის თავით ყოველად შეუძლებელია მან გრძნობა დაკარგოს სიყვარულისა და სიძულვილისა. ჰყოს უარი სიცოცხლე, ცხოვრება. თავი და ბოლო პოეზიისაც სწორედ აქ არის.

შეიძლება განა ცოცხალმა ადამიანმა არ იტიროს, არ იცინოს, ან არ იმღეროს. მდაბიოდ რომ ვსთქვათ, პოეზიაც აქ არის, ვინაიდან ყოველივე ეს სულიერი მოძრაობა, თუ შეიძლება ასე ითქვას, გრძნობაზეა დამოკიდებული. ცოცხალი ადამიანი და უგრძნობელი არ ვიცი რა უნდა იყოს?! უსულო საგანი თუ იქნება გაქვავებული, გახეცებული ან როგორ იმოძრაოს ადამიანმა უგრძნობელად? — მე ველარაფერს ვიტყვი. თქვენ თითონ განსაჯეთ. ასეა, რას იზამს კაცი, როცა ჩიტი-ჩვეკია მეცნიერებთანა აქვთ საქმე. დიად, სწორედ ჩიტირეკებთან და მასთან ჯიუტებთან, რომელნიც ორჯელ-ორზედაც თავის თავის დასამძიმებლად და თავიანთ, ვითომდა მეტის-მეტ მეცნიერების დასამკვიდრებლად უბირის ხალხის შორის აიხირებენ, აიხირებენ ექვსია და არა ოთხიო. იმის მეტს, რომ ყური არ უგდოს იმათ...

ბოდიშს ვითხოვ მკითხველთან, რომ უცოდინარი მეცნიერებზე საუბრით გავაბანდე მისი ყურადღება და არჩეულ საგანზე გვიან ვიწყებ საუბარს.

## 2.

სად არის, ან რა არის პოეზია? აი ჩვენი მსჯელობის საგანი... არის უცვალებელი კანონი ბუნებისა, არის მასში თავისებური ჰარმონია. ბუნებას თავისივე კანონი აქვს კაცთა ცხოვრებისათვის დამყარებული, რომელიც არის დამოკიდებული სხვადასხვა პირობაზე, მიზეზზე, იგი ბუნებამ შექმნა. სხვადასხვა ჯიშისა და გვარის არა მარტო ცხოველნი და მცენარენი, არამედ თვით ერთსა და იმავე ჯიშისა და მოდგმის ცხოველნი განსხვავდებიან ერთი მეორისაგან. მთელი კაცობრიობა, ჩვენი პლანეტის მცხოვრებნი, რამდენიმე მოდგმად განიყოფებიან და ბოლო მოდგმანი — ეჩებად. ყოველივე ერთი შესდგება ადამი-

ანებისაგან, რომელნიც განიჩევიან ისევე ერთი-ერთმანეთისაგან სახიერებით, გონებრივი და სულიერი თვისებით. . საერთო თვისებაც სუფევს მათ შორის და არა მარტო ერთი ერის ინდივიდებში, არამედ მთელს ხმელეთის მცხოვრებთაც შეგვიძლიან უპოვნოთ საერთო რამ, აი თუნდ, მაგალითად, სიყვარული სიკოცხლისა და მწუხარება სიკვდილისა გამო, გრძნობა სიყვარულისა და სიძულვილისა! ბუნება ყველა ადამიანს ერთნაირად არ გვიყვარს, ხოლო მისი მოძულე ძვირად მოიპოვება ადამიანთა წრეში. თვით ბუნებასთან მებრძოლი მიწის მუშა, ბევრნაირად მისგან შეშინებული და დაჩაგრული, დაქანცულ-დაღალული სიამოვნებით გადაავლებს თვალს ახლად ამოსულს იას, გაბზინებულს ტყეს — უხარიათ რომ ზაფხული მოდის. შვეების მომცემია ნივთიერად — გრძნობა ცხოველური, მაგრამ იდეალური მისწრაფებაც არის აქ დართული, უყვარს და მოსწონს საღდაც ეს ველური ნაზი ყვავილი, იგი არც საქმელია, არც სასმელი, თუნდ სასიამოვნო სუნი არა ჰქონდეს ჩვენ მაინც მოგვწონს იგი, თვალს უყვარს, გულს ესიამოვნება მისი ნახვა, ცქერა, ხოლო განვითარებულს აზრიან კაცს იგი სხვა ბევრს რასმე მოაგონებს იმის და მიხედვით, რამდენადაც იდეალისტია კაცი, რამდენად სულიერად მდიდარია იგი.

ნუთუ ია ბუჩქებით და ეკლებით დაჩრდილული არ მოგვაგონებს დაჩაგრულს სიძარბოებს? ეს მცენარე კაცთაგანს არავის დაურგავს, არც მოურწყავს და ისე არ მოუყვანია, მას ბუნება ზრდის, იგია, მხოლოდ მისი მშობელი დედა; — მზე ათბობს — ეს ლულაა, მაინც კი ლამაზია. ამ ბუნებრივობაშია დამალული მისი შევნიერება. სრულიად სხვაა მაღალი მთა თხემით ცად მიბჯენილი, ის ამაყია, დიდებული, შეუპოვარი, მიუკარებელი, უკადრისი არავის თავს არ დაუყადრებს, მსოფლიოს ავ-კარგს როგორც უშუალო რამ მსასრობას. ეს თითქოს მზემაც იცის, წინდაწინ თავის სხივებს იმას მიაფრქვევს.

უცხოს ქვეყანაში რომ მივიდეთ ჩვენ, კაცთაც ასე ვიცით, წინ და წინ იპის სანახავად წავალთ, ვინც ამ ქვეყანაში გვეგულება და გვიყვარს, მზეც ყოველისა უწინარეს მთას ესტუმრება სადარბაზოდ, რადგან მთა ყველაზე მაღალია, ყველაზე დიდებული, რასაც კი ლიბო უდგა დედამიწის ზურგზე.

მეწყერის დროს დიდი და პატარა მირბის აღჭაფებულის მდინარის სანახავად. ხოლო თუ გასვლა გვინდა ამისთანა მდინარეზე, მაშინ კი გვეწუნება, ვწყევლით მას, ვუჩივით.

გარეშე ბუნებისა და ადამიანთა ცხოვრებისა არ არის პოეზია: ვისაც კარგად ესმის ბუნება და ცხოვრება თუნდა ლექსებსა, ღრსმებს, რომანებს არ სწერდეს, მაინც პოეტია. არ შეიძლება კაცთა ცხოვრებაში ისეთი რამ მოვლენა დავასახელოთ, რომ მსგავსი თვით ბუნებაშიაც არ მოიპოვებოდეს. ბუნებაში ვხედავთ ძლიერების წარმომადგენელთ: ლომს, ეფეხს, არწივს. ჩვენს საზოგადოებაშიაც არიან ისინი, მხოლოდ აღმოჩენა უნდა. ლომის სურათი რომ გვიყვარს და არა ნაკლებ მასზე ლომ-კაცისა მოგვწონს... აგრეთვე არწივის და ეფეხის მსგავსი ადამიანი. მოგვწონს ესენი თუმც კეთილს ძალიან ცოტას წარმოადგენენ თავის ვინაობით და მხოლოდ იმით მოგვწონს, რომ გამოუმხატველნია პირადის ძლიერებისა, როგორც კაცთა საზოგადოება გვაძლევს მარტოოდენ მაგნებელს ადამიანს, --- წევრს, აგრეთვე ბუნება, სხვადასხვა გესლიან ქვე-წარმავალთ, რომელნიც ჩვენ გვეზიზღება.

„დედავ, დედავ“, ტიროს ბავშვი, დედის მადებარი და განა ყოველი ჩვილი სულდგმული ამასვე არ მოსთქვამს?! რაც უნდა განვითარების უმაღლეს მწვერვალს მიაღწიოს კაცობრიობის ცხოვრებამ, მაინც მასში უნდა სჩანდეს ისევე ბუნება საერთოდ... ჩვენ ბუნებაში ვართ — იგი ჩვენშია, საით, როგორ შეგვიძლიან იგი თავიდან ავიშოროთ, იმას გავეჭვით, დავემალნეთ?! ცოცხალნიც მისნი ვართ, მკვდარნიც.

კაცთა ცხოვრებას ჰყავს მუდამ თავისი მთვარე, თავისი შზე, გარდა იმათი, რომელნიც ციდან დავგეჭვებთ. თანამედროვე დიდებული კაცი მხოლოდ ვარსკვლავია, ხოლო მზენი და მთვარენი წარსულ დროთა და საუკუნეთა წყვილიდან გვინათებენ. ეს დიდებულნი გვამთა კრებულია. სიყვარული ხელად ჰქმნის ადამიანს, ამოქმედებს: ტარიელი დაედებს ნესტან-დარეჯანს, შეჯერებულია მძსგან ყოველი კუთხე ქვეყნისა, არაფერს ჰზოგავს იგი ამ მიზნისათვის, თავი აქვს გადადებულ, ათასნაირ საშიშროებაში ვარდება, თავისი თავი, თავისი სიცოცხლე მსხვერპლად შეუწირია საყვარელი საგნისათვის, მხოლოდ გარემოება უწყობს ხელს, რომ არა კვდება ტარიელი საგნის ძიების დროს.

ყველა დიდებული ტიპები, რაც კი შეუქმნიათ დიდებულ მგოსანთ, დიდებულ მწერალთ, ყველა იმათ საერთო ხასიათი-თავდადება, შეუღრეკელობა, სიმტკიცე იმაში, რა აზრითაც გამსჭვალულან, რა გრძნობასაც შეუპყრია იმათი არსება. ისინი ერთსა და იმავე დროს თვალ-ხილულნიც არიან და ბრმანიც. ამ პატარა არსებას—ადამიანს თითქოს მთელი ბუნება თავის ვინაობაში მოუთავსებია... ნამდვილად ასეა, დიდება და სახელი მწერალს რომ ეს შეუნიშნავს. თვით ბუნებაც ასეთივეა: იგი თვალ-ხილულიც არის და ბრმაც ერთსა და იმავე დროს. ვხედავთ კარგად, ბუნებას რომ თვალეები არა აქვს, არც თავი აბია და ტვინი სად ექნება? მაგრამ მისი წესი და რიგი, მისი სიმტკიცე აზრისა და მისწრაფებისა ჩვენ გვაოცებს, გვაკვირებს. მისი გონიერი მოქმედება ადამიანის გონიერებას ბევრად აღემატება... ყველა დიდებული ადამიანი თვით ამ ბუნებას ჰგავს ღირსებით და ნაკლით.

აბა კარგათ დაუკვირდით ლამაზი ჩელ აზნაურს დონ-კიხოტს, შეადარეთ თვით ბუნებასთან, რამდენს მსგავსებას ჰხახავთ მათ შორის. რა არის თვით ბუნება, თუ არა იგივე დონ-კიხოტი, რომელიც თავდაუზოგავად ჰღელავს, იბრძვის, მისწრაფის ერთხელ არჩეულ აჩემებულ გზაზე თავდაუზოგავად? აზრი მაღალი აქვს, ფიქრი კეთილი, მაგრამ შეცდომაც ბევრში მოსდის, უნაკლო არც იგია. რამდენადაც ნიჭიერია მწერალი, რამდენადაც მაღალი და დიდებულია მისი გრძნობა, გონება, იმდენად სავსებით ჰხატავს იგი ბუნებას არჩეულ ტიპის მეოხებით, შექსპირი იმიტომ არის დიდებული ყველა მგოსანთა შორის, რომ ბუნება სავსებით გამოსჭვირს იმის ნაწერებში. ამ მხრივ შეჰხედეთ სავანს, ვნახოთ, თუ არ დამეთანხმებით. შეადარეთ აგრეთვე ყველა გენიოსთაგან შექმნილი ტიპები. დააკვირდით რამდენი მსგავსებაა მათ შორის..

### 3.

ჩვენი ცხოვრება სრული გამომხატველია ბუნებისა. ყველა ის, რაც ბუნებაშია, დამოკიდებულეა ცხოველთა შორის, მცენარეთა, ცისა და დედამიწის შორის წყალსა და ჰაერთან, ყველა ეს ჩვენ კაცთა შორის ხდება.

როცა ცა იღრუბლება, მინამ ქექა-ქუხილი ასტყდება, ყველა სულიერი ძალა უნებურად მწუხარებასა ჰგონობს.

კაცთა ცხოვრებაშიც არეულობა, რევოლუციები, იმწუხარებით დაწყებულია, როგორც ცაზე ქექა-ქუხილი.

ვინც ბუნების ავი და კარგი შეიგნო, იმას არ გაუძნელებს ცხოვრების ვითარების გაგება. მხოლოდ უნდა მწერალი უყურებდეს ცხოვრებას, თუ შეიძლება ასე ვსთქვათ, ბუნების თვალებით.

კაცთაგან გამოთქმულია ეს სიბრძნე: „ისა სჯობს მამულისადა შვილი რო სჯობდეს მამასაო“. გაუკეთესება ცხოვრებისა მხოლოდ მაშინ შეიძლება, რასაკვირველია, როცა შვილი უკეთესი იქნება მამობელზე, მეტს ჰკეთებს, მეტ უნარს გამოიჩინებს.

ბუნებაც ხომ ამადვე სიბრძნეზეა დაფუძნებული, ამ სიბრძნით ხელმძღვანელი; ასე რომ არ იყოს ყურძნის მაგივრად კრიკინას ვჭამდით, გულაბი მსგლის მაგივრად — პანტას, ნაცვლად თურაშაულისა, მაქალოს.

„შინ რომ ბაღებს შიოდეს, გარეთ ტაბლას რა ხელი აქვსო“. ბუნებაც ამასვე ბრძანებს და ასე იქცევა: არაფერს თავის შრომისას არა ჰკარგავს ბეწვის ტოლასაც კი, რასაც იძლევა, უკანვე მიაქვს, არ შეგვარჩენს, არც სხვა პლანეტებს უგზავნის, თავის საკუთარი ბაღებისათვის ეხარბება, იმათთვისა ჰზოგავს.

ყველაფერს, რასაც ბუნებრიობა ეტყობა: სიძულვილი თუ სიყვარული, შური, მტრობა, სიმამაცე და სიმხდალე, ქველობა თუ სიძუნწე და სხ. და სხ. და სხვ. იქ უსათუოდ პოეზიაა. ყველაფერს თავისი გასამართლებელი საბუთი აქვს, მიზეზი, გარემოება, იმწერალს ეს მუდამ უნდა ახსოვდეს, რომ ბუნებრივ კანონს არ უმტყუნოს, წესიერება ბუნებისა იდაიცვას — ისე უნდა ვადმოგვცეს სურათი, რომ არა ვთქვათ — ეს ყოვლად შეუძლებელია, ეს ბუნების წინააღმდეგია... ყველა ვნებას, ყველა გრძნობას თავისი ბუნება აქვს, თავისი აგებულება, საათი დაბადებისა, ხანა სიყრმისა, სიჭაბუკისა და სიკვდილისა, — ყველა ეს უნდა მხედველობაში ვიქონიოთ. იმიტომ არიან უკვდავნი ქმნილებანი უკვდავთა ავტორთა, რომ ამ წესს არა ჰღალატობენ იმ ნაწარმოებთა მთხვევლნი.

რა იქნებოდა „ვეფხისტყაოსანი“, ტარიელი რომ არა ტიროდეს ნესტანისათვის, არ იღწოდეს მის სამოვწელად, არ აგდებდეს თავს ხიფათში, არამედ იჯდეს სრა-სასახლეში და დროებას ატარებდეს, თან ამბობდეს დაარხინებულის გულით: „ნეტა რომ კაცმა თქვას სად ვადიკარგა მეფის ასული დარეჯანიო?“ დაუწყოს სხვათა ვისმეს არშიყოფა, ახლა სხვა შეუყვარდეს, ისიც რომ ჭაჯებმა მოსტაცონ იმაზედაც ერთხელ დასწავლილი ფრაზა განიმეორის?! სადღაა მაშინ მისი დიდ-ბუნებოვანობა და მისი ბუნების მსგავსება. ჩვენ ხომ ვთქვით, რომ ყოველივე დიდებული ბუნებასა ჰგავსო, მისი ხნე-ხასიათი სჭირსო... ან რა ღირსება და პატივისცემა ექნება ჩვენგან ავთანდილს და ფრიდონს, ნაცვლად რომ არ ეშველათ კი ტარიელისათვის საყვარლის ძებნაში ხელი შეეწალათ და მისდამი სიბრაღული თანაგრძნობა არ გამოიჩინათ?!

„ვეფხისტყაოსანში“ ყველაფერი ბუნებრივია, მთელი სხეული და მისი სული და გული. უწყესო, ბუნების წინააღმდეგი იქ არაფერი მოიპოვება. იმიტომ უკვდავია ეს ნაწარმოები... ვიდრე ბუნებაა თავის ძალით მმართველი კაცთა სიცოცხლისა „ვეფხისტყაოსანიც“ იქნება ჩვენთვის გონების მმართველი.

## რამე-რამე

ჩვენში მსუბუქად უცქერიან მწერლობას, თითქოს აბუჩად აგდებული ჰყავს; მწერლები კიდევ უსაქმო „საქმე გამოლუული“ ხალხი ჰგონიათ, მაგრამ თუ ამ საქმე გამოლუულია, ბეჩავმა „გაუხახუნა“ ვისმე ამის მოუბარს გაზეთში, გაგიხარიათ რა ყალყზე შედგება და ასტეხს ჰაი-ჰუის: როგორ თუ გაზეთში ჩამწერეთ, ჩემი ცუდი საქციელი გამოაქვეყნეთო! აჰი არაფერია გაზეთითო?! თითქოს ბრძანებდით, უსაქმურობაა მწერლობაო?..

თუ დაიწყო და გიკბინა დაბეჭდილმა სიტყვამ ახად, უსაქმურობა კი არა, საქმიანობა ყოფილა; მამასადამე ძალა ჰქონია, საყურადღებო რაღაც რამე ყოფილა ეს სხვადასხვა ამბებით, სხვადასხვა ფიქრით და მოსაზრებით აჭრელე-ბული ფურცელი. დიად, ნუ გგონიათ, ვაჟ-ბატონებო, რომ ჩვენ ბეჩავს მჯღაბ-ნავეებს საქმე გამოგვლევია და იმიტომ ვჯღაბნით, ვწერთ, ვაწყდებით ლობე-ყოჩებს. არა. ჩვენ იმას ვცდილობთ ეგები სასარგებლო რამე გავაგონოთ ქვეყანას, შევმატოთ რამ მის გონებას და ზნეობასაო. ნუ თუ ეს საქმე არ არის? ნუ თუ ეს საქმე თქვენს საქმეს, რომელსაც მართო თქვენი თავი ახსოვს, ჩამოურჩება უკან? არა მგონია. ვიცი, კარგად ვიცი, ამისთანა მსჯელობა საიდანაც მომდინარეობს და სარჩულად რაც უძევს. აი რა: ერთი ვლენი მყავს მეზობლად, რომელიც ორ დღეში ერთხელ მაინც მინახულვებს ხოლმე. და ვაი ჩემი ბრალი თუ წერის დროს მომისწრო.

— შენ სწორედ, საქმე გამოგწყვეტია, კაცო, რას სულ მაგ ქალაღდებს ჩაპლირლიტებ-ჩაპკირკიტებ? სუ ხომ ბაღლი არი იქნები, — გაათავე, მორჩი მაგ მასხარაობას, საქმე გაიგე! იმეტყვის იგი დარწმუნებით, ისე დაბეჯითებით, რომ მეც თითქოს ეტკვი შევდივარ და მართლა უსაქმურად მიმაჩნია ჩემი თავი.

საქმე არა გგონია შენ ესა?.. მაშ საქმეს რას ეძახი? ვეკითხები მე.

— სადაური საქმეა, შენს გამარჯვებას, მეუბნება ის კვლავ: ქალაღდი მე-ლანი და იმის საქმე: საქმეს იმას ვეძახი მოხნას კაცმა, მომკოს, მოთიბოს, სახლს რამ შეჰმატოს, ცოლ-შვილს რამ არგოსო.

[რა] პასუხი უნდა მისცე ამისთანა მსჯელობის პატრონს? იმას რომ ეს-მოდეს [მწერლობის] მნიშვნელობა, ესწავლა რამ და მისმა გონებამ სწავლის გემო იცოდეს, ამას არ იტყოდა, მაგრამ, რადგან არ იცის და არ ესმის, ამბობს გულწრფელად სისულელეს.. ჩვენი ხალხი ჯერ კიდევ იმ მდგომარეობაშია, რომ ამისთანა მსჯელობას ნიჟდაგი აქვს და რას იზამ, კრიჭას ვის აუკრავს ენას ვის დაუბამ, რად ამბობს?!

მაგრამ, ნათქვამია, ძველად: „ვინც რა უნდა თქვას, წისქვილმა კი ფქვასო“.

დიად, წისქვილმა ფქვას და მეფელეტონემ კიდევ სთქვას. მოდი და ნუ იტყვი თუნდ ამას, რომ ჩვენში მწერლობას უსაქმურობას ეძახიან, უსაქმურობა-მეტეხრობას, არა მართო უბირნი სოფლელნი, რომელთაც არაფერი უსწავლიათ, არამედ ისინიც კი, ვისაც სამი და ოთხი კლასი მაინც უნახავთ გიმნაზიისა, — გასულან სოფლად და წითელს ნუნუას მოკსხდომიან გვერდით. ხომ მე ჩემსას არ დავიშლი და მაინც ვიტყვი, თუმც კი უხერხულს მდგომარეობაში ვარ: საწყალი მეფელეტონე, გაღმა მკითხველები არიან და გამოღმა თვითონ ბუტბუტებს! უხერხულს მდგომარეობაში თუ არა ვარ, მაშ რა ჯანდაბაა: იმასა ვნატრულობ, რომ ეგები ჩვენი მწერლობა გაძლიერდეს, ნაბეჭდმა სიტყვამ მოიპოვოს ბინა ხალხის გულსა და გონებაში და ისინიც კი, ვისთვისაც

რამ იწერება, გაიძახიან: წერაზე სრულიად ხელი უნდა აიღოთო! წერაზე არა — რომელი ჰკავთა-მყოფელი მწერალი ხელს არ აიღებს, რადგან დარწმუნებულია, რომ მწერლობა ძალაა, ერთი უმთავრეს იარაღთაგანია ერის წინსვლისა, მის გონების და ცხოვრების გაუკეთესებისა. თუ სხვანი ჰხვნიენ, სთესენ, ურთის სიტყვით რომ ვთქვათ, მეუწინეობენ და ეროს ამდიდრებენ, მწერლობა კიდევ იმას უჩვენებს, თუ ეს სიმდიდრე რაზედა როგორ უნდა იქმნას მოხმარებული, რათა ცხოვრება უფრო სარგებლიანი და ნაყოფიერი შეიქმნეს. მაგრამ მწერლობაც არის და მწერლობაც. მწერლობა მაშინ ასრულებს თავის წმინდა მოვალეობას, როცა უკეთესად ემსახურება ქვეყანას. უკეთესი ქვეყნის სამსახური მწერლობისა კიდევ იმაში გამოიხატება, რომ ყოველი წვლილი, ავი თუ კარგი თავის ქვეყნისა ესმოდეს, შეგნებული ჰქონდეს მისი საჭიროება და სხვებსაც შეაგნებინოს ესევე, — ყველა ავადობა, ყველა წყალუღს წამალი დასდვას და, მამასადამე, კარგი მწერალიც ის არის, ვისაც უკეთ შეუგნია ეს საჭიროება და უკეთესად ემსახურება ამ საჭიროების დაკმაყოფილების საქმეს.

სიმართლვე მწერლობაში ორ-ნაირად ითქმის, ამ თქმას ორგვარი ფორმა აქვს: ერთი პოეტური-ბელეტრისტული და მეორე — პუბლიცისტური. საგანი იმათი ერთი და იგივეა—ცხოვრება, მისი მოვლენანი ძველი თუ ახალი, მიზეზი ამ მოვლენათა და შედეგი. ორივენი, ესთქვათ, ერთსა და იმავე ჭეშმარიტებას ამბობენ, ერთსა და იმავე გზას ადგანან, მაგრამ ერთის თქმა ძლიერ ლონიერია, ხოლო მეორესი თუმცა სიმართლვეა, მაგრამ ვერ აღელვებს კაცის გულს და გრძნობას პირველივით. ეს ასეა იმიტომ, რომ პოეტი აზრს ტანსაცმელს ურჩევს, აკონტავენს და ყველასათვის თვალ-გულ მისასვლელს და მოსაწონარსა ჰხდის. ხოლო პუბლიცისტი ამას არ დასდევს. პოეტი სურათებით გვესაუბრება, ტიპებსა ჰქმნის, ხშირად იდეალურს, მისაბაძავს, ისეთს ტიპებს, რომლის მსგავსნიც უნდა იყვნენ პოეტის ცხოვრებაში, რათა შეავსონ მისგან თვალში ამოღებული ნაკლი. პუბლიცისტი კი ცხოვრების მოვლენათ არკვევს და მის მიზეზებს უჩვენებს...

საზოგადოებაზე ნაყოფიერი ზედმოქმედება აქვს პოეტისაგან შექმნილ ტიპებს; პოეტური მწერლობაც მაშინ არის ღონიერი, როცა მართო ფრაზებით-კი არაა საფხვე, არამედ ვპოებთ მასში ან დაქვეითებულს კაცს პოეტისაგან დაბატულს, ან დიდ-სულოვანს ადამიანს... სურათი უფრო ცხოვლად გვიდგება თვალ-წინ, ცხოვლად, როგორც მაგალითი, [რომელიც] კეთილის თვისებისაა, კეთილს აღძრავს ჩვენს გულში და. (დაზიანებულია) ზიზღს და სიძულვილს. პოეტის ერთი უმთავრესი მოვალეობათაგანია ტიპების ხატვა, — ისეთის ტიპებისა, რომელნიც უვარგისნია (отрицательные типы) და მეორე, რომელნიც საჭირონია ცხოვრების გასაუკეთესებლად (положительные типы). ამიტომ დიდი ცოდვა და ნაკლია მწერლობისა და პოეტებისა, თუ იმათ შეუძლიანთ და ვერა ჰხატვენ ახალგაზრდობის მისაბაძავს, ახალგაზრდობის აღმზრდელს ტიპებს, თვითონ მწერლობაც ამისთანა შემთხვევაში სუსტი და უმარლოა. ეს კარგად ესმოდა განსვენებულს რუსეთის გამოჩენილს რომანისტს ტურგენევს და იმიტომ ვხედავთ იმის რომანებში სხვადასხვა დროთა შესაფერი ტიპებს. რუსეთის ახალგაზრდობის აღზრდაზე, ვგონებ, რომ იმდენი ღვაწლი არც ერთს მწერალს არ დაუდვია, რამდენიც ამ მწერალმა დასდვა. თუმცა-კი ბოლოს დროს თითქოს უმტყუნა თავის განზრახვას და ოცდაათის წლის შრომა ერთის მოთხრობით ჩაფუშა (იხ. „თავზედ ხელ-აღებული“). იგი ჰქმნიდა იდეალურს ტიპებს

და ახალგაზრდობაც იმის შექმნილს ტიპებს ჰბაძავდა და ჰბაძავს დღესაც. სიმართლით რომ ვსთქვათ, ახალგაზრდობის რწმენა და აზრი თუ კი ბრალად ჩასათვლეღია მართლაც, ერთის მხრით ტურგენევის ბრალია: ერთის მხრითაო ვამბობ იმიტომ, რომ აზრს გარდა იმწერლის ჩაგონებისა, თვითონაც ნიადაგი აქვს ცხოვრებაში, თვითონ ცხოვრების გარემოება გამოიწვევს ხოლმე. ამ ცხოვრების, ვსთქვათ უვარჯის მდგომარეობას ბევრი ვერ შეიგნებს, უმრავლესს ნაწილს ისე ესმის, როგორც ბურანში ხმა რამე შესასას კაცს, ამ შემთხვევაში ეშველება ხალხს, პოეტი მოხერხებულის; ოსტატურის გამოხატულობით შეაგნებინებს.

ჩვენს მწერლობაშიც შეზღვედებით ტიპებს და უფრო კი მეცადინეობას ტიპების შექმნისას. ჰხვდებით, მაგალითად, ვაჭრების ტიპებს, მოსამსახურე-ლაქიებისას, ვაჭრის ცოლებისა, და სხვა და სხვა, მაგრამ ერთი ტიპები ნაკლებად შეესაბამებიან ცხოვრების საჭიროებას...

ლუარსაბ თათქარიძის შემდეგ, ჩვენდა სამწუხაროდ და სავალალოდ, ცხოვრების საჭიროების მიხედვით შექმნილს ტიპს ველარა ვხედავთ... სხვა ახალს ტიპს აღარ აღმოჩქოლებია ჩვენი საზოგადოება, ღრმად აღარ ჩაუფიქრებია თავის ყოფა მდგომარეობაზე, მის არსებაში აღარ ატენილა ორ-ნაირის გრძნობათა ბრძოლა, რომლის გამოც დღევანდელი უვარჯისობა განედევნა და ერთი ფეხი წინ წაედგა ჩვენს თვით-ცნობას და მოქალაქობრივობას. მადლობა ღმერთს, ჩვენ ლუარსაბის ნაანდერძევი უსაქმურობა უმეცრება და კუჭის გაღმერთება დღეს უარყავით, — ჩვენს თავს იმდენად არ ვამცირებთ, რომ მსართო ვსვათ, ვჭამოთ, ვთვალთ ბუზები და ტანტზე ვიგორავთ. — არა, დღეს ჩვენ გაცილებით ბევრით მაღლა ვსდგევართ ბეჩავს ლუარსაბზე, მაგრამ რანი ვართ, რას ველტვით, რა ძალი და ღონე გვაქვს გულისა და ტვინისა, მაინც კი საჭიროა ვიცოდეთ, — უნდა აწონილი, შეგნებული გვქონდეს, საით, რაზე მივაპყროთ ჩვენი ძალ-ღონე. აი (უნდა იყოს „ამ“) შემთხვევაში ხელოვნება უნდა მოგვეშველოს... ამ ჩვენის დროის საჭირო-ბოროტო კითხვას იგივე ლუარსაბ თათქარიძის შემოქმედი პოეტი შეეხო, თავის ახალ მოთხრობაში „ოთარანთ ქვერთვი“ და თავისი ძლიერის მკლავით კიდევ შესძრა, მოძრაობაში მოიყვანა ჩვენი გულ-გონება და აგვაყაყანა... ნიჭიერება ეროვნულის მწერლისა იმითი გაიზომება, თუ რამდენად ესმის თავის ქვეყნისა და ერის საჭიროება, — მით, თუ რამდენად შეგნებული აქვს მისი უმთავრესი ნაკლი და რამდენად მაღლიანად ემსახურება ამ ნაკლის შევსებას სიტყვით თუ საქმით. იმ დროს, როცა „კაცი-ადამიანი“ დაიწერა [ჩატე] ხილს ხიდზე საუბარი უადგილო იქნებოდა, ამისთანა ქადაგებისათვის [ნიაღ] აგი არ იყო ან მაშინ და დღესაც ბევრს „გვაროვანს“ სწყინს, როგორ [თუ ვიღაც] გლეხის ბიჭი ჰბედავს თავადიშვილის ქალის სიყვარულს და [ისიც დადებით] პასუხს აძლევს მის სიყვარულსაო. მაგრამ რას იზამ და რას იტყვი [იმის წინ] ადამდეგ, რომ სიყვარული ვაცთა მაღალ-დაბლობაზე დაფუძნებულს სიჯიუტეს არ ემორჩილება და იმას თავის საკუთარი კანონები აქვს, საკუთარი ფერის და ლალის ზნისა?! რას იზამთ, როცა ცხოვრების საჭიროება და გარემოება ამ გვარს სიყვარულს, ამ გვარს დაკავშირებას მოითხოვს — ეს საჭიროება თავს გაიტანს. ეს შეუნიშნავს პოეტს და კიდევ ამაშია მისი ძალა და ღონე, მას შეუნიშნავს, რომ „ჩატეხილის-ხიდის“ გამთელების აზრი ბუუტავდა ჩვენს საზოგადოებაში, მან მოაგროვა ეს სხივები და სანთლად დაგვიდგა ბნელს ღამეში. ამგვარი: თუ შეიძლება ესე ვსთქვათ,



შალალი ხარისხის ტიპები ღერძია ეროვნების ცხოვრებისა და სხვა წვრილმანი ტიპები კი მხოლოდ სოლებია ამ ღერძისა, მხოლოდ ერთს რომელიმე მხარეს აკმაყოფილებენ მკითხველის სულისას და ერის უმთავრესს საჭიროებაზე, ზედგამოჭრილი ტიპი-კი მთელს კაცის არსებას თხოვს პასუხს, მთელი კაცის არსებას მოიყვანს მოძრაობაში, მთელს მის გულგონების ყურადღებას მიიზიდავს. ესეთი ტიპი აზრია. იგი ბედია ერისა და იმიტომ ყველასათვის საყურადღებო, მიმზიდველი... არიან კიდევ სხვა გვარი ტიპები საკაცობრიო, როგორც მაგალითად დონ-კიხოტი და ჰამლეტი; ესენი მთელს კაცობრიობის საჭიროების მიხედვით არიან შექმნილნი, ანუ მათში გამოიხატება კანონი ცხოვრებისა. დონ-კიხოტი არის მეძიებელი სიმართლისა, ამისთვის თავ-განწირვით მებრძოლი, ხოლო ჰამლეტი ძიებისაგან მოპოებულის მსხრველ-მრკვეველი, ანალიტიკოსი. ეს თვისება, ეს წესი საკაცობრიო საჭიროებაა, ყველა ქვეყნისა და ერისათვის მინიჭებული და არა მარტო ესპანელ-ინგლისელთა კუთვნილება. ამ საკაცობრიო ტიპებს რომ თავი დავანებოთ და ჩვენს თავს დაუკვირდეთ კიდევ ბევრი რამ გვეჭირება, ნაკლი სხვაც ბევრი აქვს ჩვენს ცხოვრებას და ახალგაზრდობას ხომ, თითქმის, საკუთარ იდეალად საყოლი ტიპი არა აქვს მწერლობისაგან მიცემული. ესეც დიდი ნაკლია და დიდი ცოდვა!

იქნება ზოგმა იუცხოვოს და სთქვას: ხელოვნებას საჭიროებასთან რა კავშირი აქვს, ხელოვნება ხელოვნებისათვის, უნდა იყოსო. მაგრამ თუ ღრმად, ჩაუკვირდებით ყველა პოეტს ქვეყნის საჭიროება აღონებს და აწუხებს, — იგი ელტვის მაღლიანს, სარგებლიანს კაცთა ერთმანეთზე დამოკიდებულებას და სარგებლიანს ცხოვრებას... შექსპირი ხომ მსოფლიო — უდიდესი პოეტია და აბა კარგად დაუკვირდეთ იმის მწერლობას თუ იგი უფრო ყველაზე მეტად არა ცდილობდეს დააკმაყოფილოს ეს საჭიროება არა ერთის რომელიმე მხარეს, არამედ მთელის კაცობრიობისა. ხელოვნება ქვეყნის საჭიროებას თან მისდევს. მაგალითისათვის შორს წასვლა არ დაგვჭირდება, თვალწინ გვიძევს რუსეთის ხელოვნების მომდინარეობის ისტორია. ლომონოსოვიდან დაწყებული მწერლობა ხელოვნებით ამ ცხოვრების საჭიროების დაკმაყოფილებას ემსახურება, იყო, მაგალითად, რუსეთში დრო, როცა ევროპიულს განათლებას გარეგნად ჰბაძავდნენ ჩაცმა დასურვაში, თუ განათლებაში და ავთან ერთად საკუთარი კარგიც უარყოფილი ჰქონდათ. მწერლობამ დაუწყა ამ ნაკლს. ბრძოლა თავის დროზე. შემდეგ და შემდეგ ხომ ვიცით, რა აზრიც იბადება, რაც საჭიროებაც ჩნდება ცხოვრებაში, დღესაც ხომ ესევე აზრი აწუხებს საუკეთესო რუსეთის შვილებს და პოეზიაც ამაფე აზრს და საჭიროებას ემსახურება, ტყუილად ვინმე იტყვის იმას, რომ ეგ ტენდენციოზური პოეზიის საქმეა და არა ნამდვილი პოეზიისაო, მაგრამ ეს უსაფუძვლო თქმა იქნება, რადგანაც ყველა პოეტური ნაწარმოები ასე თუ ისე, ტენდენციოზურია, მხოლოდ თვით ტენდენცია სხვადასხვა ჯურისაა და ამიტომ, ადვილად ერთნაირი ეჩვენებოდა გამოუცდელს მკითხველს ტენდენციად და მეორე კი არა..

დიალ, პოეზიისათვის სათავილო არ არის, ერის საჭიროებას ემსახუროს და ამისათვის ჰქმნას ტიპები რეალური თუ იდეალური.

## გრიზოლოვი საქართველოში და ნინო ჭავჭავაძე

მთაწმინდაზე „ფიქრთ გასართველად“ ასულ ბარათაშვილს შორიდანვე ახალგაზრდა ქალის ფულსაკლავი მოთქმითი ტირილი შემოესმა. „ნეტა ვინ ქვითინებს?“ წაიჩურჩულა ცნობისმოყვარე ნიკომ და აჩქარდა.

თეირანში რუსეთის საელჩოს დარბევისას ტრაგიკულად მოკლულ გრიზოლოვის საფლავზე დამხობილი პოეტ ალექსანდრე ჭავჭავაძის უფროსი ქალი უდროოდ დაღუპულ მეუღლეს დასტიროდა. „ნინო“! „ტატიკო“\* შეესიტყვნენ ისინი ერთმანეთს და წამით სამარისებური სიჩუმე ჩამოვარდა<sup>1</sup>.

\* \*

\*

ზეპირგადმოცემით ჭავჭავაძენი ხეცსურნი არიან.

ხეცსურეთიდან ამ გვარის უმრავლესობა კახეთში გადმოსახლებულა, ნაწილი ქართლში ცერონის-ავლეგში, ხოლო ნაწილი კვ. ხეცსურეთშივე დარჩენილა.

კახეთში გადმოსული ჭავჭავაძენი მხოლოდ მეჩვიდმეტე საუკუნეში გამოჩნდნენ საისტორიო ასპარეზზე და თავის გამრჯელობითა და გმირობით უმაღლე შესამჩნევნი გახდნენ კახეთის მეფეებისათვის.

1726 წელს კახეთის მეფე კონსტანტინემ ამ გვარის წარმომადგენელთ თავადობა უბოძა.

18 საუკ. მიწურულსა და 19 საუკ. დასაწყისში პრიორიტეტული იყო ჭავჭავაძიანთ გვარის ერთერთი შტო, რომელსაც სათავეში ედგა გარსევან, იგივე დავით რევაზისძე ჭავჭავაძე.

1793 წლის 24 ივლისს გარსევან ჭავჭავაძემ, როგორც საქართველოს სრულუფლებიანმა ელჩმა ხელი მოაწერა გეორგიევსკის ტრაქტატს, რომლითაც რუსეთის ცარიზმის „მფარველობა“ დაიწყო საქართველოში.

1797 წელს პავლე პირველის ტახტზე ასვლისას გარსევანი ერთგულ მეფისაგან კვლავ გაიგზავნა რუსეთს და პავლე პირველისადმი მილოცვის შემდეგ ითხოვა გეორგიევსკის ტრაქტატის დამტკიცება და საქართველოს მემკვიდრედ გეორგის დანიშვნა.

\* ეს შეხვედრა ეკუთვნის იმ დროს, როცა ნ. ბარათაშვილი მსახურობდა „ექსპედიცია სუდა ი რასპრავაში“.

<sup>1</sup>. ჩემთან დაცულ მასალებიდან.

1798 წელს გარსევან ჭავჭავაძე ისევ გაიგზავნა რუსეთს და მეფე გიორგის სახელით უკანასკნელად მფარველობა სთხოვა მონარქს.

ამ მრავალწლიანი დიპლომატიური მისიის შედეგი იყო ის, რომ 1800 წლის 18 დეკემბერს პავლე პირველმა ხელი მოაწერა საქართველოს რუსეთთან „შეერთების“ მანიფესტზე.

გარსევან ჭავჭავაძეს ცოლად ჰყავდა აგრეთვე ელჩის, ცნობილი მწერლისა და მწიგნობრის გიორგი ავალიშვილის და მარიამ ანუ მართა ივანეს ასული, რომელსაც იონა მეუნარგია ასე ახასიათებს: „მისი ღროის კვალობაზე განათლებული ქალი იყო „ვეფხის ტყაოსანზე“ და ძველებურს წესზე აღზრდილი“<sup>2</sup>.

რუსეთის თვითმპყრობელობა დიდი ხნიდან ოცნებობდა საქართველოს ხელში ჩაგდებაზე და პრივილეგიური წოდებიდან გამოსულ ყველა იმ ქართველებს, რომლებსაც „ამ საქმის რაიმე ეკითხებოდათ“ იგი ყოველთვის უდიდესი ყურადღებითა და სიმპატიით ეპყრობოდა.

ერთი ასეთი პირთაგანი იყო გარსევანი — პაპა ნინო ჭავჭავაძისა. ამით ახსნება ის გარემოება, რომ 1786 წელს ქ. პეტერბურგში დაბადებული გარსევან ჭავჭავაძის ვაჟი — ალექსანდრე, შემდეგში ქართველთა სახელგანთქმული პოეტი მონათლა ეკატერინე მეორემ და ღიღმა მთავარმა ალექსანდრემ.

ოთხი წლის რომ შეიქმნა ალექსანდრე, გარსევან ჭავჭავაძე ოჯახით ტფილისში ჩამოვიდა. რადგან იმ ხანად ტფილისში არავითარი სასწავლებელი არ იყო, მამამ ბავშვის მასწავლებლად თან წამოიყვანა ვილაც ფრანგი.

პეტერბურგიდან ჩამოყვანილი ბავშვი ტფილისშიაც სრულ ფუფუნებაში იზრდებოდა. „ბედისაგან განებივრებული ალექსანდრე, — წერს ბიოგრაფი, — თავის ფრანცუზის მეცნიერებას ისმენდა და თავისუფალ დროს დასეირნობდა პირველად მამა მისისაგან ჩვენში გადმოტანილ „კარეტი“.“<sup>3</sup>

როცა ირანის ყაენი — ალა-მაჰმად-ხანი გამოემართა საქართველოსაკენ, ალექსანდრე პეტერბურგში წაიყვანეს.

ალექსანდრე ჭავჭავაძის ახალგაზრდობის წლებზე მეტად საინტერესო ცნობებს გვაწვდის პოეტის მიერ 1833 წელში საგამომძიებლო კომისიისადმი მიცემული „პასუხები“.

მომყავს ერთი ადგილი ამ „პასუხებიდან“.

„ვიზრდებოდი ჩემი მშობლების მზრუნველობის ქვეშ. პირველად ს. პეტერბურგში ბამანის თავისუფალ პანსიონში, სადაც 1795 დან 1799 წლამდე ვსწავლობდი. შემდეგ შინ თბილისში ჩემ მშობლებთან განშორებამდე, მგონია 1803 წელს, როდესაც ზოგიერთ შემცდარ ახალგაზრდათა მანეჟ შთავონებით შეუერთდი ფაჩნაოზ ბატონიშვილს, რომელიც მაშინ მთიულეთში არაგვზე იყო. მე მინდოდა მასთან ერთად სპარსეთში წავსულიყავი, მაგრამ ორივე შევეიპყრეს და თბილისში მოგვიყვანეს.

ხელმწიფე იმპერატორმა ალექსანდრე პავლესძემ ჩემი საქციელი, ჩემს ახალგაზრდობას მიაწერა და კეთილინება სასჯელი განესაზღვრა მხოლოდ მცირე ხნით ჩემი ქ. ტამბოვში ყოფნით, შემდეგ კი მალე პეტერბურგში მომი-

<sup>2</sup>. ი. მეუნარგია „ა. ჭავჭავაძე“ 1937 წ. გვ. 23.

<sup>3</sup>. იგივე წყარო გვ. 25.

თხოვეს. 1805 წელს პაჟთა კორპუსში შევედი. მე პირდაპირ კამერპაჟად მიმიღეს, მამაჩემის დამსახურებათა პატივისცემით, სახაზინო ხარჯზე. 1809 წელს გამომიწვეს იქიდან გვარდიის პოდპორუჩიკად“.

ამ დროისათვის ალექსანდრემ უკვე ჩინებულად იცოდა, როგორც რუსულში, ისე ფრანგული, გერმანული და ირანული ენები. 1811 წელს ალექსანდრე ჭავჭავაძე დაინიშნა გენერალ-ლეიტენანტ მარკიზ პაულიჩის ადიუტანტად, რომელიც მაშინ საქართველოს მთავარმართებლად იყო და მასთან ერთად ჩამოვიდა თბილისში.

იმავე წლის 7 აპრილს ქ. პეტრბურგში წყალმანკით გარდაიცვალა გარსევან ჭავჭავაძე, რომელიც დასაფლავეს ალექსანდრე ნეველის სასაფლაოზე.

გარსევანის ცოლის ძმის გიორგი ავალიშვილის მიერ შედგენილი, საფლავის ქვაზე წარწერილი ეპიტაფია გვამცნობს:

„ქვე სახსოვრისა ამის მდებარებს კახეთის თავადი დავით ჭავჭავაძე, გარსევანად ცნობილი.

არ არსის არსად მოცემელმან მოქმედმან მან,  
ათას შვილას ხუთ ათ შვილს ღმერთ მამა-მან,  
ოცსა იწლისსა მშვა, ვბრწყინვე მყისვე ცაშან,  
თანამდებად მყო წარმხლომ საწუთრომან აშან  
მიცემად მისდა აწ ესდა ხარკისამან.

მიმცუალა კვალად ათას რვაას თერთმეტს,  
აპრილის შვილსა, ბრწყინვალეს პარასკევს დღეს,  
შემდგომ შუადღის, ჟამსა ნახევარ მეხუთეს.  
მიოხეთ ღმთისად, მხილველნო, ჰსჭვრიტეთ რა ეს,  
ვინათ ყოველთად ხვედრი ესე არს ნაწეს.

თ[ავადის] გ[იორგი] ა[ვალიშვილის] მიერ“<sup>5</sup>

1812 წლის იანვარში, თუ თებერვლის თვის დასაწყისში ალექსანდრე ჭავჭავაძემ ცოლად შეირთო სარდლის, ივანე ჯამბაკურ ორბელიანის ქალი სალომე.

ქორწინებიდან ჯერ თვეს არც კი გაველო, რომ კახეთში გლახთა ცნობილმა ამბოხებამ იფეთქა, ალექსანდრე იძულებული შეიქნა დაეტოვებინა ახლად ჯვარდაწერილი მეუღლე და იმავე წლის 23 თებერვალს იგი მარკიზ პაულიჩთან ერთად წავიდა ტფილისიდან.

პირველ მარტს თელავში ერთმა მეამბოხე გლახაკმა მუხლში დასჭრა ალექსანდრე ჭავჭავაძე და ამ მძიმე ჭრილობამ კინაღამ ჭლექი შეჰყარა მას, დროზე სახელგანთქმული დოსტაქრები — თურმანიძეები რომ არ მიშველდებოდნენ.

მუხლში მიყენებული ჭრილობა ალექსანდრე ჭავჭავაძეს ჯერ მოშუშებულ იქცა. არ ჰქონდა, სროცა 1812 წლის ნოემბრის ოთხს, მის მეუღლეს შეეძინა პირველი შვილი — ნინო, რომელსაც შემდეგში თავის დასთან ეკატერინესთან ერთად გასაოცარი სილამაზითა და ტანკენარობით მოჯადოებული ჰყავდა არა მარტო ქართველები, არამედ რუსები და ევროპელებიც.

<sup>5</sup> А. А. Цагарели „Сведения“ вып. II 1889 წ. გვ. XXII.

სწორედ ამის შესახებ წერდა გრიგოლ ორბელიანი სალომე ჭავჭავაძეს მესამე ქალიშვილის — სოფიოს დაბადების გამო: „აქამდის ორი ქალი გვეყვანდა და თითქმის პეტერბურგიდან ისპაანამდის გაგიჟებულნი იყვნენ ხალხნი“.<sup>6</sup>

ორივე დაჲ ნამდვილი მუზა იყო, მათ შთაავონეს გრიგოლ ორბელიანს, ნიკოლოზ ბარათაშვილს, გიორგი ერისთავს, მიხეილ თუმანიშვილს, ლუკა ისარლიშვილსა და სხვებს მთელი რიგი ლექსებისა.

ყველა ამ მწერლებს თავისუფლად შეეძლოთ გაემეორებინათ გრიგოლ ორბელიანის მიერ მოხუცებულობის ჟამს ეკატერინე დედოფლისადმი სრული გულწრფელობით მიწერილი სტრიქონი: „თქვენ გამომიყვანეთ მე კაცად, პოეტად და ახლაც თქვენ ხარო ჩემი ნუგეშის-მცემელი“.<sup>7</sup>

ნინოს დაბადება ჭავჭავაძიანთ სახლში დიდი ზემოთ გადაიხადეს და მეტად თავისებურათაც აღნიშნეს. იონა მეუნარგიას ცნობით: „ალექსანდრეს ქალი ნინო რომ დაიბადა, მაშინ ერთს ქვევრში ღვინო ჩაასხეს მის საქორწილოდ“.<sup>8</sup>

ახალდაბადებულ ბავშვს ძიძობას უწევდა ჭავჭავაძეებთან შემოხიზნული, ქვრივად დარჩენილი მათი შორეული ნათესავი. სამეგრელოს დედოფალი ეკატერინე გადმოგვცემს: „ჲ. ავალოვა, ბაბუშოვის ცოლი ნინაჲ ძიძა, ქვრივი იყო და ჩვენთან ცხოვრობდა, ხელსაქმე კარგად იკოდა“<sup>9</sup>

ნინო აკვანშივე დაუნიშნია ივანე ერისთავს.

იონა მეუნარგიას გამოუქვეყნებელ „უბის წიგნაკში“ ჩაწერილი ცნობა გვაუწყებს: „ნინო ივანე ერისთავის დანიშნული იყო აკვანში, მაგრამ არ მისცა ალექსანდრე ჭავჭავაძემ“.<sup>10</sup>

როცა ნინო ოღნავ წამოიზარდა, ალექსანდრე ჭავჭავაძემ თავის ქალის მაგივრად დასწერა ლექსი და ბავშვს ზეპირად დაასწავლა. ვინ იცის რამდენჯერ უთქვამს ბავშური ტიტინით ეს პატარა ლექსი მშობლების, ნათესავებისა და სტუმრების წინაშე ნინოს:

არც მამასავითა მაქვს მე სხვა და სხვა ფიქრები,  
არცა დედასავით მტანჯავს უსაფუძელო იქვები.  
ჩემს შუბლს ჯმუხვილს ვინ ნახავს, სულ მიცინის კიკები,  
ვაგიზდები, მექნება უკეთესი ნიკები.<sup>11</sup>

მთაწმინდის კალთაზე (აწ ალექსანდრე ჭავჭავაძის სახელობის ქუჩა), პოეტის მიერ ნაქირავებ ბინის მახლობლად მდებარე არსზე გადებული ბოგირის გადასვლისას გასული საუკუნის დასაწყისშივე ადვილად შესამჩნევი იყო კავკასიის არტილერიის უფროსის ვენერალ-თედორე ისაის-ძე ახვერდოვის ძვირფას ბალიანი ლამაზი სახლი.

ახვერდოვის მეუღლე პრასკოვია ნიკოლოზის ასული არსენიევა მამით ეკუთვნოდა ძველდროიდანვე იმ სახელგანთქმულ არსენიეეების გვარს, რომელმაც რუსეთს არა ერთი და ორი ცნობილი მოღვაწე მისცა (მათ შორის მ. ი. ლერმონტოვი).

<sup>6</sup> გრ ორბელიანი „წერილები“ 1936 წ. ტ. I გვ. 25.

<sup>7</sup> საქ. ცენტრარქივის საგან. შნიშვ. საქ. ფონდი საქმე №175

<sup>8</sup> ი. მეუნარგია „ა. ჭავჭავაძე“ 1937 წ. გვ. 60.

<sup>9</sup> იგივე წყარო გვ. 64.

<sup>10</sup> ზუღლიდის მხარეთმცოდნეობის მუზეუმი იონა მეუნარგიას არქივი.

<sup>11</sup> ბ. Такайшвили „Описание...“ 1908 წ. т. II вып. III გვ. 437, 438.

პრასკოვია ნიკოლოზის ასულს პეტერბურგში ბრწყინვალე განათლება ჰქონდა მიღებული. იგი წარმატებით ეწეოდა სამხატვრო საქმეს განსაკუთრებით კი ფერწერას. თავის დროზე ახვერდოვა ითვლებოდა ერმიტაჟის სურათებიდან ასლების გადმომღების ცნობილ ოსტატად, რომელსაც უფლება ჰქონდა წაეღო ისინი ზაფხულობით თავის აგარაკზე პავლოვსკში. ის სჭრიდა ზისგან და ძვლიდან სხვა და სხვა გვარ მხატვრულ ფიგურებს, უყვარდა მუსიკა და თვითონაც საუკეთესოთ უკრავდა, კითხულობდა ძალიან ბევრს და იყო ლიტერატურის საუკეთესო მცოდნე.

იოანე მეუნარგია ერთ თავის დაუბეჭდავ შენიშვნაში მასზე სრულიად სამართლიანად წერს: „...ეს პირველი ქალი იყო თბილისში რუსულად გაზრდილი“<sup>12</sup>.

ოჯახის დიასახლისის ყველა ამ ღირსებათა გამო, ახვერდოვების სახლი ეკუთვნოდა თბილისის სახლების იმ მეტად მცირერიცხოვან რიცხვს, სადაც განათლებისა და ხელოვნების სხვადასხვა დარგებისადმი სიყვარული ყოველთვის გულწრფელი სტუმართმოყვარეობით იყო გადაჯაჭვული.

1818 წელს პრასკოვია ნიკოლოზის ასულმა დაჰკარგა მეუღლე და რადგან საქართველოს დაცოვება არ უნდოდა, სამუდამოდ დარჩა ტფილისში. ის ცხოვრობდა ქმრის პენსიითა და მამულის შემოსავლით.

ახლად დაქვრივებულმა ახვერდოვამ „გულის გადასაყოლებლად“ და მატერიალური პირობების გასაუმჯობესებლად პატარა პანსიონი გახსნა, რომელშიაც თავისი უახლოესი მეგობრების რამდენიმე ბავშვი ჰყავდა აყვანილი აღსაზრდელად.

პატარა ნინო, შემდეგ ეკატერინე და დავითიც ალექსანდრე ჭაჭავაძემ ახვერდოვის ქალს მიაბარა.

ამ პანსიონში იმ ხანად იზრდებოდნენ: პრასკოვია ნიკოლოზის ასულის გერი — ეგორუშკა, სახლის უფროსის ძმის შვილი — ანნა ანდრიას ასული ახვერდოვა, მარიამ ივანეს ასული ორბელიანი, სოფიო ივანეს ასული ორბელიანი, ვარინკა გიორგის ასული თუმანიშვილი, დიასახლისის ქალიშვილი — დარია და სხვები.

ხელსაქმის, ხატვის და ენების შესწავლის საქმეს განაგებდა თვითონ ახვერდოვა, ხოლო მუსიკის მასწავლებლად მას მოწვეული ჰყავდა ტფილისის კაპელმეისტერი, კომპოზიტორი ი. ა. სოკოლოვსკი, რომელიც 1830 წელს ხოლერით გარდაიცვალა ტფილისში.

რუსთაველის მიერ თინათინზე თქმული სიტყვები: „რა გაიზარდა, გაიგოსო მზე მისგან საწუნარიო“, სრულიად ალალი იყო ნინოსთვისაც. გონება გახსნილი და უაღრესად ზრდილი, ხელსაქმის, რუსული და ფრანგული ენების საუკეთესო მცოდნე, ფორტოპიანოზე დამკვრელი, თან ჩინებული მომღერალი და რაც მთავარია გასაგიჟებელი სილამაზის პატრონი — ჯერ ისევ სრულიად ახალგაზრდა — ნინო სულ მალე თითოთ საჩვენებელი ქალი გახდა ტფილისში.

ალექსანდრე ჭაჭავაძე, გრძნობდა რა თავის ქალის ყველა ამ თვისებებს, სიამაყის გრძნობით წერდა ნინოსადმი მიძღვნილ ლექსში:

<sup>12</sup>. ზუგდიდის მხარეთმცოდნეობის მუზეუმი, იონა მეუნარგიას არქივი.

აჰა ესე ვარდ-ზამბახნი, შენთა ელფერთ მომპარველნი,\*)  
წალკოტს განხენ, შვენებითა სრულ აღევსოთ ხენარ-ველნი.  
მომგონეს სურნელება, აღმიხსენდენ ლაწენი მქევენი.  
ძყის შვეიპყარ და შვესული, მოგარეთ შენი განმპარცველნი.

ნეტარ მას, ვინცა ახლოს შენ მხოლოსათვის ოხვრიდეს,  
ხმისა შენისა სმენითა ყურთა ატკობდეს, აღხენდეს;  
ბალახთშა ზოგჯერ თვისდამი საამოდ მლიბრად ხედვიდეს,  
ხან ვარდთა ყნოსვით სთვრებოდეს, ხან ეკლით განიფხიზლებდეს.

ნას წალკოტსა მშვენიერსა, სად მდებონი შენაკობიან,  
სად ზამბახნი სპეტაკობენ, სადა ვარდნი წითლად ჰვდიან.  
შორის ბუჩქთა კუბილონნი იდუმალად იმაღვიან, —  
შუნ არ ურჩევ სეირნობას ვისაც გულნი ეწყალებიან<sup>13</sup>

პოეტი ივანე კერესელიძე ნინო ჭავჭავაძის ამ მშვენებას ერთ თავის ლექს-ში ასე აგვიწერს:

შენთ ვინ მოვა, რა არსება, ვით მონარნარობს,  
მისმან მშვენებამ განმაცვიფრა, გულს მიმღულარებს.  
თუ ვსთქვათ რომ არის ზენით მოსული იგი არსება  
არც თუ მათ შორის შემინიშნავს მისი მსგავსება.

ერთი შეხედეთ მისა ტანსა გულის წამტანსა,  
საროსებრ აღზრდილს, კვიპაროზსა, წელს წვლილოვანსა,  
თუ ვითა მოაქვს მონაზებით. ვით მოგოგმანობს,  
ამ ბროლის მკერდით ვით სასტიკად ჰაერს მოაპობს!

სახეს უპვრიტეთ, განიცადეთ მისი შვენება,  
მისი სიტურფე, სიკეკლუცე, მოწყობილობა,  
თვალნი ფიალა, მათი ზეცად ამართულება  
ანგელოზებრი სიმშვიდე და მოკაზმულობა...

იისფრად ტუჩნი პაწაწინა ვით უღვივიან;  
მონშირებითა გასალიმად ვით მზა არიან,  
სასაუბროდ ოდეს შეარყევს, მურს აღძრას ენა;  
ან თუ ჭიკჭიკით ვით ნაზთ სიტყვები აქვთ პირთგან დენა;

აქეთ და იქით ლოყას ზილფნი ვითა ხედებიან,  
როგორც ცელქობენ, აშიკობენ, ეკონებიან!  
ხედავთ ლაწევებზედ, რა ამბები გაჰქონან კავებს?  
ამის მნახველი ნეტარ თავს ვინ არ ათაყვანებს!..

ევგონებ რომ ზენას განგებითა მოუბერია;  
ჩვენდა საოცრად ეს არსება მოუვლენია!  
შესაძლო არ არს, იგი იყოს კაცობრივ ქმნილი!  
არა, არ მჯერა, თუ რომ არის ადამის შვილი...!!

\*) როგორც უკანასკნელ ხანებში კოლა ერისთავის ცნობით გამოიქცა, ლექსი „აჰა ესე ვარდ-ზამბახნი“ ა. ჭავჭავაძის დაუწერია „თავის ქალზე ნინოზე“ (იხ. ი. მეუნარგია „ა. ჭავჭავაძე“ 1937 გვ. 64).

<sup>13</sup>, ა. ჭავჭავაძე „ლექსები“ 1881 წ. გვ. 85.

როგორ არა ვთქვათ, ნეტარებით, ვით არ ვცვარებდეთ;  
მის მიმსრბოლის შეხვედრაზე, ვით არ ვხარობდეთ!  
ნეტარ მას ჰაბუქს, ვინც მაწინა არის უფლებით  
ვინცა განცხრება საღმრთოისა ძლის შეუღლებით.

კვალად ნეტარ მას, მის სანატრელს კმაწვილ-ქალობას,  
ხშირის ხმის სმენით ვინც მიიღებს მისგნით დატკობას  
ვინცა მას ხშირად დასტრიალებს, მით აქვს გონება,  
შეხარის, და აქვს თაყვანება, გულს ეკონება<sup>14</sup>.

ნინო ჭავჭავაძე ისევ ახვერდოვის ქალთან იყო, როცა ტფილისში ჩამოვიდა მისი მომავალი მეუღლე ალექსანდრე სერგეისძე გრიბოედოვი და დასახლდა ექსარხოსის მოედანზე ალექსანდრე ვახტანისძე ორბელიანის შენობის მახლობლად მდებარე პატარა სახლის ზემო სართულის ორ ოთახში.

ამ ბინაში გაუკეთა მან საბოლოო რედაქცია თავის „ვიი ჭკუისაგან“-ს. კომედიაზე მუშაობის გარდა ის ჰქმნიდა სხვადასხვა სახის მუსიკალურ თხზულებებს და უკრავდა მურავიოვისაგან შექმნილ ფორტოპიანოზე, რომელიც რიცხვით მესამე იყო მაშინ ტფილისში (ერთი ედგა ალექსანდრე ჭავჭავაძეს, ხოლო მეორე პრასკოვია ნიკოლოზის ასულ ახვერდოვას).

ყველას მიერ და ყოველთვის საყვარელი გრიბოედოვი საპატიო სტუმარი იყო ტფილისის წარჩინებულ ოჯახებისა, მაგრამ ყველაზე უფრო ხშირად დადიოდა იგი გენერალ ხოვენთან და გენერალ მაიორ ახვერდოვის ქვრივთან.

დარია თედორეს ასული ახვერდოვა-ხარლამოვისა გვიამბობს: „გრიბოედოვი ხშირად მოდიოდა სტუმართმოყვარე ახვერდოვებთან და ეძლეოდა მუსიკას. უკრავდა არა მარტო თავისთვის, არამედ იმ მრავალრიცხოვან მოზრდილებისა და ბავშვებისათვისაც, რომლებიც ცხოვრობდნენ გენერლის მეუღლესთან დიდ ბინაში.

ჩვეულებრივად გრიბოედოვი თუ კარგ გუნებაზე იყო და თუ ახვერდოვებთან ნაკლებად ნაცნობი სტუმრები არ ისხდნენ, იგი სადილობის დამთავრებისთანავე ეტყოდა ბავშვებს: „Enfants, venez danser“\* (ის უმთავრესად ფრანგულად ლაპარაკობდა), გასწევდა სადარბაზო ოთახში, მიუჯდებოდა ფორტეპიანოს ისე, რომ ეცქირა ბავშვებისთვის, უკრავდა საცეკვაოებს თავის საკუთარ კომპოზიციისას. როცა ბავშვები ცეკვით გულს იჯერებდნენ გადადიოდა სხვა იმპროვიზაციებზე და ხშირად მთელ საღამოს საკრავთან ატარებდა.

სოფიო ორბელიანს ჩვეულებად ჰქონდა ძრიელ ახლო მისვლა ფორტოპიანოსთან ალბათ იმიტომ, რომ უფრო კარგად მოესმინა მუსიკა, ეს არ მოსწონდა გრიბოედოს და საფინალო აკორდის შემდეგ იგი მსუბუქად დაჰკრავდა მას ხელს წამოზნექილ მუცელზე, რაც სოფიოს გაქცევას იწვევდა ხოლმე“.<sup>15</sup>

პრასკოვია ნიკოლოზის ასულთან მცხოვრებ ბავშვებიდან გრიბოედოვი თავიდანვე რაღაც განსაკუთრებული თავაზიანობით ეპყრობოდა ნინო ჭავჭავაძეს და როგორც ხარლამოვა ვადმოგვცემს „აძლედა მას რჩევებს და მითითებებს მუსიკაში“.<sup>16</sup> ეს „თავაზიანობა“ ახალგაზრდა მოწაფისადმი მალე ტრფობად გადაექცა გრიბოედოს.

<sup>14</sup>. ი. კერესელიძე „ლექსები“ 1878 წ. გვ. 137, 138.

\* „ბავშვებო, წამოდიოთ ვიცეკვოთ“!

<sup>16</sup>. უურ. „Исторический Вестник“ 1910 წ. № 6. გვ. 878.



„ტფილისის კეთილშობილთა სასწავლებლის“ საჯარო აქტების წაბადვით 1828 წელს არდადეგების დროს ახვერდოვას პანსიონის ლამაზმანების ნინო ჭავჭავაძისა და მარიამ ორბელიანის ინიციატივით, უკანასკნელის ბინაზე მოწყობილ იქნა შინაურული აქტის მავგარი წარმოდგენა.

წარმოდგენის მონაწილე დიმიტრი ყიფიანი თავის მემუარებში ამის შესახებ წერს:

„თბილისის მაშინდელ მანდილოსანთა მცირე ჯგუფში შუქურვარსკვლავივით ბრწყინავდა ორი თავადის ქალი: ნინო ალექსანდრე ჭავჭავაძის ასული, შემდეგში მუხლზე გრიბოედოვისა, და მარიამ ივანე ორბელიანის ასული დედა ბარიათინსკის მუხლსა.

მოინდომეს ამათ სასწავლო აქტის შინაურულად წარმოდგენა. ვის შეეძლო მოსვლოდა აზრად, რომ ქართველთა სილამაზის საუკეთესო წარმომადგენელთათვის ასეთი უმანკო სურვილი დაეშალა. რასაკვირველია, არავის.

და გამართეს აქტისნაირი წარმოდგენა. ოფიციალური მოხელეები, რასაკვირველია, წარმოდგენას არ დასწრებიან. იყვნენ სულ ნათესავეები, თავადის ასულებისა.

წარმოდგენაში მონაწილეობას იღებდნენ უფროსი კლასების ხუთიოდ — ექვსი მოწაფე. წარმოდგენილმა აქტმა კარგად ჩაიარა და თავბრუდამსხმელი მაღლობის ღირსნი გაგვხადეს.

გაიძრა არდადეგების დრომ, დაიწყო სწავლა და ღმერთო დიდებულო! სასწავლებლის მართველობამ, შიშულნის მეთაურობით თავისი უფროსული მრისხანებით უანგარიშო მეხი თავზე გადმოგვაყარა: როგორ და რანაირად? როგორ თუ თქვენ ეს გაბედეთო“?

თავის მართლება არც ერთი სიტყვით! ეს კიდევ ცოტაა: გადასწყვიტეს ჯმ საშინელი თავხედობისათვის ექვსივე კაცი სამაგალითოდ დაესაჯათ! გაეწყვალათ ყველანი და გაეწყვალათ ყველა კლასში, რომ მოწაფეებს დაენახა!

თავის მოკვლა ქართველებს სამარცხვინოთ მიანიათ; მაგრამ ჩვენ მზათ ვიყავით ამისათვის, რომ მაშინდელ მნათობთა ყოველ შემძლებელი სილამაზე ენერგიულად არ გამოგვსარჩლებოდა და არ დავცხსენით“<sup>17</sup>.

„აქტისნაირი“ წარმოდგენაში მონაწილეობა ნინო ჭავჭავაძისათვის იყო პირველი და უკანასკნელი გამოსვლა სცენაზე.

ირანში რუსეთის მინისტრ-რეზიდენტად დანიშნული გრიბოედოვი 1828 წლის ივლისის 5-ს კვლავ ჩამოვიდა ტფილისში და დაბინავდა მთავარ მართებელ პასკევიჩის სახლში.

16 ივლისს გრიბოედოვი სადილად იყო ახვერდოვებთან. მას გადაწყვეტილი ჰქონდა გაეცხადებინა წელთა განმავლობაში თარულად ნატარები გრძნობა ნინო ჭავჭავაძისათვის და ეთხოვა მისი ხელი. იგი ასეც მოიქცა.

რვა დღის შემდეგ ფადეი ბულგარინისადმი გაგზავნილ წერილში გრიბოედოვი ასე აღწერდა ამ ამბავს.

„ეს იყო 16-ში. ამ დღეს მე ვსადილობდი ჩემ ძველ მეგობარ ახვერდოვის ქალთან, მაგიდაზე ვიჯექი ნინო ჭავჭავაძის გვერდით. სულ მას ვუყურებდი: ჩაფიქრდი, გული ძალზე ამიძვარდა, რაღაც გაურკვეველმა ძალამ არაჩვეუ-

17. დ. ყიფიანი „მემუარები“ 1930 წ. გვ. 9, 10.

ლებრივი გამბედაობა მომანიჭა, მსგიდიდან ადგომისას მე მას ხელი მოვკიდე და უთხარი: „Venes avec moi, J'ai guelgeue chose à vous dire“. \*)

მან დამიჯერა ისე, როგორც სხვა დროს მიჯერებდა ხოლმე, ალბათ ეგონა, რომ ფორტოპიანოსთან დაესვამდი; მაგრამ ეს ასე არ მოხდა, დედა-მისის სახლი აქვე მახლობლადაა, ჩვენ იქ წავედით, შევედით ოთახში, მე ლოყები ამენთო, სუნთქვა შემეკრა და არ მახსოვს რას ვროშავდი, სულ უფრო და უფრო სწრაფად ვლაპარაკობდი, ის ატირდა, მერე გაიცინა, მე ვეამბორე მას, მერე დედამისთან, ბებიასთან ფაველით, შემდეგ მის მთორე დედასთან პრასკოვია ნიკოლოზის ასულ ახვერდოვასთან, ჩვენ დაგვლოცეს, მთელი ღამე და მთელი დღე მის ტუჩებს არ მოვშორებდით, მე შიკრიკი ვავგზავნიე ერევენში მამამისთან და გავატანე წერილი ორივე ჩვენგანიდან და მის მშობლებიდან.

ამ ხანებში ჩემი ბარგი მომზადებულ იქნა. მთორე ღამით გაუტრკვეველმა ყველაფერ იმაში, რაც ჩემს თავზე მოხდა ისევ ლაშქარში გავემგზავრე, გუმბრში მე წამომეწია თავად ჭავჭავაძის პასუხი ერევიდან, ის გვლოცავდა მე და ნინოს, და გახარებული იყო ჩვენი სიყვარულით. მე ორმაგად მზრუნველი ვიქნები ჩემი თავისა და მისი.“<sup>18</sup>

25 ივლისს გრიბოედოვი ჩავიდა ახალქალაქში. აქ მან რამდენიმე დღე გაატარა პასკევიჩთან ირანის საქმეებზე თათბირში.

29 ივლისს გუმბრში ჩასული გრიბოედოვი წერდა პრასკოვია ნიკოლოზის ასულ ახვერდოვას: „წარმოიდგინეთ ჩემი გულის გატება! მოდიან ახალქალაქის ასაღებად, და აღარ არის ყარსთან მიმოსვლა. მე მივყვები საერთო დენას და ალბათ მეასედ ვტოვებ მთელ ჩემ ბარგს. როგორ ძნელია ყოველივე ეს და როგორი დამტკევი! რად არის საჭირო მთელი ეს დევნა! უთხარით ნინოს, რომ ეს დიდხანს არ გაგრძელდება, რომ სულ მალე ორ წელზე არაუგვიანეს მე შევიქნები მემამულე წინანდლისა... უკეთილესო მეგობარო ჩემო! ელაპარაკეთ ჩემს შესახებ ნინოს ყოველთვის, რაც შეიძლება მეტი, როცა თქვენ რაიმე უკეთესის გაკეთება არ შეგეძლებათ.“<sup>19</sup>

4 აგვისტოს საღამოს თითქმის ექვს საათზე ალექსანდრე სერგეის-ძე გრიბოედოვი უკანვე დაბრუნდა ტფილისში.

ორი დღის შემდეგ იგი ავად გახდა ჭინჭრის ციებით. 7-ში მან საღამო გაატარა გენერალ ზოვენთან ვახშამზე, მიუხედავად იმისა, რომ თავს მეტად ცუდად გრძნობდა და სახლში მისვლისთანავე რამდენიმე ხნით ჩაწვა ლოჯინში.

ნინო ჭავჭავაძემ არაფერი იცოდა საქმროს ავადმყოფობაზე და უკვირდა გრიბოედოვის გაუჩინარება. ოდნავ მოკეთებულმა გრიბოედოვმა წერილით შემდეგი აუწყა ახვერდოვის ქალს:

„ძირფასო მეგობარო! თქვენ მე მნახეთ ჩემი გვემულების დაწყებისთანავე. ეს იყო ერთი ყველაზე უფრო მძლავრთავანი. დღევანდლამდე ვაგძელდა. პრიბელმა მომცა წამალი, რომელმაც არაფერი მარგო, რადგან შეუძლებელია, რომ ნინოს ამდენ ხანს სჯეროდეს იმ არასწორ დებულებებისა, რომლებსაც მე ვუდგენდი ჩემს გაუჩინარების მიზეზად, ამიტომ გთხოვთ უთხრათ მას, რომ მე სი-

\*) წამოდით ჩემთან, მე თქვენ უნდა ვითხრათ რაღაც“.

<sup>18</sup>. А. С. Грибоедов „Полное собр. сочин.“ ტ. III 1917 წ. გვ. 220, 221.

<sup>19</sup>. იგივე წყარო გვ. 221.

ნამდვილეში ავად ვიყავი, რომ ახლა გაცილებით კარგად ვარ, თუმცა ჯერ კიდევ არ გამოვდივარ ოთახიდან და აკოცეთ მას ძრიელ ნაზად“<sup>20</sup>)

ამ ამბის გაგებისთანავე ნინო ჭავჭავაძემ ინახულა ავადმყოფი და მოვლა დაუწყო. „ნინო, — წერდა ადგომის შემდეგ გრიბოედოვი ბულგარინს, — არ მომშორებია სასთუმალიდან“<sup>21</sup>.

ავადმყოფობისაგან მომჯობინებული პოეტი ჯვრისწერის დაჩქარებას შეუდგა.

შეუღლებსათვის ხელისუფლებისაგან ნებართვის აღება იყო საჭირო. თანხმობის ქალაქის კანცელარული წესით გაფორმებამდე გრიბოედოვმა კავკასიის მთავარმართებელ პასკევიჩის სიტყვიერი ნებართვა გამოსთხოვა და ჯვრისწერის დღედ დანიშნა ოცდაორი აგვისტო.

იმ დღეს ალექსანდრე სერგეის ძე სიბიაგინთან იყო მიწვეული სადილზე, ხოლო საღამოთი სიონის ეკლესიაში შესდგა ჯვრის წერა.

სიონის სობოროს საეკლესიო „ჩანაწერების წიგნი“ გვაუწყებს:

„Часть вторая о Бракосочетавшихся 1828 года. № 3 Число: Августа 22. Кто с кем венчался первым, вторым и третьим браком кто венчал их: полномочный министр в Персии его императорского величества Статский советник и Кавалер Александр Сергеевич Грибоедов вступил в законный брак с девицею Ниною дочерью Генерал-майора князя Александра Чавчавадзева оба первым браком. Кто были поручители: при чем были свидетелями коллежский советник Завилейский и титулярный советник Мальцов. Удери Иоанн Белаев“<sup>22</sup>

შეუღლების ცერემონიალის მთელ მანძილზე ციების გვრემა მოსვენებას არ აძლევდა გრიბოედოვს. ქონაწინების მეორე დღეს პასკევიჩისადმი გაგზავნილ ბარათში პოეტი წერდა: „გუშინ მე ვფიქრობდი, რომ ორ პარაკსიზმთა შორის საშუალება მექნებოდა ჯვარი დამეწერა. ავადმყოფობის შემოტევის გარეშე, მაგრამ მოვსტყუედი, სწორად იმ დროს, როცა გვირგვინი უნდა დამედგა, ისე შემომახურა, რომ კინალამ უარი ვსთქვი შეუღლებაზე, ხოლო როცა ჯვარს გვწერდნენ, მე ფეხზე ძლივს ვიდექი“<sup>23</sup>

ბეჭდების შენაცვლებისას ალექსანდრე სერგეის ძემ დაჰკარგა საქორწილო ბეჭედი, ამან უაღრესად შეაკრთო იქ მყოფნი და თვითონ გრიბოედოვიც.

ეკლესიიდან ჯვარდაწერილები, ნათესავებთან და ნაცნობებთან ერთად, რომელთა რიცხვი ორმოცდაათამდე იყო, გაემგზავრნენ ახლად ნაჭირავებ ბინაზე, სადაც გადახდილ იქნა ქორწილი.

ალექსანდრე ჭავჭავაძე იმჟამად ბაიაზეთში იმყოფებოდა, მაგრამ მის ბრძანებისამებრ ნინოს დაბადების დღეს ქვევრში ქორწინების დღისთვის ჩასხმული ღვინო, როგორც იონა მელნარგია გადმოგვცემს: „17 წლის შემდეგ (ნინოს გათხოვების დღეს) მოხადეს და ჩინებული ღვინო შეიქნა“<sup>24</sup>).

24 აგვისტოს ალექსანდრე სერგეისძესთან იყო სადილი, რომელსაც ესწრებოდა ასი სული. საღამოს ექვს საათზე დაწყებული ცეკვა ღამის თერთმეტ საათამდე გაგრძელდა.

<sup>20</sup>. იგივე წყარო გვ. 222.

<sup>21</sup>. იგივე წყარო გვ. 224.

<sup>22</sup>. უტრ. „Огонек“ 1929 წ. № 6.

<sup>23</sup>. უტრ. „Дела и Дни“ 1921 წ. წიგნი II გვ. 68.

<sup>24</sup>. ი. მელნარგია „ა. ჭავჭავაძე“ 1937 წ. გვ. 60.

კვირას, 26 აგვისტოს სიპიაგინმა ახლად შეუღლებულებს გაუმართა დიდი შალი, რომელიც გახსნა პოლონურის ცეკვით ნინო ალექსანდრეს ასულთან ერთად. დამის პირველ საათზე დაიწყო შესანიშნავი ვახშამი. სიპიაგინი თვითონ ხელმძღვანელობდა ყველაფერს, ვახშამობის მთელ მანძილზე ის არ დამჯღარა და ცდილობდა რაც შეეძლება მეტად ესიამოვნებინა სტუმრებისათვის. ვახშამის დასასრულს იცეკვეს მახურკა. დილის ოთხ საათზე სტუმრებმა იწყეს დაშლა.

გრიბოედოვის ნათესავმა მთავარმართებელმა პასკევიჩმაც ძვირფასი ქორწილი გადაუხადა ჯვარდაწერილებს, რომელზედაც დაპატიყებული ჰყავდა მთელი თბილისის „ბრწყინვალება“, მათ შორის ქართველები და პოეტი გიორგი ერისთავიც.

გიორგი ერისთავის ბიოგრაფიულადმოგვცემს: „1828 წელს, როდესაც რუსეთის გამორჩენილმა მწერალმა გრიბოედოვმა ჯვარი დაიწერა ქალაქში, მაშინდელმა მთავარმართებელმა პასკევიჩმა, რომელიც გრიბოედოვის ნათესავი იყო, ქორწილი თავის სასახლეში გადაიხადა და ამ ქორწილზე მიიწვია ბევრი საქართველოს თავდასხნაურნი და სხვათა შორის ახალგაზრდა გიორგიც. დანიშნულ დროზე გიორგი ქართულის ტანისამოსით მორთული მოვიდა სასახლეში და შეუდგა კიბეს, მაგრამ წარმოიდგინეთ მისი გაკვირვება. კიბეზე ასვლის დროს კალთაში სწვდა მას ერთი პოლიციის მოხელე და ზალაში შესვლის ნება არ მისცა ქართულის ტანისამოსით. გიორგიმ ითაკილა ამ გვარი შეურაცყოფა და შინ დაბრუნდა. თავმოყვარეობამ ნება არ მისცა მას სხვა ტანისამოსი ჩაეცვა და ისე დასწრებოდა ქორწილს“<sup>25</sup>

ნინო ჭავჭავაძის გათხოვების ამბავი უცებ მოედო მთელ ქალაქს. „მთელი თბილისი, — გვიამბობს ადენლუნგი — თანაუგრძნობდა ამ შეუღლებას; ყველანი გამოუკლებლივ ტრფოდნენ და პატივს სცემდნენ გრიბოედოვს“<sup>26</sup>

სიტყვა „თითქმის“ გამორჩა დაემატებია ადენლუნგს, რადგან ტფილისში და ტფილისის გარეთაც იყვნენ ნინო ჭავჭავაძისადმი სიყვარულით დაწყულულებული ფულის მატარებელნი, რომლებსაც ამ შეუღლებამ უიმედო ტრფობა და ურვა გაუახვეცათ.

გრიბოედოვი ჩვიდმეტი წლით უფროსი იყო თავის ცოლზე, რომელიც გაუკეთებამდე უყვარდა.

„ნინო გრიბოედოვისა, — გადმოგვცემს ბოროზდინი, — მეტის მეტი ტანადი იყო, შავგვრემანი და მშვენიერ თვალებიანი. ქმარს მისთხოვდა, როცა მისი მშვენება სავსებით იყო გადაშლილი. გრიბოედოვს უზომოდ უყვარდა თავისი ახალგაზრდა ცოლი, რომელსაც „მურილიოს მადონას“ ეძახდა. ამ საყვარელ არსებას ქმარი ისე უყურებდა, როგორც ბავშვს, და ამბობდა: ჩემი ვალია, რაც აღზრდა დააკლდა, მე შევუსრულოვ“.<sup>27</sup>

გადაჭარბებული არ იქნება თუ ვიტყვი, რომ გრიბოედოვს ყველაფერზე მალლა, თვითონ სამსახურებრივ მოვალეობის გრძნობაზე უფრო მალლა დაყენებული ჰქონდა უნაზესი ლირიზმით გამთბარი სიყვარული მეუღლისადმი.

1828 წლის ექვს სექტემბერს გრიბოედოვი ამის გამო წერდა პასკევიჩს ტფილისიდან: „თქვენ ამბობთ, რომ მე ძლიერ ვავერთე ჩემი ქორწინებით. ნი-

<sup>25</sup> გ. ერისთავი „თხზულებანი“ 1884 წ. გვ. XX, XXI.

<sup>26</sup> უტრნ. „Русская Старина“ 1874 წ. № 10, გვ. 296.

<sup>27</sup> კ. ბოროზდინი „სამეგრელო“ 1934 წ. გვ. 12.

ხო ჩემი ცარსი და ახალციხეა და მე შევეცადე დამესაკუთრებინა იგი რაც შეიძლება მალე ისევე, როგორც თქვენმა ბრწყინვალეებამ ამდენი ციხე-სიმაგრენი დაისაკუთრა“.<sup>28</sup>

ცხრა სექტემბერს გრიბოედოვი ცოლით დაუშველებელ ამალით, რომლებსაც ერევნამდე მოყვებოდნენ სალომე ჭავჭავაძისა და ექიმი უმისსა დაიძრნენ თბილისიდან. გამგზავრებულები გააცილეს დიდის ზეიმით, უკრავდა ლეგიონის სამხედრო ორკესტრი.

რეაღიანი მგზავრობის შემდეგ ახლად ჯვარდაწერილები გამცილებლებთან ერთად ეჩმიადინს მონასტერში მივიდნენ, რომლებსაც სასულიერო წოდებამ ბრწყინვალე შეხვედრა მოუწყო.

აქედან მისწერა გრიბოედოვმა თავის პეტერბურგელ მეგობარს მიკლაშევიჩის ქალს ბარათი, რომელიც კიდევ ერთხელ ადასტურებს მის უზადო სიყვარულს, ახალგაზრდა მეთუღლისადმი:

„მეგობარო ჩემო ბარბალე სიმონის ასულო! მეთუღლე ჩემი ჩვეულებისამებრ თვალებში მიმზერს, მიშლის წერას, იცის რომ ქალთან ვწერ და ეჭვიანობს. ნუ დამემღურობით ამდენი ხნის ღუმილისათვის. მე ცოლიანი ვარ და ვმოგზაურობ უშველებელ 110 ცხენისა და კამეჩისაგან შემდგარ ქარავანით. ღამეს ვათევთ მთების მწვერვალებზე კარავებში, სადაც ზამთრის სიცივეა, ჩემი ნინიკო არ საყვედურობს, ყველაფრის კმაყოფილია, მზიარული და მომღბენი. ადგილის შენაცვლებისას ჩვენ გვიწყობენ შესანიშნავ შეხვედრებს. ცხენონები გამალებით მოჰქრიან ჩვენსკენ, რომ მოგვილოცონ მშვიდობით მისვლა. ამ უამად ჩვენ დიდის ამბით მიგვიღო ეჩმიადინის მონასტრის სამღვდელოებამ ჯვრებით, ხატებითა და მგალობლებით. „როგორ მოხდა ყველაფერი ეს! სადა ვარ მე, რა და ვისთან? ვიცხოვრებთ მარად, არასოდეს არ მოგვკვდებით“. გგსმით? ეს სიტყვები ახლა არ ვიცი რის გამო მითხრა ჩემმა მეთუღლემ“.<sup>29</sup>

ერევნიდან ახლად ჯვარდაწერილების შესახვედრად გამოემართა ხუთასამდე მხედარი, რომელთა შორისაც იყო რამდენიმე ხანი და ერევნის პლაცადიუტანტი.

19 სექტემბერს ახმედ-ხანმა გრიბოედოვის საპატივცემოდ მოაწყო ოცდაათკურძიანი მდიდრული სადილი. მეორე ადღეს, ბაიაზეთიდან ჩამოვიდა გრიბოედოვის სიმამრი პოეტი ალექსანდრე ჭავჭავაძე, რომელიც სამსახურებრივ საქმეთა გამო ვერ დაესწრო თავის ქალიშვილის ქორწინებას.

25 სექტემბერს ალექსანდრე ჭავჭავაძესთან იყო გამოსამშვიდობებელი საუბრე, რის შემდეგ გრიბოედოვმა თავის მეთუღლესთან ერთად დასტოვა ერევანი. ერევნიდან შვიდი ვერსით დაშორებულ სოფელთან ნინო ალექსანდრეს ასული გამოემშვიდობა თავის მშობლებს.

სოფელ სადარაკესთან ელჩის ქარავანს წამოეწია სამხედრო ექიმი მალბერგი, რომ გაეცილებია მისია თავრიზამდე. 7 ოქტომბერს მისია ჩავიდა თავრიზში. აქ მინისტროეზიდენტს თავის ამალითურთ შეეგება თვითონ აბაზ მირზა, რომელსაც გრიბოედოვმა გადასცა იმპერატორ ნიკოლოზ პავლესძის მიერ რატიფიცირებული ტრაქტატი.

<sup>28</sup> უტრ. „Дела и Дни“ 1921 წ. წიგნი II, გვ. 70.

<sup>29</sup> А. С. Грибоедов „Полное собр. сочлн.“ 1917 წ. ტ. III, გვ. 226, 227.

თავრიზში ყოფნის მთელი ორი თვის განმავლობაში გრიბოედოვი ვართუ-  
ლი იყო დიპლომატიურ საქმეებით და მხოლოდ საღამოთი იცლიდა ოჯახი-  
სათვის.

მიკლაშვიტის ქალისადმი ვაგზავნილ ბაქრაში ალექსანდრე სერგეისძე  
წერდა:

„დამქანცველ სამუშაო დღის დასრულების შემდეგ გავმარტოვდები ხოლ-  
მე ჩემს ბინაში. იქ მყავს მე ერთ ძვირფას სახეებაში ფაერთიანებული დაჲ, მე-  
უღლე და ქალიშვილი. ვუამბობ სხვადასხვა ამბებს, ვაცნობ ყველა იმათ, რო-  
მელნიც მათ ახლო ხანში პირადად უნდა ნახონ და გულწრფელად შეიყვარონ.

ჩვენ საუბრებში თქვენი სახელი ხშირად იხსენიება. შეიყვარეთ ჩემი ნინი-  
კო. გინდათ იცნობდეთ მას? მალმეზონის ერმიტაჟში შესვლისთანავე მარჯვე-  
ნა მხარეს დგას მურილიოს მწყემსი ქალის მაგვარი ღვთისმშობლის ქანდაკე-  
ბა — აი იგი“.<sup>30</sup>

გრიბოედოვისთვის აუცილებელი იყო თეირანში წასვლა. ნინოს კი სტან-  
ჯავდა ფეხმძიმობა. ფეხმძიმე ცოლის დატოვება მეტად ძნელი იყო პოეტი-  
სათვის.

მაგრამ სხვა გზა არ იყო და ალექსანდრე სერგეისძე დამორჩილდა ბედს.  
ავადმყოფი მეუღლე მან ინგლისის ელჩის მაკდონალდის ცოლს ჩააბარა, უზ-  
რუნველყო იგი საექიმო დახმარებით და ცხრა დეკემბერს თავრიზიდან თეი-  
რანს გაემგზავრა.

საყვარელ მეუღლეზე ფიჭი მოსვენებას არ აძლევდა გრიბოედოვს; გზი-  
დან თითქმის ყოველ დღე აგზავნიდა იგი ბარათებს ნინოსადმი.

შენახულია ერთი ასეთი წერილი ნინო ალექსანდრეს ასულისადმი ყაზბი-  
ნიდან 1828 წლის 24 დეკემბერის თარიღით მიწერილი.

მომყავს იგი უცვლელად:

„სულიკო“ ხვალ ჩვენ თეირანში მივემგზავრებით. აღნიშნულ ადგილამდე  
აქედან ოთხი დღის სავალია. წუხელ ერთი ჩვენი ქვეშევრდომის ხელით შენ-  
თან წერილი ვამოგზავნე, რომელსაც შენ და მაკდონალდის მეუღლე თორ-  
მეტ დღეზე ადრე ვერ მიიღებთ. ფასდაუდებლო მეგობარო ჩემო, მეცოდები.  
ვშფოთავ და ვწუხვარ უშენობით. ახლა მივხვდი, რას ნიშნავს ნამდვილი სი-  
ყვარული.

წინათ მრავალს დავცილებივარ, რომლებთანაც აგრეთვე მჭიდროდ ვიყა-  
ვი დაკავშირებული, მაგრამ ერთი ორი დღისა და კვირის შემდეგ ურვა იფან-  
ტებოდა, ახლა კი რაც დრო გადის, უშენობა უფრო სამძიმოა. მოვითმინოთ  
კიდევ ცოტახანს, ანგელოზო ჩემო, და ვთხოვრთ ღმერთს, რომ ამის შემდეგ  
აღარ დავვაშროოს ერთმანეთს.

ტყვეებმა აქ ლამის ჭკუიდან შემშალონ, ზოგს არ იძლევიან, ზოგიერთს  
თვითონ არ სურს უკან დაბრუნება. მათ გამო ტყუილუბრალოდ დავკარგე აჟ-  
დენი დრო. ჩვენი სახლი მშვენიერია, მაგრამ ძალზე ცივა, ბუხრები არ დგას,  
ქურებისაგან კი ყველას თავები ავტკივდა.

გუშინ მე მიმიწვია აქაურმა ვეზირმა მირზანებიმ, მისმა ძმამ ჯვარი დაი-  
წერა ადგილობრივ შახზადის ქალიშვილზე. ქორწილი აგერ მეთოთხმეტე დღეა,

<sup>30</sup>. იგივე წყარო გვ. 237, 238.

რაც გრძელდება. უშველებელ ეზოში რამდენიმე ოთახია, რომელშიც უხვად-  
დაა საქმელი და ტკბილეული. მთელი ეზო კარვისებურად მოჩარდახებუ-  
ლია უშველებელ ტილოს ფარდით და ნაირფერად განათებულია. შუაში თე-  
ატრია სხვადასხვა სახისა სწორეთ ისეთი, ჩვენ ერთად თეირანში რომ ვნახეთ.  
გარშემო ხუთას სულამდე სტუმარი ზის. სიძე ახალგაზრდა კაცია, თვითონ მო-  
ვიდა ჩემს გასაცნობად მდიდრულად მოკრთული.

ჩვენი ქორწილი, ჩემო სულიკო უფრო მზიარული იყო, მიუხედავად იმი-  
სა, რომ შენ წახადის ასული არა ხარ და არც მე ვარ დიდი კაცი. განსოვს,  
ფასდაუდებელი მეგობარო ჩემო, როგორ ვიქორწინე შენზე ყოველ გვარ შუა-  
მავლისა და მესამე პირის გარეშე. განსოვს პირველად როგორ გაკოცე ჩვენ  
სწრაფად და გულწრფელად შეგერთდით და საუკუნოთაღ. განსოვს პირველი  
სალამო, როცა დედაშენი, ბებია და პრასკოვია ნიკოლოზის ასული ბანზე ის-  
ხდნენ, მედაშენ კი ფანჯრის სიღრმეში. როგორ გიკრავდი გულში, შენ  
გრცხვენოდა და გაწითლებული იყავი, მე გასწავლიდი როგორ უნდა მაგრად  
ლა მაგრად კოცნა. შემდეგ როგორ დავბრუნდი ბანაკიდან, ავად გავხდი და  
შენ, სულიკო, მოდიოდი ჩემს სანახავად.

როდის მეღირსება შენთან დაბრუნება! იცი როგორ მეშინია შენს გამო, მე  
სულ მგონია, რომ შენ ისევე ის დაგემხრება, რაც ჩემი წასვლის ორი კვირით  
ადრე შეგემთხვა. მე მხოლოდ დარეჯანის იმედზე ვარ. ვიცი, რომ მეტად ფხი-  
ზელი ძილი იცის და შენ არ მოგშორდება. აკოცე მას და აგრეთვე ფილიპესა  
და ზაქარიას, თან გადაეცი, რომ შენი წერილის გამო მადლობას გუთვლი მათ.  
თუ შენ მათი კმაყოფილი იქნები, მე შევეცდები კმაყოფილნი ვიყ-  
ოლიო ისინიც.

ამასწინათ მე დავათვალიერე აქაური ქალაქი. მეტად მდიდარი მეჩეთებია,  
ბაზარი, ქარვასლა, მაგრამ ყველაფერი ნანგრევებშია ისე, როგორც მთელი  
აქაური სახელმწიფო. მომსვალ წელს ამ ადგილებს ჩვენ ალბათ ერთად ვინა-  
ხულებთ და ყველაფერი მე უკეთესად მომიჩვენება.

მშვიდობით, ნინიკო, ანგელოზო ჩემო. ახლა სალამოს 9 საათია. შენ ალ-  
ბათ დასაწოლად ემზადები. მე კი მეხუთე დღეა თავი მტკივა და უძილობა  
მაწუხებს. ექიმი ამბობს დაქანცულობის მიზეზითააო. მე კი მგონია, რომ სრუ-  
ლიად სხვა გარემოების ბრალია. ეზო, სადაც ქორწილს იხდიან, საწოლი ოთა-  
ხის მახლობლადაა, იქ იმდერთან და ზმაურობენ. ყველაფერი ეს ჩემთვის ცუდი  
არ არის, პირიქით ამის წყალობით მე თავს თითქმის მარტოდ აღარ ვგრძნობ.  
მშვიდობით, ძვირფასო მეგობარო ჩემო, მოიკითხე ავალობეკი, მონტიკი და  
სხვანი. გკოცნი ტუჩებში, მკერდში, ხელებზე, ფეხებზე და მთლად თავიდან  
ფეხებამდე.

ხვალ შობაა. მომილოცავს, ძვირფასო სულიკო. მე ვარ დამნაშავე, ჩემი  
ამ დიდ დღესასწაულს შენ ასეთ მოწყენილობაში ხვდები, ტფილისში შენ  
იმზიარულედი. მშვიდობით. ჩემიანები ყველანი მოკითხვას გითვლიან.

თუ შემთხვევა გექნება წერილის მოწერისა, მამასთან და ტფილისში ბე-  
ბიასთან და დედაშენთან, ჩემს მაგიერ მოკითხვა შეუთვალე და აგრეთვე კა-  
ტინკასა და დავითს, ახლო ხანში ყველას მე თვითონ მიგწერ წერილებს.<sup>31</sup>

ახალწლისთვის გრიბოედოვი უკვე თეირანში იყო.

<sup>31</sup>. იგივე წყარო 244—246.

თავდაპირველად ყველაფერი რიგზე მიდიოდა. შახი თავაზიანად ეპყრობოდა ალექსანდრე სერგეისძეს, მართავდა მის საპატივცემლოდ დღესასწაულებს, უგზავნიდა ძვირფას საჩუქრებს და უბოძა მას ლომისა და მზის პირველი ხარისხის ორდენი.

მაგრამ, როცა საქმე ტყვეების დაბრუნებას შეეხო, ყველაფერი აირია.

ამ დროისათვის გრიბოედოვმა მთავარმართებლისაგან შეუღლების შესახებ შემდეგი შინაარსის მოწერილობა მიიღო:

«Отношение гр. Паскевича К. С. С. Грибоедову.

От 7-го января 1829 года № 115

О вступлении в брак с княжною Чавчавадзе я сообщил гр. Несельроде, с пояснением причин, по коим приступили к оному, не испрося на те предварительного разрешения. Ныне канцлер уведомляет меня, от 18-го декабря, что Г. И. во внимание и причинам, описанным мною, соизволил признать совершенно правильным устное мною вам разрешение на вступление в брак.»<sup>32</sup>

ურთიერთობა ირანელებთან ტყვეების გამო დღითიდღე უარესდებოდა.

გრიბოედოვი თითქოს წინასწარვე გრძნობდა ტრაგიკულ დასასრულს. 1829 წლის 15 იანვარს მან შეუღლეს თავისი საყვარელი ძვირფასი სამეღნე გაუგზავნა ფრანგულ ენაზე შემდეგი წარწერით\*) „ჩემს ანგელოზს ნინოს, 15 იანვარი, 1829 წელი თეირანი.“<sup>33</sup>

ვინ იცის, მიხვდა თუ არა ამ სამეღნის მიღებისას ნინო ალექსანდრეს ასული, რომ ეს იყო უკანასკნელი აჩრმადანი ქმრისაგან.

30 იანვარს გრიბოედოვი (რუსეთის საელჩოს) სხვა წევრებთან ერთად ირანელ ბრბოს მიერ ვერაგულად იქნა მოკლული თეირანში.

(გაგრძელება იქნება)

<sup>32</sup> „АКТЫ“ ტ. VII. გვ. 921.

\*) ეს სამეღნე ამჟამად საქ. ლიტერატურულ მუზეუმში ინახება.

<sup>33</sup> გაზ. „Вечерний Тбилиси“ 1937 წ. № 213.



1940 წ. იანვრიდან „ჩვენი თაობა“ გამოცემის  
ყოველთვიურად

ხელის მოწერის პირობები

|                         |            |
|-------------------------|------------|
| წლიურად . . . . .       | 18 მან.    |
| ნახევარი წლით . . . . . | 9 „        |
| ცალკე ნომერი . . . . .  | 1 მ. 50 კ. |

ხელის მოწერა მიიღება სახელგამის ყველა მაღაზიაში, სოიუზბენკის რაიბიუროებში და სახელგამის პერიოდ-სექტორში.

კელამსიის მისამართი:

ტფილისი, შაჩაბლოს ქ. № 13, მწერალთა კავშირი.

h 553  
1940.

№ 1 8. 50 ჯ.



Ежемесячный журнал  
**„ЧВЕНИ ТЛОБА“**  
Сахелгами 1940 г. Тбилиси.